






19853

*West. prot. 3841*





1880. A. 446

dis' 1832

ich umars let 143.

jak ta Kiarra wydane  
let 126. —

1689  
1763  
146



*Sub Libr. V. Bibl. Rom. Vell. S. S.*



Venerabilis P. THOMAS de Rupniew VIEYSKI  
ex Episcopo Chyrowiensi et Gzemihoniensi Religiosus  
Soc. IESU, Episcopali et Religiosa perfectione conspicuus  
Obijt Vilnae anno 1689, I Aug. Aetatis 76. Societatis initia 22





# V I T A

Venerabilis Patris

*Nihil* THOMÆ *Vi.*

De RUPNIEW UJEYSKI

Primùm Episcopi Chijoviensis  
& Czernihoviensis


*in Regno Polonia,*

dein Religiosi Societatis JESU,

*conscripta*

à Rndo. P. JOANNE BRICTIO  
*ex eadem Societate*

*Pruteno-Uarmiensi, S. Theol. Doct:*



BRUNSBERGÆ

Typis Collegij Societatis JESU  
Anno MDCCVI.

19853 J



Perillustri ac Reverendissimo Dno.  
D. STANISLAO de Rupniew  
UJEYSKI Decano & Canoni-  
co Varmienfi &c. &c.

**M** Agnum olim in Sacro Antistitum,  
& augusto Procerum Polonia Se-  
natu, majorem in delecta minima  
JESU Societate, Tuum Tibi reddo Patru-  
elem, Venerabilem P. THOMAM, Per-  
illustris ac Reverendissime Domine.  
Redit mortuus ad publicam lucem, quam  
vividus fugerat; comparet, historica de-  
vehente pennâ, in facie solis, qui religio-  
sam umbram Infulatis posthabuit splen-  
doribus. Stupuit Polonia Antistitem, Ec-  
clesiæ Solem, spontanea obscurari eccli-  
psi, Oraculum regni ire sub leges silentij,  
Patriæ Patrem in humilem transire I-  
gnatij filium: & quidem tanto humili-  
oris sortis ambitu, quanto mortales aspi-  
rant, & nituntur ad sublimem. Et quid-

ni stuperet: cùm in sacrâ Ecclesiâ suâ fa-  
ctis viderit neminem, qui simili fastu  
honorum Ecclesiasticorum & Politicorum  
calcârit fastigia. Solus hic infulatus  
Lechiæ phoenix desertam Religiosâ soli-  
tudinis Arabiam petijt: ut Felicem bea-  
tæ Æternitatis obtineret, ac insolita hu-  
militatis immoreretur cineribus.

Rara hæc metamorphosis in Viro tan-  
to, visa est equidem non paucis insolenti-  
or, aut minus consultâ: at illi non de-  
erant illustrissima & heroica Sanctorum  
quibus insisteret, vestigia, Petri Celesti-  
ni Pontificis Maximi, Gregorij Nazian-  
zeni Summi Theologi, Adalberti Episco-  
pi & Martyris gloriosi, Card: Bellarmini  
Archiepiscopi Capuani, Caroli à Lotha-  
ringia, Ducis & Episcopi Virdunensis,  
compluriumq; aliorum, imò ipsius Sancti  
Sanctorum, qui cùm in forma Dei, &  
splendoribus Sanctorum esset ab aeterno,  
in fine sæculorum humiliavit semetipsum,  
abjectam servi formam suscipiens. Fa-  
ctum est autem Divino planè consilio: ut  
non nisi in proVectiore ætate, votorum su-  
orum attingeret metam Religiosissimus  
Episcopus noster. Delectus enim fuit à gu-  
ber-



*Genatrice mundi, Sapientissima Provi-*  
*dentia: ut novam, in vario statu sanctè vi-*  
*lendi Ideam, exhiberet orbi, exprimeret-*  
*q; in se uno dotes omnes, sive in aulico*  
*Christiano, sive in senatore regni, sive in*  
*Pontificum regumq; Ministro, sive in Præ-*  
*lato Ecclesiastico, ac deniq; in consumma-*  
*to Religioso, desideratas. Et expressit eas tã*  
*scitè feliciterq; ut dubium reliquerit;*  
*sanctioremne egerit Episcopum an Sena-*  
*torem; Religiosum an Aulicum; Superio-*  
*rem an Subditum?*

*Grande hoc rarumq; absolutissimæ vir-*  
*tutis exemplar, tenui, sed fidei stylo ad-*  
*umbratum, in cujus consultius deponerè*  
*sinum, ad perennem orbis admirationem*  
*Et imitationem, quàm in tuum, Perillu-*  
*stris ac Reverendissime Domine: qui nō*  
*nominis tantum, Et cognati sanguinis ju-*  
*re; sed virtutum Et egregiè gestorum me-*  
*rito tua fecisti Religiosissimi Prælati Et*  
*Patruelis tui decora? Ardet etiam in Te*  
*indefessus ille boni publici zelus; splendet*  
*rara illa dimissæ Insulæ Et since-*  
*ra virtutis gloria; spirat viva illa Præla-*  
*ti Ecclesiastici imago. Sive enim Ecclesiæ*  
*negotia tractanda, sive in Polonæ Nobi-*  
*lita-*

litatis Areopago jura essent dicenda: ubiq;  
effulsisti disertus & eruditus, dexter ac  
fortis, venerabilis & charus etiam Eri-  
nentissimis. Admittes igitur, confido,  
facilis & gratio'us, Vitam quam vivis,  
Antistitem è cujus disciplina prodijsti, Re-  
ligiosum, pro Te assiduum apud Superos  
Oratorem, Patrem qui te in corde gesta-  
vit. Admittes hanc devinctissimi animi tes-  
seram, qua minima Societas contestatur:  
se plus debere Illustrissimæ UJETSEIANÆ  
Domui, pro uno hoc Viro; quàm pro nu-  
merosis Collegijs fundatis. Ego gratiosa hac  
facilitate Magno Nomini tuo obstrictissi-  
mus, ardentibus calum fatigabo votis: ut  
ad mensuram meritorum ætatem Tibi ex-  
tendat; donec plenus dierum & bonorum  
individuus jungaris Magno Patrueli Tuo.  
Pinsci 1706. 10. Augusti.

Illustrissimæ ac Reverendissimæ  
Dominationis Vestræ.

Servus humillimus

Joannes Brietius S. J.



## APPROBATIO

**V**itam & sanctè gesta Venerabilis Patris Thomæ de Rupniew Ujeyski primum Episcopi, deinde Religiosi Societatis JESU, optimè & veraciter expressit Admodum Reverendus Pater Joannes Briëtius ejusdem Societatis Sacræ Theologiæ Doëtor, cujus enarrationi de raris & insignibus magni istius Viri virtutibus & meritis, cõmunis & publica fama, in hoc præsertim loco & Canoniorum Collegio, qui Ipsum novimus, quiq; integerrimi hujus Præsulis, & Prælati vel consortio vel patrociniio fruebamur, consonat & adstipulatur. Dignam proinde censemus, quæ in ornamentum Sanctissimi Instituti, & militanti Ecclesiæ in exemplum & imitationem publico prælo exponatur. In quorum fidem &c. Datum ad Ecclesiam Cathedralẽ Varmiensem die 26. Februarij Anno 1706.

JOANNES GEORGIUS KUNIGK

*Custos Canonicus, Vicarius in Spiritu-  
libus, Officialis Generalis, Et pro tem-  
pore Administrator Episcopatus Varm:*

m-ppa

# FACULTAS


R. P. Provincialis.

**V**itæ Compendium Venerabilis  
Patris Thomæ Ujeyski ex Epi-  
scopo Chijoviensi Religiosi Soci-  
etatis JESU, à Patre Joanne Brietio  
ejusdem Societatis conscriptum; cum  
aliquot ad id deputati Theologi re-  
cognoverint, & in lucem edi. posse  
iudicaverint: Ego, potestate mihi ab  
Admodum Reverendo Patre Nostro  
Michaële Angelo Tamburino Vicario  
Generali data; Typis mandari conce-  
do. In cujus rei fidem has literas ma-  
nu mea subscriptas, & officij mei Si-  
gillo munitas dedi. Vilnæ 10. No-  
vembris Anno 1705.

JOANNES BIELSKI

Societatis JESU.

Prepositus per Provinciam Litvanam.  
mppa.



## CAPUT I.

### *Natales Venerabilis P. Thoma.*



Ditus in lucem est Venerabilis P. Thomas, anno seculi superioris post decimū quarto, in florentissimo Sendomiriensi Palatinatu, regente Ecclesiam DEI Paulo V. Pontifice, Poloniam Sigismundo III, Patre Stanislao de Rupniew UJEYSKI, Viro primæ his in terris nobilitatis, sed tunc adhuc heterodoxo. Matrem nactus est Susannam, æquè illustri è stirpe, de Wrocimowicz Pacekianam; quæ hoc uno videtur commendatior, quòd Orthodoxæ fidei inter plurimorum defectiones nunquam nuncium remisit. Coaluerat hoc inter par nobile conjugum, sola tunc dispar religione, non sine insigni Divinæ Providentiæ specimine, matrimonium in sequentem modum. Acceperat Stanislaus à Sigismundo III, Poloniarum

A

Rege



Rege, cuius intimum agebat Consilia-  
rium, in mandatis: ut nescio quæ secre-  
ta deferret ad Imperatorem Romanum;  
quæ dum impiger exequitur, patriam  
domū invisere necesse habuit. Hic, quan-  
tum negotij, quod præ manibus habebat,  
magnitudo permittebat, aliquantisper  
moratus, dum ultimum viduæ Matri va-  
le facturum plantis advoluitur, aureum  
illa & pretioso insignem adamante an-  
nulum in digitos ejus induit: Cape, in-  
quiens, fili, hoc à Matre tua mnemnosy-  
non, huic ego benedictionem alligavi  
maternam. Digreditur ille osculatus ma-  
num dantis, adhuc nescius, quænam rur-  
sus, in annulo à Matre oblato. Seleuco  
sibi fortuna desponderetur. Fuisse nihi-  
lominus pronubum & hunc annulum, se-  
cundus probavit eventus. Casu, an ve-  
rius dispositione divina accidit, ut dum  
ulteriorem metiretur viam, hospes ad  
aulam Paccianam desisteret: in qua  
dum, ut par erat, omni cum ostensione  
humanitatis Legatus regius excipitur;  
suum sibi intercidere patitur mnemno-  
synon. Et quidem nulli tunc parsum est  
di-

diligentiæ, ut sua Polyerati felicitas, suus rediret annulus Stanislao. Excussa sunt omnia, lustrata universa; perditum erat pignus, & in pignore materna benedictio. Spei nihil affulgebat, nisi quam reduci ex legatione sequens ferret dies. Et attulit ille quidem, sed non citius, quàm quoad memor rimæ factus, cui depositum crediderat, idem repetijt. Lætus itaque invento, dum hinc benevolentiam Domûs, inde prope jam desperatam annuli inventionem meditatur: subit animum cogitatio, quænam esset hæc benedictio, quam Mater alligârit annulo? Et an non eam ipsam adhuc cælibi sibi Divina Providentia, signo perditioni ac inventi huius illa ipsa in domo præparatam demonstraret? Nec multa opus fuit deliberatione, agente interius DEO, Rachelem sibi in Susanna eodem despondet annulo, deprehenditq; ex vero, multam sibi cum & ab hac sponsa benedictionem profluxisse: siquidem & fidei Orthodoxæ reconciliatus ipse, & Filij proba ejus educatione in tales evasere viros, qui Patriæ splendori, Patri solatio ac decori es-

sent. Certè superstes post fata uxoris, ac propè jam fractus senio Stanislaus, non sine dulcibus lacrymis commemorare solebat; quid circa se operata fuerit virtus maternæ benedictionis, ac dispositio mira DEI perfecerit.

## CAPUT II.

*Nato P. Tboma, Pater & Fratres  
ejus reconciliantur Ecclesiæ.*

**H**Abet hoc in partibus, in quibus fidei cum hæresi multū disparia tolerantur connubia, parū laudabilis imò vituperanda consuetudo (sicut eorum, qui cum 2. Esdræ 13. duxissent sibi uxores Azotidas, Ammonitidas, & Moabitidas, tali commercio causam dederunt; ut filij eorum ex media parte loquerentur Azoticè, & nescirent loqui Iudaicè, sed loquerentur juxta linguam populi & populi) habet inquam hoc talium consuetudo; ut proles divisim sequatur religionem parentum; mascula quidem Patris, fæminea Matris: sicq; pars filiorum Patri Luminum, pars principi tenebrarum adhæreat; una DEUM

alte-



altera Baal sequatur. In hanc ipsam consuetudinem declinarent etiam Parentes Thomæ; ideoq; prolem masculam Pater fidei suæ (si fides dici potest, quæ cum fidei capite careat, alijs ex alio erroribus implicatur) mancipavit, sequentibus uterum & Religionem Matris Orthodoxæ filiabus. Tres jam præcesserant Thomam nativitate Fratres, omnes ab heterodoxo rabula baptismo expiati, ac patris sectæ initiati; cum pia Mater novo se foetu gravidam sentiens, efflictim, adhibitis etiam Oratoribus lachrymis apud Conjugem instat; quidquid esset, quod ferret utero, baptizari sineret per Sacerdotem Catholicum. Diu quidem hic reluctatus, obdurasse animum cautis instar obstinate videbatur: ad extremum tamen piæ Consortis mollitus lachrymis, in ejus vota concessit, tantò majore hujus gaudio, quantò paulò post gratius accidit, effusum à se masculum intueri. Baptizatur infans ritu Orthodoxo à Sacerdote Catholico, & Apostolico Thomæ nomine insignitur. Quod quàm placitum Spiritui Sancto, qui fertur super has

aquas, fuerit; manifestum fit ex donis ejusdem Divini Spiritûs in totam, paulò à baptismo Thomæ, profusis domum. Nam haud ita multò post Pater cum tribus Thomâ majoribus filiis agnita fidei veritate, ejuratoq; Calvino, Catholicæ accessit Ecclesiæ; quasi jam tunc præluderet Divina Sapiencia zelo postea futuri Episcopi, Patrem ac Fratres in ovile Christi impellendo. Dicere etiam tunc poterant montana Poloniæ, quod olim de Præcurfore mōtana Iudææ: *Quis putas puer iste erit*, cum quo tam maturè manus est Domini? Certè ab eo tempore domus tota Divinis locupletata est benedictionibus, quas parentes operibus misericordiæ, liberi autem omni-genæ pietatis exercitijs promereri satagebant. Mater imprimis, omni memoria meliore digna, studium omne atq; operam in Christianæ pietatis cultum convertit; & quod vixit reliquum, elaborandæ ad omnem virtutis formam teneræ proli suæ impendit, non ignara, tenacissimos nos esse eorum, quæ rudibus annis didicimus. Vnicum id, si cæ-

tera deessent, dicebat Thomas jam pro-  
 vectior, ad perennem grati animi, erga  
 matrem suam, memoriam abunde suf-  
 ficere, quod se non ab immundo mun-  
 dari, sed ritu Catholico à presbytero  
 DEO dicato, salutari lavaero tingi fe-  
 cerit; non quòd nescierit, semen sive  
 lotis aut fordidis manibus seminetur, æ-  
 qualem fructum reddere, lucem per  
 munda æquè ac immunda operari ope-  
 ra lucis, sigillum ferreum æquè ac au-  
 reum eundem præstare effectum: sed  
 quòd hac ratione filium præsciderit ulte-  
 rioribus, quæ circa fidem oriri possent,  
 difficultatibus. Monicam sibi alteram  
 in ea datam divinitus, quæ & se lacry-  
 mis, novum Filium lacrymarum, DEO  
 pepererit, & parentem Christo lucrata  
 fuerit. Nec hic stetit optimæ Matris a-  
 mor. Ut primùm fandi libertatem asse-  
 qui cœpit Thomas, pretiosissima JESU  
 & MARIE nomina instillare, blanditijs  
 ad orandum DEum allicere, inq; id u-  
 num oculum intendere, ne quid eo co-  
 ram ageretur, quod innocenti animæ  
 nævum aliquem affricare posset. Pau-



perum necessitati leuandæ, erga quos  
 summa benevolentia, ac iuvandi studio  
 ferebatur, Thomam parvulum adhibe-  
 bat liberalitatis suæ instrumentum, quæ  
 in tantum huic assvescit virtuti: ut  
 viso duntaxat mendicabulo, voce ac ge-  
 mitu pro eo stipein oraret, nec ab o-  
 rando cessaret, fletu etiam & ejulatu  
 adhibito dum sibi, quod offerret egeno,  
 daretur. Instillatam illi erga hoc genus  
 hominum cum lacte misericordiam fu-  
 isse, crevisseq; cum illo ab infantia mi-  
 serationem, satis apertè declarant ea,  
 quæ, ut in decursu hujus compendij vi-  
 debimus, profudit. Sed & aliorum, quos  
 idem portavit uterus vita laudabilis, ac  
 ad omnem recti amussim composita fa-  
 cile demonstravit, quàm sancta essent  
 origine nati. Fratrum unus, Casimirus,  
 spretis mundi fallacijs, Ordinem S. Fran-  
 cisci, quem de Observantia vocant, in-  
 gressus, post plures annos in officijs va-  
 rijs etiam Superioratum, sanctè exactos  
 amore latendi, ac arētioris observantiæ,  
 ad Reformatorem ejusdem S. Francisci  
 Ordinem transijt, in quo relictis non  
 fucatæ

fucatae Sanctitatis vestigijs, plenus dierum & meritorum obiit. Sororum altera Sophia inter septa pariter claustralia votis religiosis se devinxit apud Clarissas Tarnoviae: cum quibus non absimilem Angelis duxit vitam, exemplar facta pietatis, abnegationis, regularis observantiae, ac omnimodae Sanctitatis. Reliqui Fratres ac Sorores, quantumvis saeculari vitae nuncium non remiserint, eam nihilominus vitam instituere, quae apud DEUM & homines esset in benedictione. Syllabum eorum habere vis? hunc tibi exhibebit Frater Rudolfus, Ordinis Praedicatorum Magister Generalis; qui ob ingentia à domo hac tota, in Sacratissimam Religiosissimamq; familiam suam profusa beneficia, suscepit ad participationem meritorum Stanislaum de Rupniew Vjeyski, Catharinam (noverca haec erat Thomae) consortem, Thomam S. R. M. Secretarium, Casimirum Presbyterum, Albertum, Benedictum, Catharinam, Sophiam Mariannam, Filios ac filias anno à nato DEO 1642 die 15 Martij, assumptionis suae anno

13, subscribente etiam Fratre Dominico Marino Magistro Provinciali terræ Sanctæ & Socio.

### CAPUT III.

#### *Prima literarum studia, ac vocatio ad Societatem JESU.*

**A**D excolendum literis animum, quæ primùm per ætatem pueri lieuit, directus à Parentibus Thomas, Cracoviensi in Academia, Polona nobilitate florētissimâ, ita studiosum decurrebat pulverem, ut magnis passibus in virtute ac timore DEI procederet. Templâ illi, precatorij globuli, ac quidquid pietatem conciliare potest, jam tunc erant in delicijs. Tempus quod alij lusu ac puerilibus ineptijs prodigunt, decurrendis Divæ Virginis, cui à primis unguibus devotus erat, horis, aut visitandis Ecclesijs impendebat. Coram Sacro tribunali frequentem se reum sistebat, ac tum sacræ accumbebat synaxi: meritis his alijsq; pietatis officijs id inter pares; ut communi vocabulo à discolis quidem & ad suam eum sectam formare



re volentibus, *Sanctuli*; ab aliis autem magis frugi juvenibus, nomenclaturâ *Innocentis & Angeli*, veniret. Communes ei ætati nævi, ne suis affricarentur moribus, perpetuum sibi consortium eorum interdixit, qui de laxiore vita, ac pravis moribus suspecti haberentur: è converso quorum vita spirabat innocentiam, hi sibi jurati Jonathæ, cum his agere frequentius, libentius conversari, uti familiarius. *Comis* ipse, ac ad omnes placidus, mira venustate morum ac gratia, accedente insuper fere majore, quam ætas ferret, rationis temperamento, omnium sibi facile devinciebat animos; moderatorum equidem, nunquam eis obnitendo, nunquam excusando, sed modestè omnes eorum nutus observando: æqualium autem, omnes honore præveniando & obsequijs promerendo. Fluxerant inter hæc pietatis exercitia pueriles anni, cùm humanioribus literis excultus animus in ea se comperit ætate, in qua de ordinando reliquæ vitæ statu prima debet esse cura. Quare multiplicare pietatis officia, augere devotiones,

ones, afflictiones corporis intendere; ne se DEUS gratiam vocationis celare vellet, aut eā excludere permetteret. Sub hæc subiit animum amor singularis erga Societatem JESU, in cujus templo, ad D. Barbaram, habebat suum à Confessionibus Ordinarium. Huc ille toto corde aspirare, quia huc à vocante DEO se promoveri, imò rapi credebat. Verum alia erat Divinæ Providentiæ circa Thomam ordinatio. Nam immatura illius vota ad scopum ei præfixum non nisi per Pontificias Cathedras, ac Senatorios Curules deducere placuit. Obibat tunc cum munere Provincialis Polonam Societatem Venerabilis Pater Nicolaus Lancicius, notæ Vir Sanctitatis: huic, collato cum Confessario suo consilio, supplex pro admissione dum parat accidere Thomas, ab eo ipso, priusquam quid eloqueretur; primo statim in limine prævenitur, ac *quid sibi velit Episcopelli accessus*, interrogatur? Cùmque hic telam suam exorsus, sibi inter servos DEI locum concedi, ac se inter Societatis membra adlegi exoraret: remissusque iteratò

teratò esset ad Pontificias infulas, inde-  
q; parum spei superesse videns, extem-  
poraneos pro causa sua oratores verbis  
lacrymas adjungeret; hoc quasi vati-  
cinium à Provinciali audijt: *Iret modò  
& Divina voluntati obsequeretur. Ecclesia  
DEI te opus habet: morieris Iesuita.* Altè  
hæc verba insederant animo juvenis,  
ac ad agenda grandia, omnesq;, quas ut  
decurfu videbimus, in ponendo Episco-  
patu perpeffus est, superandas difficul-  
tates, erant incitamento.

#### CAPUT IV.

*Vita in aula innocenter & fe-  
liciter acta.*

**S**ic expeditus à P. Provinciali Thomas  
noster, quid consilij caperet ignarus,  
dum hinc quiete se Religiosa excludi  
doleret; inde secularibus turbis miscere  
formidaret: secum ipso, quid facto opus  
esset, disputabat. Apud alios Ordines  
religionem tentaret? vocatio de-  
erat: alibi pro admissione ad Societa-  
tem pulsaret, aut apud eundem preces  
repeteret? vetabat Viri jam tum pro-  
phetiæ



phetiæ dono clari, Sanctitas, ac in di-  
 ctis constantia. Sæculari se vitæ dede-  
 ret? periculum salutis timebatur. Has  
 inter salebras, dum quò se verteret,  
 secum ipso consultaret: tandem stetit a-  
 nimo; acquiescendum vaticinio Viri o-  
 mnium opinione Sancti. Quare jussis va-  
 lere studiis aulicam meditatur vitam.  
 Erat tum inter cæteras insignior au-  
 la Georgij Ossolinski S. R. I. Principis,  
 Comitis in Teczyn, Supremi Regni Polo-  
 niæ Cancellarij, Viri non modò apud  
 gentem suam Illustrissimi, sed & apud  
 alias nationes, quas Legati Extraordi-  
 narij, sub Sigismundo III, & Vladislao  
 IV nomine, non semel adiit, celebra-  
 tissimi. Hanc illi, ~~utpote~~ cæteris facile  
 probiorem, ob vigilem Domini oculum,  
 divina bonitas ceu orchestram quandã  
 obtulit, in qua reliquam suam erudi-  
 ret & aptaret vitam. Et aptavit quidẽ  
 feliciter ille, inter aulæ turbines velut  
 quodam Religiosæ Domûs tyrocinio ad  
 omnem virtutem se se componens. Por-  
 tis imprimis sensuum fidelem præfixit  
 lanitorem Timorem Domini; ne quã a-  
 ditũ

ditum inveniret, quod innocentiam  
 mentis & corporis vitare posset. Cu-  
 stos sui ipsius, eorum cumprimis vita-  
 bat consortia, apud quos pudor est, non  
 esse impudentes, & pro delicto habe-  
 tur non legi in albo delinquentiū. Otium  
 diaboli & aulæ pulvinar detestatus ho-  
 nestis horas omnes dirimebat actionibus,  
 quas tamen communes cavebat esse illis  
 animalibus gloriæ, famæ negotiatori-  
 bus (sic aulicos vocat Tertullianus) qui  
 cum frontem perdiderint, canis impu-  
 dentiam, aut porci spureitiam assum-  
 pisse videntur. Sales ejus ad omnem  
 honestatem conditi, verba nihil licen-  
 tiosum, lingua nihil non decorum o-  
 lebat. Stupebant omnes, singulariter  
 Cancellarius Ossolinus, tam raram in  
 juvene virtutem. Suspiciebant tam gra-  
 vem inter aulæ lubrica constantiam;  
 ob quod eum & sincerè diligebant, &  
 meritâ quadam observantiâ revereba-  
 tur. Hæbat tunc plures sanguine &  
 virtute insignes in eadem aula conso-  
 dales, è quibus alij Senatorio Regni Po-  
 loniarum Ordini postea inserti, alij Pon-  
 tifica-

tifficalibus clari infulis prodierunt, alij  
 autem religiosam, præ honoribus sæcu-  
 li, vestem elegerunt, nonnulli eorū gran-  
 dævo, & statui Religioso incorporato,  
 superstites, mirum quantam probitatē  
 extollebant sui tunc contubernalis Tho-  
 mæ. Pro lege perpetua ei fuisse, dictita-  
 bant; natu maiores revereri, æquales ho-  
 nore prævenire, inferiores, quibus pos-  
 set demereri obsequijs: visum à nemine;  
 temperantiæ fines excedere, vel mo-  
 destiæ transilire leges; levitatem à ne-  
 mine in verbis, licentiam in actioni-  
 bus notatam: vestitum non ad aulæ le-  
 nocinia comptum, talem tamen fuisse,  
 qui se & Dominum deceret, ut pluri-  
 mum è nigro holoserico confectum:  
 famulatum paucum sed lectum, ac cui  
 nævum nemo facile objicere potuerit.  
 Statis diebus indixerat sibi jejunia in  
 pane & aqua, singulariter quartis &  
 sextis ferijs ac sabbathis, sicut & vigilijs  
 omnibus, solemnia festa Domini ac Do-  
 minæ præcedentibus, quibus varias cor-  
 poris adjungebat afflictationes, ceu cer-  
 ta servandæ innocentiae instrumenta, ac

con-



contra potestates tenebrarum harum  
 potentissima remedia. Sic instructus e-  
 pulis accumbebat Eucharisticis, vires  
 inde contra omnes insultus collecturus.  
 Et hic quidem constans vitæ ejus auli-  
 cæ tenor fuit; quem dum satis superq;  
 probatum haberet Ossolinus; juvenem  
 cæteris diligere tenerius, commendare  
 uberius, & ad secretiora negotia adhi-  
 bere frequentius. Ex quo factum est;  
 ut sigilli Reip. uni huic ex omnibus cu-  
 stodiam crediderit, ac eundem totius  
 Cancellariæ Regentē constituerit. Quod  
 quidem aliàs onerosum munus, tantâ  
 implevit diligentia, ut majorem in illo  
 nemo desiderare potuerit. Duo singu-  
 lariter hoc in munere Divinæ circa se  
 Bonitati in acceptis referebat Thomas:  
 alterum, quòd cùm Ossoliniam domū  
 expilâset nocturnus latro, unâque sibi  
 cum cæteris splendoribus sublegisset au-  
 rum coronarium suæ commissum custo-  
 diæ, miro modo per manus Judæi offæ  
 inhiantis, nihiloq; melioris, quàm fuerit  
 autolyçi piceata manus, sibi propè citi-  
 us, Providentia Divina reddiderit; quàm

B. . . . . abla-

ablatum fuerit, aut ablatum crederetur.  
 Ac sic se à molestis cavillationibus, quæ  
 in se custodem custode egentem intor-  
 querentur, liberârit, malaq; præsciderit;  
 quæ, si in manus falsarij cujuscpiam de-  
 venisset nota hæc justitialis, cum insig-  
 ni æquitatis læsione consui potuissent.  
 Alterum: quòd se extremo vitæ pericu-  
 lo, quod sibi malè cautus, ac tunc pro-  
 pe motus mente, commilito creârat, e-  
 ripuerit. Projecerat se hic, altum jam  
 sopito Thoma, in stratum, modicam,  
 relicto inter contiguas chartas igne, ca-  
 pturus quietem. Verùm iste in pa-  
 pyro fomitem nactus, totum bre-  
 vi corripuit cubile, excitatumq; homi-  
 nem sui impotem, dum inter fumantes  
 ædes, quod quæreretur, non haberet; Tho-  
 mam, adhuc è regione sopitum invasit.  
 In hunc ille rabiem exercere, hunc suffoca-  
 re; vel quòd repentino hoc in casu, ut  
 postmodum asseverabat Thomas, men-  
 te alienatus esset; vel quod crederet,  
 facile, si illum confecisset, ab obitu ejus  
 se in aliam causam damni omnis, ac  
 præcipuè absumptorum juris instru-  
 mento-

mentorū, derivare posse. Et luctabatur quidem diu cum illo Thomas; sed quod ore cōpresso loqui esset impotens, corde ad DEUM verso votum vovit; ut se præsenti malo eriperet. Exinde paulò liberiori ut primū profari licuit, blandis hominem verbis demulcet: videret, quid rerum hoc in discrimine ageret, quo si modo uterq; manus ad-moveret sævienti flāmæ, utcunq; adhuc obviā iri possit. Defunctus duplici hoc, incendij ac suffocationis, periculo Thomas, sospitatori quidem DEO, quæ vovit gratus persolvit; diem autem, quo Divina ope tam præsens evasit discrimen, solemnem Domino voluit. Occasione deniq; aulæ hujus cognitus Vladislao IV, primū quidem in amoribus esse cœpit; tum in intimis negotijs statutus adhibebatur, & tanquam fidus administrator, ubi secreto res opus habebat, vocabatur ad obsequia Regis; cujus tantum sibi conciliaverat affectum: ut de celeri ad eminentes in Rep. dignitates ascensu ejus, non ex vano augurarentur omnes rerum conscij, adnitente



præcipuè Oſſolinio: qui ſicut cor Regis in manu habebat, ita totus in eo erat; ut tam fidelis ſervus ſua non diſcederet ex aula, niſi factò gradu ad primas in Republica dignitates.

## CAPUT V.

*Spiritualem ſtatum ſuſcipit, fitq;  
Canonicus, & Abbas.*

**I**Nierat conſilia Oſſolinus, de providenda pingvioris fortunæ conjuge Thomæ, ratus nuſquam ſe melius virtutem præmiaturum, quàm ſi adamantino connubij torque, quo magnæ cuiſiam familiæ colligatus fieret, donaretur. Novit nimirum pius Princeps, honorem tenerum nullibi majora ſumere incrementa, quàm ſi præaltæ alicui Conſangvinitatis arbori inferatur. Verùm alia mens erat Thomæ. Sibi ille malens vivere quàm uxori, quidquid ſibi de thalamo cantaretur, Admeti melos videbatur, tamq; gratum accidebat, quàm nunquam acerbior ſexta ærumna Herculi. Excufare primò, ætatis vix

nices egressæ interpolatione; tum emissi de servanda castitate voti prætensione. Sed cùm detectâ quò ad ætatem excusationis calvitie, à religione autem voti facilè impetranda solutione, omnia in cassum caderent: ne incautus in uxoria compede perpetuam pati cogere-tur servitutem, & spes suæ omnes uno ictu conciderent; pace Domini, tanquam deliberaturus de vitæ ratione, animum sacris S. Ignatii Exercitijs excolere statuit. Versabatur tum eadem in aula P. Albertus Słaski è Soc: JESU, Vir vitæ integerrimæ, ac multæ apud omnes autoritatis; quem quod Principes juxtâ, ac plebejos exerrantes intrepidus corripere, plurimâq; in aula Veronensem non Placentinum ageret, Polono idiomate *securim* vocabant. Is ipse Pater est, quem à morte Ossolinij jam senē Ujeyscius à Superioribus Societatis impetravit pro solatio Spirituali Theologum: cuiq; Frauenburgi in Curia sua demortuo, solenniter parentavit, cùm cadaver Brunsbergam ad sepulchra suorum, in assistentia ad funus Congrega-

ti Ven. Capituli Varmiensis, inferretur, die Augusti duodecimo, Superioris sæculi anno quinquagesimo tertio. Hunc ergo Virum sicut sibi ac consorti suæ Cancellarius elegerat à Confessionibus, sic & Thomas suæ conscientiæ arbitrum, ac exereitiorum voluit esse directorem. Et processerat aliquot jam dies in sacra hac solitudine Thomas, cum novo ardore sese ad petendam Societatem inflammari sentiens, tentanda omnia tentare, donec sibi ad eam accessus pateat, decernit. Quod tamen ne clam directore suo minus faustè ageret, ei totum tum conscientiæ tum vocationis negotium aperit: Hic, quia magnæ eum, ac prope insuperabiles, ab amoribus Ossolinij, nunquam permissuri, ut intra claustrum aliquod tam fidum ac dilectum sibi pignus recondatur, difficultates adverterant, dissuadere; quidquam hac tempestate tentandum. Quemcunque enim ageret actum; scire se, quo apud Dominum sit loco, qui eum nulla vi sibi eripi passurus esset; differenda omnia in tempus illud, quò ab aula liber sit futu-

futurus; tunc afflaturam auram, consecuturum ad vota eventum, ac vaticinio Lancieiano locum futurum. Vana hæc, & infringendæ hominis constantiæ, ac à proposito avocandi inefficacia fuerunt. Quare Pater verso stylo in contraria, agere eum, quæ agit, jubet; laturas poma myricas; indubiè illum ad Societatem recipiendum, sed eam in qua vir & mulier unum corpus sunt, ubi vel modica Regi aut Cancellario de ejus proposito notitia obrepserit. Hæc vatem se eanere, hæc quando ita lubet, experturum ipsum. Pupugere verba Thomam, ac tantam vim & efficaciam habuere: ut repente in diversa mutârit consilium; ac ne, dum moras trahit, vinculis incautus irretiretur conjugalibus, habitu se clericali induerit, probante equidem Cancellario, stupentibus autem universis, qui in Thoma Virum inter sæculi magnates eximium sibi promiserant. Exinde Ecclesiasticus honor dignum promeritus subjectum, in eum magno pondere incumbere visus est. Statim quippe eum Canoni-



corum Plocensium albo ad præsentationem Adami Bielinski Dapiferi Zakrocimensis inseruit ad annum 1647; tum Præposituram Varsaviensis Collegiatae in eum devolvit: ac non multò post benevolentiam Regis Optimi Abbatiam Plocensem Ordinis S. Benedicti, in qua certum ad ulteriora fastigia gradum habitura esset virtus ejus, se ipsam magis, quam ipsis honoribus honoratior. Et admisit equidem Thomas hos ultro in se devolutos honores: quia tamen novit difficilè esse, se à vanioris licentiæ pulvere servare immunem, ubi secundior hic ventus afflaverit; vigilem ad omnes actus oculum sibi esse voluit, præfixis certis legibus, juxta quas reliquam ordinaret vitam, & si quam deprehendisset moribus adhæsisse vanitatem, emendaret.

## CAPUT VI.

*Familiaris supra se reflexio Ven:  
P. Thomæ in vita seculari.*

**J**Uvat hic ob oculos ponere ea, quibus inter lubrica aulæ, ac plurima cadent-

cadendi pericula, eam constantiæ, ac firmæ virtutis soliditatem affecutus est, quam non facile speres in ijs, qui molibus vestiuntur, & in domibus Regum sunt. Suffurrabatur se sibi frequenter, ac negotijs suis: ut se se intra se colligeret, ac quid sibi deesset, quasi in speculo contemplaretur, cum tanta intentione animi; ut totus æstuans è loco, ad quem pro brevi eo tempore se receperat, non rarò prodierit lacrymis per genas decurrentibus: necesseq; habuerit indentidem declinare tantisper congressus obviorum, quòd impotens esset sibi à singultu & gemitibus temperare. Accepi hæc, unà cum excerptis ex autographo ejus, ab eo; qui pluribus annis illo amicissimè usus est, qui & fatetur, ei sequentes aphorismos ita fuisse familiares: ut quasi in habitum transiisse viderentur. Sunt autem sequentes.

Elige quotidie saltem quadrantem horæ ab omnibus alijs negotijs liberum, quo ad talem deflectas locum, in quo tibi nemo sit impedimento. Ibi rejectis alijs cogitationibus, provolutus in ge-

nua, effunde coram DEO tuo animam tuam, ac rumina aliquam ex sequentibus veritatibus.

*Ima Veritas.* Quid prodest homini, si mundum univèrsum lucretur, animæ verò suæ detrimentum patiatur? mors certa, hora incerta: & post hanc strictum DEI iudicium. Ubi nunc sunt divites illi sæculi? Tu quam viam tenes? ad infernum, an ad ignem purgantem properas? proficis in virtutibus, an vitiis? Signum bonum est inter cætera: si plius angeris prolato verbo otioso, quàm ullo dispendio temporali.

*2da Veritas.* Moriendum est. At mortis hora occulta; saniores te non raro repente rapti sunt. Sera poenitentia raro vera, Quod si cura salutis nunc laboriosa est; illo puncto temperis, quo angustia te tenebunt undiq; , propè erit impossibilis. Quid tunc proderit scientia & substantia? Quid proderunt opes, quibus corradendis vitam impendisti? A morte tua te tanquam cadaver putridū averfabuntur omnes, magis solliciti de te quantocyus abjiciendo in tumulum, quàm

quàm de animæ tuæ subsidio. Vera ne sunt hæc? si ita? vide quid faxis.

3<sup>ta</sup>. Stabis aliquando coram iudice ultionis iudicandus: quem tibi providisti Patronum? Sanctos? ô quàm parva tua erga illos promerita! Sicut modò DEus tibi est misericors, ita tunc justus erit, impunitum non permittens transire etiã otiosum verbũ. Stabit Dæmon inhians animæ tuæ, dicensq; ; meus est, quia mihi servivit, eum tamen pro illo non mortuus fuerim, nec quidquam illi boni fecerim. Quid tunc cogitabis anima mea? Sancti trepidârunt in morte, etiamsi melius te DEo serviverint: & tu securus de salutẽ tua vis esse? Peccasti: age poenitentiam. Nulla enim satis magna securitas, ubi periclitatur æternitas.

4<sup>ta</sup>. Scriptura occidit homini iudicando illud Habacuc 2. *Repletus es ignominia pro gloria; bibe tu quoq;, & consopire; circumdabit te calix dexteræ Domini, & vomitus ignominie super gloriam tuam.* Reddenda est miseræ animæ ratio de quovis momento, asse, verbulo, socio, famulo: adstabant iudicio Sancti  
agen-



agentes ea, quæ habet Scriptura: *La-*  
*tabitur justus cum viderit vindictam, ma-*  
*nus suas lavabit in sanguine peccatorum.*  
Hæc credis anima mea, & non expave-  
seis eum, qui etiam in Angelis suis repe-  
rit pravitatem: & ita vivis, quasi nulla  
tibi reddenda esset ratio? Ecce coram  
tot millibus populorum nudabuntur o-  
mnes iniquitates tuæ, tot agminibus An-  
gelorum patebunt universa scelera tuæ:  
tot judicibus inops adstabis, quot te præ-  
cesserunt in opere bono: tot arguenti-  
bus confundêris, quot tibi præbuerant  
benè vivendi exempla: tot convincêris  
testibus, quot te monuerunt proficuis  
sermonibus. Latere erit impossibile, ap-  
parere intolerabile.

*sta.* Circumstantiæ judicandi pecca-  
toris sunt: Diabolus stabit à dextris ejus,  
& non erit ei adjutor; in memoriam re-  
dibit iniquitas ejus: vermis ejus non mo-  
ritur, & ignis illius nunquam extingui-  
tur: induet maledictionem sicut vesti-  
mentum, & sicut zonam qua semper  
præcingitur. Fertur decretum, à quo  
nulla est appellatio. *Æternum malè. O*  
*quale*

quale illud malè? & finem non habet,  
& æternum est. Anima mea quid si hoc  
momento rapereris ad iudicium DEI,  
essetne aliquid, quod tibi damnationi  
esse posset? Si est? adhuc relicta est spei  
anchora, horulâ unâ corrigere potes,  
quod omnis deinceps negabit æternitas.

*Sta.* Maledictis dicit Dominus: Nec  
ego DEUS vester, nec vos populus me-  
us. Terribile fulmen! & quid post hoc  
sequitur? Æternum væ, æterna æter-  
nitas. *Erit populus quasi esca ignis. Vir  
fratri suo non parcat. Unusquisq; carnem  
brachij sui vorabit.* Isai. 9. Quâ horrenda  
res est, sine fine torqueri! Licet unus  
tantum ex omnibus filiis Adæ tali sup-  
plicio esset mactandus, meritò omnibus  
pavendum ac trepidandum esset. De-  
scende illuc anima mea adhuc vivens;  
invenies ibi tales, qui olim in iisdem of-  
ficijs & studijs occupabantur, quibus tu  
occuparis: qui olim eadem indies pro-  
posita benè vivendi parturiebant, quæ  
tu; qui centies DEO fidelius serviverunt,  
quàm tu. Interroga eos de quæstioni-  
bus, quas inter se conferunt, & re-  
spon-

spondebunt: apud Inferos solum quaeritur, quid non sit pœna? Interroga de scientia eorum, & respondebunt: omnium quaecunq; sciebam, oblitus sum, solum mihi superest hoc scire, quod æternum perierim. Interroga de opibus & honoribus, de turba & conviviiis; de amicis ac sodalibus: respondebunt Dereliquit nos DEUS factor noster, perditæ in æternum erimus

7<sup>ma</sup>. Quid tibi mali fecit DEUS, Salvator tuus; quod ob modicam voluptatem rursus ejus tortorem agis? cur addis afflictionem afflicto? magis eum aggravant vulnera peccati tui, quam vulnera corporis sui. Nonne ipse pro te acerbissimam mortem subiit? Judas salutem pro pretio venditionis habuit triginta argenteos, tu nihil habes, & in eum crudeliores: Statue ob oculos Patrem æternum hinc tibi exhibentem vulnera Filii & sanguinem, ac per eadem orantem, ne pecces amplius; inde offerentem gratias ac cæli delicias, pro præmio. Statue ex adverso Diabolum te invitantem ad peccatum sponse infer-

infernī. Elige, quem audias; DEUM, an Diabolum? medium nihil est. Diabolum si sequeris, ipso peior es Diabolo; ille enim persistit in malitia DEO reprobante, tu DEO revocante: ille obduratur contra non requirentem se, tu contra morientem pro te. Quid tibi mali fecit DEus?

*8va.* Anima peccato mortali sordidata mancipium est Diaboli. Eam quavis hora posset ad inferna rapere, nisi magna DEI misericordia impediret. Imò anima peccato mortali sordidata Diabolus est. Quantum malum sit hic Diabolus, ex hoc conjice. Si omnes Sancti & Angeli DEI, imò ipsa Virgo pretiosissima, pœnitentiam agerent in cilicio & cinere ipsaq; aded subirent tormenta inferni non delebunt maculam peccati mortalis. Christus ipse, nisi esset verus DEus, non afferret remedium. Anima mea visne ejusmodi fieri Diabolus? quæ tibi ad hoc sunt incentiva? Si sapis, renunciabis operibus Diaboli.

*9na.* Quis plura ab indignioribus, cum  
majore



maiore detrimento famæ ac vitæ, cum  
 maiore ignominia passus est? tu, vel  
 Christus? quis plures habet patiendi  
 causas? tu, vel Christus? Ille est, qui  
 peccatum non fecit, ille Sanctus San-  
 ctorum, Sanctitas ipsa; & tu totus in  
 peccatis natus. Aut DEus atrox est in  
 Filium suum, aut summè necessarium  
 nobis est pati cum Christo: meliorem  
 te Filio DEI judicare non potes, nisi  
 Lucifer sis. Illum oportuit pati; & tu  
 in patientia possidebis animam tuam.

*10ma.* Quidnam illud est, ex quo in-  
 tumescere possis? Ex corpore? hoc est ef-  
 fa vermium, saccus stercorum. Quàm  
 miserum id est in infantia, quàm vari-  
 um in adolescentia, quàm morbidum  
 in senio! An fortè superbire potes ex  
 anima? hæc peccatis fœdata est, ac ob  
 id infami dæmonis cauterio inusta. An  
 ex talentis ingenij? At Diabolus inge-  
 niosior est: & parum refert, habere  
 ingenium, si te ipsum non nôsti. Benè  
 Kempensis. Parum prodest alta de Tri-  
 nitate disputare, si careas humilitate,  
 unde displiceas Trinitati. An fortè su-  
 perbies

perbies ex alijs imaginabilibus dotibus, bonis ac meritis tuis? at hæc quantula sunt, si debita tua contracta apud DEum per ea exolvere non potes. Quantulus es sine DEo? quantulus es in comparatione tot millium meliorum te?

*Breviores Considerationes ejusdem.*

1. Quid de te fiet in hora mortis? 2. Quid potes sine DEo? 3. In quem finem te creavit DEus? 4. Verène volo esse in cælo? 5. Errata vitæ jam non emendabo post mortem. 6. Nulli adulto cælum gratis datur. 7. Non est ludus hæc vita, aut si est ludus hæc vita, non est ludus & altera vita. 8. Quid facerent maledicti, si possent salutem consequi? 9. Quanto DEus & cælum digna sunt, & quanto peccata mea? 10. Quid proderit fuisse Dominum mundi, si anima facta fuerit mancipium Diaboli? 11. Quid magis optabile, benè habere die uno, & malè anno; benè habere anno uno, & malè annis sexaginta; benè annis sexaginta & malè tota æternitate? 12. Commisisti peccatum, per quod infernum promeritus es, & ignoras,

C

ras, an illud tibi sit remissum. 13. Possum hoc vel illud opus bonum facere, hoc vel illud malum omittere, & DEus id ipsum scit & vult. 14. Hæc omnia, quæ circa te sunt, relinquenda erunt. 15 Ita semina, ut possis metere in cælis. 16. Quamdiu bone JESU pulsabis ostium cordis mei? 17. Nonne hodie implebo mensuram peccatorum meorum? 18. Quis tamen sensus est Angeli Custodis de me mei? &c.

Hæc & similia pietatis exercitia fomenta erant Spiritûs Ujeysciani, adhuc inter tumultus sæculi agentis; hi ad decurrendam viam virtutis stimuli; his se ad omne genus pietatis per heroica promovebat proposita, quorum aliqua ipsius manu signata videre mihi licuit, ac inter cætera hoc nominatim. Reditus qualescunq; erunt, curabo converti. *1mo* pro me ipso moderatè, & ad ea tantum, quibus indigebo, superflua evitando. *2do* pro familia, & eorum debita in tempore solutione, habito semper respectu pauperum Christi. *3cio* pro monasterio Plocensi instaurando tam in  
perfo-

personis, quàm in ædificijs: quod mihi  
quàm citissimè faciendum est, &c.

## CAPUT VII.

*Regis Vladislai morti, ac Cosaticæ  
pacificationi interest.*

**O**btinebat primas in amoribus Vla-  
dislai Regis Thomas, & tanquam  
fidus administer, quantum per rationem  
statûs Clericalis liceret, ad intima adhi-  
bebatur in arduis omnibus; apparebatq;  
ex tali semine uberem brevi honorum  
messiem surrecturam: eûm inopina spem  
omnem in herba præscidit mors Regis O-  
ptimi, omnibus quidem bonis lamenta-  
bilis, Thomæ tamen singulariter dolo-  
rosa; utpote qui & se cordi esse Princi-  
pi sciret, & vicinior morti ejus fuerat. Su-  
premi enim luctanti proximus adsti-  
tit, ac ut postea non rarò agebat, suis in-  
cumbentem manibus, dum expiraret,  
sustinuit. Accidit gloriosissimi Regis  
mors, anno post Christum natum 1648,  
Merecij in Litvania, morbo quidem non  
tam corporis, quàm interiore afflictione  
animi accelerata. Præterquam enim,



quòd unicam, in qua spem omnem posuerat, prolem masculam per mortem amiserat, quidquid ad Nominis sui famam gloriosi concipiebat, suspicio affectati dominatûs, ac opprimendæ libertatis allidebat ad petrâ. Instituerat novum ordinem militare Equitum Immaculatæ Conceptionis Beatissimæ Virginis, quem certis legibus definitum Urbanus VIII, rem fervidè agente sæpe dicto Ossolinio, approbârat ad annum trigessimum septimum sæculi superioris. Sed à malè suspicacibus, ratis novos in Polonia parturiri Crucigeros, patriam pro hostico habituros, primum quidem acerbius accipiebatur; tum per diffensum Ordinum, authoritate Comitiorum Generalium, in herba sublatus est, Rege multum dolente, in irritum cecidisse ea semina, è quibus secuturis retro sæculis herodès essent nascituri. Cogitabat non rarò castra locare in hostico pro recuperandis Provincijs avulsis, princeps ad heroica natus; sed nimiam in eo veriti felicitatem status, quidquid moliretur, ut suam Penelope telam

telam, retexebant. Vltimum, quod ( ut  
ajunt ) vitalia cordis pupugit, erat ex-  
authoratio legionum militarium, pu-  
blicis Comitiorum mandata decretis.  
Scripserat has contra Portam Ottoma-  
nicam: verum quod inconsultâ Repu-  
blicâ id factum fuisset, malè à pluri-  
bus accipiebatur, interpretantibus pa-  
rari hoc belli pretextu libertati com-  
pedes, solvendum juramento militem  
novitium; neq; esse irritandam bellu-  
am Turcicam, dum dormit Polonia.  
Quantumvis autem Venetiæ, quibus  
tunc inhiaturus hostis Christianitatis  
videbatur, Herculem è Polonia pete-  
rent, non esse tamen incendendas æ-  
des Poloniæ, ut fumo illo Turca ter-  
reatur. Deniq; res eo strepitu in Co-  
mitijs generalibus agitata est; ut absq;  
spe refusionis impendiorum, militem  
manumittere coactus fuerit. Ex his,  
quasi lethalem ictum accepisset, bre-  
vi contabuit Princeps immortalitate  
dignissimus, cui nominis sui gloria o-  
mni vitâ carior fuit. Solebat Tho-  
mas non sine pio motu cordis, ac la-

erymis recolere, quæ circa mortem  
 tanti Regis contigerant, & qua erat  
 humilitate, sibi ipsi tam resignatam,  
 supremo hoc articulo, voluntatem in  
 manus DEI precabatur, quam in He-  
 roe hoc viderat & stupuerat. Et cui  
 non ambæ tinnirent aures audienti;  
 Regem potentissimum præmortua vo-  
 ce jubentem, pandi palatii sui fores  
 omnes ac fenestras; ut suis quisq; o-  
 culis videat, quàm non dispar sit Re-  
 gis morientis conditio à fato cætero-  
 rum hominum. Quàm vellem, aiebat,  
 nunc toti mundo esse spectaculo, ut  
 in me videant universi, quanta sit hu-  
 manarum rerum, ac præsentis vitæ  
 vanitas, quantaq; super me DEI mise-  
 ricordia & benignitas! Sublato è vivis  
 Vladislao, etiam Polonia quieta esse  
 desijt. Per tempus enim interregni,  
 rebellionis Cosaticæ classicum insonuit  
 sub duce Theodoro Chmielnicki, ad  
 quod schismatica plebs in Dominos ex-  
 ardescens, flammis bellicis omnia cor-  
 ripuit. Patuit hac tempestate, quàm  
 verum sit illud: terram tremere cùm  
 servi

fervi dominia excutiunt. Et illud, cuncta feriunt, dum cuncta timent; desæviunt in omnes, ut se posse putent. Ivere tunc in cineres avitæ à tot sæculis domus, excisæ familiæ nobilissimæ à gente rustica, totaq; Vkraina, Florentia illa Poloniæ, ferale non nisi bustum fuit. Et tentatum quidem tunc fuit, ut ignis ille, sublimato mox ad regale solium Ioanne Casimiro Fratre demortui Regis, in suo exortu extingveretur: sed quòd infidelitas, metusq; jugi durioris plebem sufflaminârint; in majus semper incendium furor rebellium, quasi in fuso nobilium sanguine fomitem nactus esset, exercebat, donec Ossolinus renunciatus copiarum Polonicarum Dux Generalissimus, quẽ comitem sequebatur Thomas noster, reconciliato prius Hano Tartarorum quondam in Polonia captivo, nunc autem partes rebellium sequente, sub Zbaraz, quod rebelles obsederant, & Zborow, supplicem Regi Chmielniciũ prosterneret, multum quidem tunc pacis promittentem, sed, quæ perfidia est



gentis Græco-schismasticæ, parum in  
promissis fidelem?

## CAPUT VIII.

*Adoptatur in Coadjutorem Custodia  
Gnesnensis. Mors Ossolinij.*

**L** Igârat jam suis Honor Ecclesi-  
asticus vinculis Thomam : ut  
eum tamen arctius sibi devinciret, a-  
lios ei identidem in alijs Prælaturis ne-  
xus induit, hoc maximè gloriosissi-  
mos illi futuros, quòd olim disrumpen-  
di essent generosius per sui in Domo  
religiosa oblationem. Annus à nato  
DEO quadragesimus septimus post  
millesimum sexcentesium volvebatur,  
cum Ioannes Gembicki, tunc Custos  
ac Canonicus Metropolitanæ Ecclesiæ  
Gnesnensis (is qui postea Plocensium  
factus Episcopus Diæcesim illam me-  
ritis, regnum sanis consilijs illustravit)  
Thomam à primis annis sibi familia-  
rem, ac ab inculcata vita notissimum,  
Coadjutorem in Custodia, & Canoni-  
catu Gnesnensi, probante Innocen-  
tio

tio X. Pontif. Max. sibi assumeret. Quam ipsam Prælaturam, promotæ ad Episcopales infulas Gembicio, mox de integro possedit, plaudente Archiepiscopali Cathedra, quod rursus talis in medio suorum Canonicorum virtus numeraretur: approbantibus autem bonis omnibus, quod virtutem talem honor proveheret ad sublimiora. Et quidem Thomas tunc adhuc adhærere cogebatur sæpè dicto Cancellario, plurimum ejus rectè factorum cooperator, consiliarius & author, jam in bellicis expeditionibus, jam in togatis pro republ. laboribus, atq; ut cætera taceam, in decantato illo Acatholicorum cum Orthodoxis Colloquio Thorunensi, sterili illo quidem ac infructuoso; si tamen fructus dici nequit, quod dissidentes in eo inter se collisi, in plures sectas scissi, dentes contra se mutuò converterint; Ossolinio splendida ad partes Oratione Regis sui consilium, ac in fide concordiam conventui exponente. Verùm & ab eo ligamine, præciso Ossolinij vitæ filo, liber evasit. Obijt heros iste im-

mortali dignus memoria, anno elapsi  
 sæculi quinquagesimo, clarus imprimis  
 à Legationibus, quas pro Reip. bono  
 obiit; Romæ videlicet apud Urbanum  
 VIII, à quo Ducalem; in Germania apud  
 Ferdinandum II, à quo Principalem mi-  
 tram cum titulo S. R. I. Principis ade-  
 ptus est; in Britannia apud Jacobum I,  
 in Hetruria, apud Venetos, & alibi, u-  
 biq; magni Oratoris nomine, imò Ora-  
 torum sui temporis Principis adeptus,  
 Vir à natura & virtute eximijs instru-  
 ctus dotibus, amore boni publici com-  
 mendatissimus. Obiit autem post ere-  
 ctam à se in Claro monte Czesztocho-  
 wienfi aram novam, pro Imagine Vir-  
 ginis DEiparæ, à S. Luca depicta, ac  
 miraculis clarissima: cujus aræ totum  
 corpus faberrimè elaboratum ex hebe-  
 no cernitur, columnarum capitellis ex  
 puro fusis argento, ac interpositis inter  
 columnas Sanctorum statuis, pariter ex  
 argento ad mensurâ hominis elaboratis.  
 Opere tam magnifico absoluto, è mor-  
 talibus excessit, ad occupandam in terra  
 viventium possessionem tam sum-  
 ptuosè emptam. CA-

CAPUT IX.

*Sepelit parentem suum, ac no-  
verca providet.*

**T**ertium hoc vulnus est, quod ini-  
mica mors inflixit Thomæ in subla-  
tione è vivis dilecti Parentis sui Stani-  
slai. Quod quidem tantò illi accidit  
acerbius, quantò magis cordi est filio  
probo vita Patris. Vixerat ille bonam  
jam ætatem, ac senio appropinquabat;  
cùm pro mercede operum suorum Re-  
tributori DEo eum evocare placuit. Et  
verò spes non fucata est, non medio-  
crem ei obtigisse gloriam, reflectenti se  
super insignia Christianæ pietatis offi-  
cia ab eo exercita. Nam præter con-  
stantem à primo conversionis die ze-  
lum fidei, totum se in afflictorum sola-  
tia, ac sublevationem pauperum impen-  
dit, in horum identidem totos greges,  
largas effundendo eleemosynas, illo-  
rum autem bono varia providendo cha-  
ritatis officia. DEI timore ita suas  
condiebat actiones, ut peccatum omne,  
omneq;



omneq; periculum ac speciem ejus  
quam longissimè declinaret. Frequens  
in exercitijs virtutum redimere cura-  
bat tempus, quod olim Calvinum se-  
quens extra Ecclesiam prodegerat. Ne-  
mo non in illo Virum virtutis aman-  
tem, ac omnis boni & æqui zelatorem  
suscepit. Quæ sanè ejus integritas ac in-  
agendo rectitudo tantum viro concili-  
averat amorem nobilitatis, ut in illius  
sententiam lubens volens quisq; conce-  
deret. Boni deniq; communis amor in  
eo semper eximius fuit, hoc optimis  
promovebat consilijs, hoc privata pie-  
tate potius habebat, hujus integritati  
se cum vita & fortunis totum devove-  
bat, solitus dicere: dignum non esse, qui  
vivat inter homines, cui cordi non est  
communis salus, sed ad bestias, quærentes  
duntaxat quæ sua sunt, abjiciendum.  
Huic ergo tam bono Patri, ut condi-  
gna justa persolveret Thomas, persua-  
sit pietas. Quantumvis enim nunquã  
magni æstimârit funus splendidum; quia  
tamen supremum Patri officium exhibendum erat, piaculum fore judicavit,  
si

si quid aut ad splendorem funeris exteriorē; aut ad animæ solatium deficeret. Stupebat tota nobilitas Sendomiriensis, quæ una cum aliquot regni Senatoribus frequens confluxerat ad honorandum ultimo obsequio virum primæ apud se authoritatis ac amoris; visisq; ingentibus impendijs tum in structuram funeris, tum in sacrificia Missarum, ac stipem pauperum, benedicebat Filium tam erga demortuum parentem suum pium ac gratum. Supererat noverca ( Mater enim puero eo diem ultimum clauserat ) post mortem Patris. Erga hanc ut filialem pariter testaretur affectum, bona omnia, quæ sibi à Patris morte obvenerant, ad vitalitium ( ut ajunt ) consignat; nolens quidquam de eis tangere ipsa superstite. Verùm proba mulier, vel quòd stupe-  
ret tam rarum erga se charitatis affectum in privigno, vel quòd sine rei familiaris molestâ curâ, aliter suis providendum necessitatibus speraret à tanta pietate, actis pro affectu gratijs, se-  
disse sibi animo, reponit; reliquam vi-  
tam

tam procul negotijs, ad asceterium aliquod Sacrarum DEo Virginum, obsequio DEI impendere. Sibi proin tantarum possessionum administrationem parum utilem futuram: prout defacto statim ad Cænobium Clarissarum sola cum administra, in statu viduali servitura DEo cum omni humilitate, concessit. Thomas interim, ne quid de amoris filialis observantia sibi deesset, extemplo viduæ millia viginti in necessitates vitæ numerari fecit, ac deinceps quoad vixit, in omnibus ita providit; ut ipsamet fateretur, se ne quidem de tam pio audivisse filio, qui tanta fecerit Matri, quanta hic sibi faciat novercæ. Sed nec ullus credere poterat novercam; quem, vel cum præsens esset, reverentia Thomæ erga illam, vel cum absens ageret, provida in sublevandis illius necessitatibus sollicitudo, & sollicita in procurandis omnibus, quæ necessaria judicabantur, providentia, adverteret.



CAPUT X.

*Fit Canonicus ac Præpositus Varmiensis; ubi quædam de Alberto Rudnicki ejus temporis Canonico.*

**Q**uietem post aulæ negotia jam tandem respiciebat Thomas: quam quidem in domo Religiosa hoc rerum turbine frustra expectaret, quo hinc Moschus ferociens Litvaniam populabatur, inde Gothicus Leo per Poloniam effusus conterebat universa; hinc à rebellibus Ukrainæ ignis excitatus in favillas & cinerem totam redigere parabat Poloniam, inde domestica discordia ultimam omnibus ruinam meditabatur: quorum omnium metu, domus ipsæ Religiosæ peregrè abire, ac securitatem in exilio quærere cogeantur. Et quidem obtigisse quietem aliquam Thomæ hac inquieta ætate dicere non nemo poterat, gratiâ Serenissimi Poloniarum Regis Joannis Casimiri; cum ad eminentem ipsius virtutem, affectumq; Vladislai Fratris ac Prædecessoris



foris sui, oculum intendens, cogitantq;  
 optima aliqua in Rep. dignitate eum  
 præmiari, ut secuturis præluderet ho-  
 noribus, Varmienſi eum Capitulo Ca-  
 nonicum, dum potior vacaret digni-  
 tas, inferuit. Est autem Varmia una  
 ex florentissimis Regni Poloniarum pro-  
 vineijs hoc nomine nulli secunda, quod  
 illibatam Christi fidem, Religionemq;  
 orthodoxam, à primo Conversionis die  
 semper conservaverit. Terræ hujus bo-  
 nitatem Cosmographis depingendâ re-  
 linquo; mihi id commendationis satis  
 superq; est: quod nullos ea lupos, nul-  
 las viperas, nulla nociva patiatur ani-  
 malia. Neq; enim ibi ullus Judæo, ul-  
 lus hæretico manendi locus est. Judæo-  
 os lex publica, ob Eucharistiam dolo  
 malo sublatam, ac retis piscatorij ligno  
 inclusam, in perpetuum exclusit, teste  
 Joanne Leone, Decano Gutstadiensi in  
 historia Eucharistiæ: hæreticos autem  
 cujusvis sortis ac nominis, singulari RR.  
 Episcoporum ac Prælatorum Varmien-  
 sium custodiâ (utinam perennet!) ultra  
 unius anni orbitam ad respiciendum

con-

concessam, non sustinet. Quo quidem  
 id effectum est, ut licet per circuitum  
 undiq; hæresibus, ceu spinis, cingatur  
 Varmia; sicut lilium munda & Virgo in  
 fide Catholica permanserit inviolata. 173  
 Præerat, dum à morte Joannis Perović  
 Canonici, successor crearetur Thomas,  
 Varmiæ cum potestate Episcopi, &  
 Principis S. R. I. Venceslaus Comes de  
 Leszno Leszczynski, Vir ut sanguine,  
 ita virtute præcellens, quem Gneznam  
 translatum Archiepiscopalis cathedra  
 excepit primatem. Præpositum Ven:  
 Capituli egit Albertus Rudnicki, Vir vi-  
 tæ sanctitate eximius, ac Pater paupe-  
 rum dictus; qui sicut vivus eos prope  
 in manibus gestaverat, ita defunctus  
 non nisi eorundem humeris ad sepul-  
 chrum deferri voluit. Hujus viri vir-  
 tutes in authographo, manu Ven: P.  
 Nicolai Lancicij exarato, ac testimo-  
 nio ejusdem roborato (quod per Tho-  
 mam nostrum impetratum est à P. Bal-  
 thasare Rogalski, tunc Rectore Colle-  
 gij & Academiæ Vilnensis Soc: JESU,  
 unà cum ejusdem literis hac super re  
 D datis)

datis ) ad perpetuam tanti viri memoriā  
connotatæ, servantur inter cætera Ven:  
Capituli Varmiensis monumenta. Eas  
ipsas hic adicere, non erit abs re: tum  
quia tam eximia virtus acerrimum ad-  
didit calcar ultro currenti Ven: Tho-  
mæ nostro; tum quia & posteritati sti-  
mulus esse potest salutaris.

*Virtutes Perillustres ac Reveren-  
dissimi D. Alberti Rudnicki Præposi-  
ti Eccl. Cathedralis Varmiensis,  
manu Sanctæ memoria P. Nicolai  
Lancicij è Soc: JESU, connotatæ.*

1. **A**B omni peccato abhorruit eti-  
am veniali, quod nunquam in  
conversazione ejus per aliquot annos  
deprehendi: ideo sæpè in Confessionibus  
suis coram me factis non invenien-  
tibus suis coram me factis non invenien-  
tibus in eo materiam dandæ absolutionis.
2. Nullum pauperem elemosynam  
petentem sine illa dimisit.
3. Pauperibus medicinas, quas mul-  
tas pro se habebat, petentibus, & vi-  
ctualia sine tergiversatione statim dare  
jube-

jubebat.

4. Plures quàm centum pauperes & mendicos sepeliri suo sumptu curavit, & tumbas illorum corporibus parari jubebat, & cadavera eorum deferri ad sepulchra honestè, & faces à familia sua deferri curabat, dum ad sepulchra efferrentur.

5. Qualibet feria quinta Bursistis (studiosis pauperibus) prandium dabat melius, quàm in Bursa haberent.

6. Quolibet die domi suæ aliquot pauperibus prandium dabat.

7. Qualibet hebdomada Bursistis præter prandium dabat Eleemosynæ grossos quindecim.

8. Et carnem & animam ab omni impuritate contraria castitati immunem habebat.

9. Totum tempus sine otio transigebat in lectione librorum Spiritualium, præsertim Ludovici Blosij & aliorum, vel in oratione. Nam præter horas Canonicas habebat aliquot libellos plenos devotissimis precibus, quas quotidie præter Breviarium Sacerdotale, devotè



recitabat.

10. Ex pio zelo & puro DEi amore valdè tristabatur & dolebat, quando audiebat aliqua re Divinam Majestatem offendi, præsertim dum statuta Episcopatus, jurejurando confirmata, videbat violari.

11. In administratione Allensteinensi, quam per sex annos tempore belli & in vicinia militum gubernavit, subditos cum paterna charitate & beneficentia tractabat, adeò, ut & nunc eum tanquam Patrem suum ament & laudent.

12. Occultas eleemosynas sæpè dabat & pecuniarias & alias; ideo non reliquit tantum pecuniæ, quantum aliqui alij Confratres antè ipsum mortui reliquerunt.

13. Rerum Spiritualium erat peritissimus; quam notitiam aquisivit partim sanctè vivendo, partim ex perpetua librorum Spiritualium lectione.

14. Cum Religiosis agens tam ad mensam, quam alio tempore, sermones de rebus Spiritualibus instituebat, dubia Spiritualia eis proponendo, ac cir-

ca illa discurrendo: & circa res Theologicas, dum erat sermonis materia, ac si insignis esset Theologiæ Doct̃or, dabat resolutiones bonas, ac principijs Theologicis omninò conformes.

15. In hac tam diuturna infirmitate tota, dolores toto corde ingentes diu noctuq; tolerabat cum magna patientia & conformitate cum voluntate Divina, offerens se DEO: & si vellet ita illum affligi perpetuò, dum viveret, erat contentissimus, & suos omnes dolores uniendo cum Christi Domini doloribus Domino commendabat.

16. Eo die quo mortuus est dolores cessarunt, ut quietius actus virtutum antè agoniam Domino offerret. Actus autem ultimi ejus, die mortis hi erant: Domine doleo de peccatis. Sit nomen Domini benedictum. Domine da mihi gratiam tuam. Beatissima Virgo MARIA, & omnes Sancti non derelinquite me.

17. Rogavit me pridem, ut tempore agonizæ, si ipse non posset loqui, nec legere (uti nec poterat) ego ejus nomi-

ne actus legerem scriptos ejus manu,  
& subscriptos & sigillo ejus munitos.  
Legi illos eo audiente, & ejus jussu po-  
fui supra pectus ejus mortui cum par-  
ticipatione meritorum data sibi à So-  
cietate, & ab aliquot alijs Ordinibus.

18. Agoniam transegit sine ullo do-  
lore, & motu corporis suavissimè, dor-  
mienti similis, sine ullo gestu & motu  
membrorum, sine eructationibus & alijs  
horrendis signis, & tam placidè expi-  
ravit; ut non adverterim eum mortu-  
um, dum animam ejus Domino ex pa-  
cto inito cum eo, commendarem. Ro-  
gaverat enim me, ut in agonia nihil  
sonorè supra illum diceremus, sed re-  
linqueremus eum suas devotiones cor-  
de proferre: toto enim tempore actus  
piissimos & orationes jaculatorias ite-  
rabat plenus spei & lætitiæ.

Hæc de Rudnicio, Viro communi o-  
mnium opinione Sancto, Lancicius: qui-  
bus addendam judico protestationem  
ejus aliquot ante obitum suum annis,  
manu sua exaratam ac sigillo munitâ;  
cùm more suo redux ex visitatione mi-

racu-

raculosæ Imaginis B. V. Lindensis, mature disponere domui suæ in animum induxisset; cujusq; ipsum authenticum exemplar apud me habeo, in quo aliena manu hæc adjecta reperio: Hæc Protestatio post mortem inventa intra aliquot hebdomadas; ideo non est posita in tumbam. Est autem Protestatio verbis concepta Polonicis sequentis tenoris.

*Protestatio facta à me Alberto Rudnicki*  
*Præposito Varmieniensi, misero peccatore, desiderante, ut brevi hoc vite tempore, quod mihi superest, paratus inveniar ad diem ultimum meum, ne me insperata mors præoccupet: Siquidem innumera mihi nota sunt pericula, quibus exposita est vita hominum, scioq; me infelicem peccatorem esse morti subjectum, absq; eo quod sciam horam, qua me tollet factor meus positurus rationem mecum, ne repentina me mors imparatum inveniat: fretus auxilio DEI in animum induxi meum, parare me pro hac hora, quamdiu adhuc morulam temporis indulget DEUS.*

Igitur toto corde & animâ prostratus ad pedes Crucifixi testificor coram toto mundo, hanc & non aliam esse ultiniam voluntatem meam.

*Imo* In nomine Patris & Filij & Spiritus Sancti, profiteor coram DEO Omnipotente Patre, Filio, ac Spiritu S. Trino in personis, Uno in natura, & semper Immaculata Virgine MARIA, Cælorum Regina, Curiaq; cælesti universa, me velle vivere ac mori in obedientia S. R. Ecclesiæ, credentem constanter omnes duodecim articulos fidei traditos ab Apostolis in Symbolo, admittereq; unâ interpretationem illorum factam ab Ecclesia Catholica, imò omne id, quod & sicut Ecclesia ordinata à Spiritu S, admittit, statuit, ac intelligit. Verbo uno, testificor me credere id omne, quod verus Catholicus credere tenetur: in qua fide volo vivere, ac lætus moriar. Sin autem aliquid dixero, vel fecero, contrarium fidei, seductus à Diabolo, aut quomodolibet tentatus ab illo; nunc pro tunc vi præsentis protestationis retracto, casso, & annihilato, voloq; pro  
non



non dicto & infecto haberi.

2da. Pari voluntate protestor: me pro hora mortis meæ desiderare Sacramentum Pœnitentiæ, cuius si tunc aliquo casu non essem compos, jam nunc reum me pronuncio de omnibus cogitatis, dictis ac factis contra DEum, conscientiam, & proximum, de quibus infinities, doleo, optans tantillum spatij, ad pœnitentiam, quo illa amaritudine lacrymarum mearum delear, quas non tam timor inferni, vel aliarum pœnarû, quàm dolor offensi boni infiniti eliciat, quod amare super omnia eram obligatus. Propono pariter, facturum me id cum gratia DEi ab hac hora ad ultimum instans vitæ meæ, nec amplius peccaturum.

3tio. Testificor pariter: me velle in termino vitæ meæ suscipere vitale Viaticum in Sacramento Eucharistico, quatenus per hoc vitale vinculum amoris perfectè unitus Domino meo, in plena pace decedam ex hoc mundo. Quod si hujus tunc copiam habere non poterò, quod illud suscipere velim saltem spi-

ritu desiderij, adoremq; illud quanta possum humilitate, obsecrando; ne mihi denegare velit Dominus præsentiam suam hoc tam periculoso articulo, sed me tueatur à prædonibus inferni, ac deducat in portum perpetuæ felicitatis.

Protestor itidem, me nolle exire ex hoc mundo, nisi provisum Sacramento ultimæ Unctionis; quod pariter si ob aliquod impedimentum habere non potero, jam nunc illud desidero. supplicans D<sup>E</sup>o meo, ut omnes sensus meos oleo infinitæ misericordiæ suæ inungere dignetur; & quidquid per visum, auditum, gustum, odoratum, & tactum deliqui, indulgere velit.

Testor item, me eo tempore, quacunq; stante tentatione, non desperare de misericordia D<sup>E</sup>i, tam enormibus peccatis meis offensi; & quantumvis fatear, me iis æternum inferni supplicium millies promeritum, non tamē despero de infinita, D<sup>E</sup>i misericordia; cum sciam alijs mei similibus iniquitatem peccati sui esse remissam.

Ad hæc profiteor, me nullam spem  
pone-

ponere in bonis operibus ac meritis vitæ meæ. Si enim aliquando tale quidquam feci, confiteor illud plenum tempore ac imperfectione fuisse, nec ullo modo fieri potuisse, nisi cum speciali auxilio DEi. Confundatur ergo inimicus noster Diabolus; quia non osculor manum meam confidens arroganter in operibus meis, quasi ijs cælum promeritus essem; sed confido magis in meritis ac sanguine Domini mei pro me misero peccatore in ara crucis effuso.

Protestor insuper, me omnes infirmitates ac dolores mortis humiliter de manu DEi suscipere; in quibus, si (quod avertat Dominus) ob impetum incumbentium tribulationum ac difficultatem agonizæ, ad suggestionem inimici actum aliquem impatientizæ, imprecationis, murmurationis contra DEum, aut aliquem alium scandalosum elicuero; jam nunc de eo doleo, illum retracto, ac pro infecto haberi volo.

Vigore præsentis protestationis, condono omnes offensas & injurias mihi quandocunq;, à quocunq; illatas, in fama,

ma, corpore aut fortunæ oroq; DEū,  
ut ijs pariter ignoscat, eosq; adjuvet.  
Vicissim ego per JESU Christi sangvi-  
nem, precor omnes & singulos; ut mihi  
pariter ignoscant ea, quibus quoquo  
modo aliquem offendi.

Testor item, me infinitas agere gra-  
tias. Divinæ Majestati, pro omnibus be-  
nificijs mihi collatis; sive ea fuerint com-  
munia, sive particularia, publica vel pri-  
vata. Singulariter autem gratias ago  
pro beneficio Creationis, Redemptionis,  
Vocationis ad Sanctam fidem: deniq;  
maximè pro eo, quod mihi indulserit  
tempus pœnitentiæ, cū potuerit me  
perdere in iniquitatibus meis tunc, cū  
maximè sperarem, ac imparatissimus  
essem: pro hoc sit in æternum benedi-  
cta infinita Bönitas ac Misericordia DEi.

Protectricem ultimæ hujus volunta-  
tis meæ volo, imò ardentè peto, &  
humiliter invoco Pretiosissimam & sem-  
per Immaculatam V. MARIAM, refu-  
gium unicū peccatorum; quam ean-  
dem unā cum omnibus Sanctis, præfer-  
tim Patronis meis, oro: ut mihi adesse  
velit

velit supremum periclitanti; meq; singulari præsentia sua defendat ab hostibus animæ meæ, ac commendet Unigenito Filio suo spiritum meum, in pacem recipiendum.

Volo item, ac cognosco Angelum Custodem, meum Patronum ac defensorem animæ meæ in extremo iudicio meo, in quo appendentur omnes actiones meæ in statera, fereturq; de me decretum vitæ vel mortis æternæ: supplico eidem Angelo, ut sicut ejus custodiæ commendata est anima mea a Creatore meo, ita eam tueri dignetur, quoad eam perducatur in montem sanctum ad claram illam ac beatam DEI visionem.

Deniq; per viscera JESU Christi, peto omnes amicos meos; ut, siquidem nescio quomodo cadent sortes meæ in morte animæ meæ subveniant eleemosynis, mortificationibus, orationibus, ac præsertim Missæ sacrificijs, quæ sacrificia efficacissima sunt remedia ad liberandas animas è flammis purgantibus. In reliquo protestor, me libenter suscipere mortem, quamcunq;



cunq; mihi immiserit Dominus meus, conformando voluntatem meam Divinæ, ac patienter eam tolerando in poenam peccatorum meorum, agendoq; simul gratias pro singulis momentis vitæ mortalis meæ. Super omnia autem rogo, ne me unquam ab hac mea voluntate recedere permittat.

Ad confirmationem hujus ultimæ voluntatis meæ, feci præsentem protestationem & confessionem in præsentia Ss Patronorum meorum tanquam testium ad hunc actum specialiter invitatorum; voloq; ut actus hic sit in æternum validus, magisq; teneat, quam soleant testamenta, privilegia, ac donationes tenere. Quæ rursus omnia ratifico pro hora mortis meæ, ac mente sanus, composq; rationis, propria manu subscribo Frauenburgi 27 Augusti 1647. *Albertus Rudnicki Prepositus, & Canonicus Varm.*

Peto ut cum hac protestatione mea sepeliar, ponatur ea sub capite, aut supra pectus in tumba. *Albertus Rudnicki Prepositus Varmiensis. Locus sigilli.*

Non licuit diu frui Thomæ nostro  
con-

conversacione hujus Servi DEI. Paulo  
 siquidem ab adita Canonice possessione  
 ( quasi jam sepulturus Paulum Antoni-  
 us adesset ) cum dolore omnium è vi-  
 vis sublatus est Vir immortalitate di-  
 gnissimus. Et quidem reliquerat etiam  
 hic Paulus Antonio vestem; eam tamè  
 humilitas posterioris prius induere non  
 sustinuit, quàm alium præ se ornasset.  
 Vacantem siquidem Capituli Varmien-  
 sis Præposituram ab obitu Rudnicij,  
 benevola Joannis Casimiri Regis colla-  
 tione in se derivatam, non admisit; sed  
 qua erat humanitate & humilitate, in  
 Lucam Gornicki Decanum Cathedræ,  
 Virum ut religionis & pietatis, ita liber-  
 tatis ac candoris eximij transtulit. Tan-  
 dem, Gornicio quoq; è vivis erepto, ho-  
 norè Præpositi cùm declinare non pos-  
 set, ita gessit; ut & egregias Anteces-  
 sorum dotes in se exprimeret; & omni-  
 um se infimum ac servum opere de-  
 monstraret. Tenuit porrò munus hoc  
 cum omnium amoribus eousq; ; donec  
 illud cum reliquis sæculi sarcinis, ac Ec-  
 clesiasticis honoribus, pullam religionis  
 vestē

vestem indutus, sepeliēt, toti mortuus  
 mundo. Tenuit autem Varmiensem  
 istam Præposituram cum ea con-  
 summatæ virtutis existimatione: ut in  
 eo vivum omnigenæ probitatis exem-  
 plar mirarentur universi. Primus ille  
 in choro ad laudes Divinas concinen-  
 das: à quibus eum non occupationum  
 multitudo, non hospitem gratissimo-  
 rum præsentia, non amicorum obser-  
 vantia, posse retardare videbatur. Elu-  
 cebat in eo indefessa erga bonum com-  
 mune sollicitudo, imperturbata difficilli-  
 mis temporibus in tuendis Ecclesiæ bo-  
 nis constantia, in reprehendendis er-  
 roribus ac delictis misericors iustitia,  
 affabilitas erga omnes, comitas ad om-  
 nes. Qua quidem vivendi ratione om-  
 nium in sui amorem corda rapuerat,  
 ac talem sibi conciliaverat autoritatē:  
 ut ad nutum ejus viverent universi,  
 ac quæ ipse vellet, quasi oraculum es-  
 set, rati haberent universi. Audivimus  
 non rarò cum jam privatos inter Re-  
 ligiosæ domus parietes vitam ageret,  
 ac sermo de Ven: Capitulo Varmien-  
 inci.

incideret, memorem sibi olim ab eo præstiti affectûs, dicentem: DEus retribuat tantis meis benefactoribus, affectum eorum, quo me indignum persecuti sunt; quem sicut nunquam merui, sic explicare non possum. In laudibus singulorum planè disertus erat; nec fuit, de quo loqueretur malè.

## CAPUT XI.

*Nominatur Episcopus Chiioviensis,  
& Czernihoviensis.*

**S**Ub hæc, vacante Episcopatu Chiioviensi & Czernihoviensi, suffragio Joannis Casimiri Regis designatur Ven: Thomas successor. Opimus quidem ille, ac multæ amplitudinis Episcopatus est, sed ardente totius Schismaticæ Ucrainæ rebellionē, redditus inaccessus. Sedes Episcopî, & Russiæ Ducum, Chiovia fuit, urbs olim, si annalibus ac ruderibus adhuc extantibus fides haberi debet, tam ampla, ut septem dierum itinere circumîri non potuerit; tam locuples hodieq;, ut nulli amplissima-  
E rum

rum urbium nostratium primas cedat. Ritus ibi hodie fere Græcus est, isq; Schismaticus, licet olim à temporibus S. Bonifacij M. Archiepiscopi Ruffiæ, Latinum omnes sequerentur. Habebat tamen ad tempora Stanislai Zarem-  
ba Episcopi, à quo tertius ibidem sede-  
re debebat Thomas noster, non con-  
temnendam inibi adhuc Romana Ec-  
clesia portionem. Cathedralis Ecclesia  
ritus Romani numerabat Canonicos  
octo, inter quos cum dignitate Præla-  
ti eminebant Præpositus & Archidiaconus. Episcopatus autem ipse distingve-  
batur in Decanatus quatuor; Pavolo-  
censem, Corestosovientem, Cudnovien-  
sem, ac Lisianensem. Pavolocensis con-  
tinebat Ecclesias tredecim. Corestoso-  
vientis octodecim, Cudnovientis novem-  
decim: Lisianensis deniq; duas supra  
viginti. His si addideris ea, quæ in va-  
sto illo Czernihoviæ Ducatu sita, atq;  
in Novogrodenfi ultra Boristhenem  
Severia, per constitutionem anni 1638  
illi subjecta sunt: numerosissimi gregis  
pastor est Episcopus Chiioviensis. Uti-  
tur



tur porro hic Episcopus etiam Episcopi Czernihoviensis titulo, derivato ab hoc ipso Ducatu; sed eum titulum communem habet cum Episcopo Smolenscensi. Cum enim hic ducatus Chioviam & Smolenseum intersecet, nec proprium habeat Antistitem: pastorem, curam ejus loci inter se partiti sunt Chioviensis cum Smolenscensi: atq; ita utriq; nomen adhæsit Czernihoviensis Episcopi. Et hic quidem nuper status erat Ecclesiæ, ad quam regendam assumptus erat Thomas: verum postea Schismate Græco-Russò universa confundente, efferatis in lupos ipsis etiam ovibus, nihil de grege dominico mansit pastori super, nisi nomen inane. Ex quo enim tempore Cosatica rebellio in viscera Reip. sævire cæpit, seq; à reliquo Poloniæ corpore insolenter avulsam subdidit Schismatico Moschoviæ Duci: fides etiam orthodoxa exulare iussa est. Ejectus est primò ad annum 1648 Sede sua suprà nominatus Episcopus Stanislaus Zarembo, redactò sub potestatem rebellis perfidiæ

patrimonio Christi, cum provisione Episcopi, quæ consistebat in quinque oppidis, videlicet Chiioviæ suburbij parte, Fastovia, Czarniawka, Morask, ultra Bonisthenem & Babice. Ejectus deinde clerus omnis tam sæcularis, quam regularis, divisus in spolia ferocientis plebeculæ exulum bonis, direptis Ecclesijs ac exustis, vasis Ecclesiasticis, suppellectili, ac juribus Ecclesiarum librisque omnibus sublatis. Chiioviæ ipsâ in metropoli Cathedralis Ecclesia dejecto tecto ac magna muri parte, redacta est in suggestum tormentorum; quod item fatum obtigit templo Patrum Prædicatorum. Ecclesia autem Societatis IESU, ac Patrum Minorum S. Francisci, quos Observantes vocant, incendio unâ cum omnibus ad eas pertinentibus, absumpta est, pulsus in exilium religiosus omnibus. Ab hac tempestate nulli ad hæc usque tempora, Episcopo datum est, adire hanc suam Sedem; non quidem præfato Zaremba; nam hic paulo ab expulsionem sua in exilio diem ultimum obiit: non Leszczynio, qui al-

ter

ter, à Zaremba, fuerat designatus loci Antistes; non deniq; Ven: Thomæ nostro, qui translato ad Culmensem Cathedralam Leszczynio, canonicè successerat; quantumvis hic, ut infra videbimus, ad penetrandum vias omnes tentaverit..

## CAPUT XII.

*De gestis Ven: Præsulis sub tempore belli in Polonia.*

**I** Nundaverant longè latèq; bella Poloniam, cùm in Episcopum nominatus fuit Ven: P. Thomas. Nam præter jam dictam Plebis Cosaticæ rebellionem, Moschus Lithvaniam, Svecus Poloniam occupârat. Egère tunc patriæ ac fidei amantes, pro suo quisq; zelo, quod è re patriæ ac Religionis videbatur. Egit & Nominatus noster, qui quidem ante omnia, supremo hoc rerum ac fidei discrimine, adesse consilio & præsentia Majestati laborabat; verùm & Rex extra limites Reip. se in partes Silesiæ receperat; viæ omnes,

hostili milite plenæ, negabant progressum. Animus quidem erat perumpendi; sed prohibebat recens Joannis Brannecki Episcopi Ennensis, Suffraganei Posnaniensis, cædes: Occiderant hunc hostes milites in suomet hæreditario pago, Srodensi oppido vicino, crudellem in modum, rebus ejus omnibus direptis, dum eos imibi insigniter habet, ac humaniter excipit. Quare tantisper propè Jaroslaviam in cœnobio, S. Catharinæ vocant ( ubi Frater ejus Germanus Casimirus, de quo supra, Gvardianum agebat ) hædere coactus est Nominatus noster, quoad spes aliunde affulgeret, aut ad Regem tutè penetrandi, aut præsentiora arripiendi. Quæ quidem spes diu expetita, cum non ita facilè oritura videretur; stetit animo, ad Illustrissimum Varmiensis Cathedræ Ordinarium, pro conferendis in bonum fidei & Ecclesiæ, consilijs accedere. Et cecidit res felieiter. Nam Episcopo Leszczinio Regiomonti reposito adjunctus, apud Serenissimum Electorem Brandenburgicum inibi tunc præsentè,

sentem, effecit: ut bona Ecclesiarum Varmiensis diœcesis, utcunq; ab hæretici militis rapinis, impetratis ab Electore comminatorijs, integra perstiterint. Recepit ibidem, non sine insigni Divini Numinis providentia, suum ex sorore nepotem Franciscum Zorawski, eum qui postea Ecclesiæ Ven: Capituli Varmiensis cum munere Præpositi præerat; recepit, inquam, de manibus hostium vindicatum, priusquam captum sciret, reddente D<sup>E</sup>o gratiam ipsi, quam alteri præstitam volebat. Res sic accidit. Inaudierat Nominatus noster, à milite Sveco interceptum juvenem quendam Polonum, probæ, ut apparebat, indolis, absq; eo; quòd sciretur cuiusnam domus ac fortunæ adolescens esset, cum lecta militum manu transmitti in Sveciam. Hic ille laborandum sibi ratus, ut quiquis esset, vulturum horum ungvibus eriperetur. Et egit fortissimè, dum sibi præda redderetur; quam tamen citius non agnovit suam, quam liber ad liberatoris, & ipse adhuc nescius eundem esse patru-



um suum, qui liberator fuit, pedes accideret Zorawscius. Tunc enimverò sui laboris præmium, & beneficentiæ fructum agnovit Episcopus, DEiq; Remuneratoris benedixit. dexteram, ita res ordinantem; ut dum alieno subvenire parat: eum, quo propinquiorem sanguine in vivis non habuit, in libertatem adsciverit.

### CAPUT XIII.

*De gestis ejusdem sub tempus belli in Prussia.*

**J**Urata semper hæresis in excidium Soc: IESU, hac bellica tempestate rata se perdendæ illi, è ditionibus Prussiae primùm, tum totius Poloniae finibus exturbandæ, naçtam occasionem, consilia inierat. Et jam suggestionem malevolentium eò rem deduxerat apud aulam Brandenburgicam: ut decretoria exilij contra Socios Brunsbergæ commorantes à Serenissimo Electore, qui urbem suæ potestatis fecerat, jamjam fulminanda crederetur. Verùm benignitas

gnitas DEi etiam hoc in discrimine rerum non defuit servis suis. Ut primum enim res suboluit Ujeyſcio, tunc Regiomonti hospiti, ſuarum partium eſſe duxit, inire rationes de modo dimovendi à ſententia Electoris, confundendique conſilijſ conjuratorum contra Chriſtum & Societatem ejus. Viſum eſt ante omnia, rem ad Illuſtriſſimum Loei Ordinarium, inibi degentem, deferendam eſſe. Apud hunc ille precibus ac perſuaſionibus agere; non deferendam hoc rerum articulo cauſam Sociorum; verti in eo rem fidei, quam graviter periclitari oportet, ſi moveantur viri, qui ſe opponere poſſent hæreſi inundanti: ſcire ſe, quanta primo illo bello Svetico egerit & paſſa ſit Societas ea in urbe, ob cauſam Religionis; quanto rem Catholicam zelo ſuſtinuerit: tentanda omnia ut obviam eatur tam noxio fidei exterminio. Nec multò opus erat. Integerrimus Præſul Leſzczynius cum pro zelo fidei ac amore Societatis in omnes modos impediendi hanc noxam animum intendiſſet; noviffimè accomo-

dam liberandæ Societatis apud eum vi-  
am reperit, quem juratissimam perden-  
dæ ejus hostem credidisses. Calvinia-  
ni gregis pastoris erat, quem Serenissi-  
mi Electoris Brandenburgici consors pro  
Spirituali Patre observabat. Hic ipse in-  
signi ab Episcopo devinctus honorario,  
ita feliciter causam Societatis egit per  
prædictam Principem: ut elisis elusisq;  
conatibus adversariorum, sua Patribus  
Brunsbergensibus statio permanferit,  
ridente in finem Ujeyscio, quod tali  
per ipsummet adversarium servos suos  
viâ liberaverit DEUS, & ut fertur pro-  
verbio, laqueus auxiliatus fuerit. Ita  
nimirum medio interdum ipsa venena  
serviunt ad medelam, DEOq; ad finem  
sunt media, quæ fini judicantur oppo-  
sita. Verum non diu frui hoc gaudio  
licuit. Vitato quippe uteunq; scopulo,  
ad quem allidenda res Patrum Brun-  
sbergensium timebatur, ipse in Collegio  
Reßeliensi hospes, cum Patribus Loci,  
in Scyllam incidit. Collocatis siquidē  
in tuto, ut rebatur, rebus Brunsber-  
gensis Societatis, Regiomonto devotio-

nis causâ, ad DEiparam V, Lindæ miraculis claram, iter arripuerat Nominatus noster; cùm pro more suo domum in nostram Resselij divertente illo, Collegium hæretico milite cingitur, evocatoq; Rectori abitus & exilium cum tota domo edicitur in crastinum. Fit coëternatio omnium, viso hinc præ portis Annibale, ac frequentibus ijsq; in globum coactis, ne qua ullus elaberetur, aut aliquid domo efferri posset armatorum excubijs. Nullum in arena consilium, inventrix alias consiliorû necessitas suggererat, nullum miseris solertia rebus suppeditabat præsidium: nisi, ut ante DEUM Eucharisticum, in ara templi propositum, publica supplicatione peteretur è cælis remedium, quod interris superesse, desperabatur. Profuit nostris ea in obsidione habere hospitem Ujeŷscium. Hic unus solari mœstos, afflictis compati, in spem meliorem erigere desolatos. Macti, ajebat, animo, dilectissimi Patres, (quæ verba illius ex historia prædicti Collegij excerpti) si exilium vobis ferendum est, non feretis illud

illud soli, sed me in Societatem calamitatis vestræ ruentem videbitis. Spondeo candidè, eò me vobis comitem fidelissimum adhæsurum quocunq; mare vel terra vos tulerit: sperate interim crastinam lucem clementiorem. Et affulsit illa profectò serenissima. Nam primo manè advolans à Serenissima Electrice Brandenburgica cursor, Collegium solvit obsidione, metu nostros, allato libertatis ac salutis nuncio. Præfectum autem militiæ ista ausum severè correptum vindicæ servavit iustitiæ. Liber cum nostris Venerabilis Præsul, non absimilem reliquis Religiosorum cænobijs, pluribusquè per Prussiam sæcularium sacerdotum Ecclesijs pietatem dispertijt per afflicta illa tempora: hos in oppressione sua erigens, illos in inopia sublevans, consolans omnes, omnes secuturæ brevi malitiæ spe nūtriens, benefaciens universis. Brunsbergam tamen rursus, ut ulterioribus malis objectu sui corporis obviaret, accurrendum illi fuit. Scrutabantur illius Collegij viscera acatholici milites, prætextu depo-



depositorum Polonæ nobilitatis ibi sepultorum, eiecerant è templo defunctorum cadavera, terebrarant altaria, nullamq; partem domus & Ecclesiæ reliquerant inviolatam, nullam immunem: licet aliud nihil negotiosi quæsitores repererint, nisi pudorem suum & confusionem, feralium tamen instar bubonum, præcinebant alias ex alijs misérias irrogandas, posteriores peiores prioribus. Accurrit ergo ad hos rumores Nominatus noster, electaq; sibi ad unum & alterum mensem inter nostros mansione, quas à jurata contra nomen nostrum hæresi timere poteramus, molestias feliciter avertit.

#### CAPUT XIV.

*Consecratur Episcopus, & Carolo Ferdinando Principi Regio testanti adest.*

**S**ubsidere nonnihil pericula, ac lætior facies affulgere visa est: cum ad actum consecrationis sui in Episcopum, prævia recollectione Spiritualis.

se se accingit Ujeyscius. Volvebatur annus post millesimum sexcentesium quinquagesimus septimus, quando eandem, Dominicâ à Pentecoste septimâ, quæ in octavam Julij inciderat, suscepit Seeburgi, in oppido Prussiæ Varmiensis, consecratore Venceslao de Leszno Lezczynski, Varmiensi Episcopo, assistentibus Alberto Pilkoowicz Hipponensi Episcopo, Suffraganeo Varmiensi, & Mathia Mariano à Kursko Kurski Basoviensi seu Valachia, de Ordine S. Francisci Regularis Observantiæ, Episcopo. Porro Loci Ordinarius hoc perfunctus labore, quasi per tanti viri consecrationem jam in auge suorum rectè factorum constitisset, & quod hic ageret amplius, haberet nihil; non ita multò post ( ubi prius per omnes Ecclesias publicari fecisset, ut si aliquibus sub tempus gubernationis suæ irrogata fuisset injuria, eam detegerent, ac satisfactionem acciperent ) Varmiâ excessit Gneznam, promotus ad Sedem Archiepiscopalem, regniq; primatiale. Quæ rursus occasione, administratio tota Episco-

episcopatus ad adventum usq; Successoris incubuit humeris nostri Neo-Episcopi: quam tanta cum commendatione, ac populi voluptate ac affectu peregit, ut nemo ullam querendi ansam haberet, prædicarent omnes. Et quidni prædicarent? cum in Præposito suo vitam ad Ecclesiasticam formam, & ad omnem Episcopalis dignitatis amussim compositam, cum omnia ejus studia utilitatem virtutemq; spirantia: cum eum sibi præesse viderent, qui malis singulorum æque ac suis tangebatur; bonis singulorum alienis lætabatur ac proprijs. Procul ab eo luxus, & impensæ ad emendam sui existimationem de subjectorum sanguine eliquari solitæ: nullas extorsiones, nullas novitates etiam in cogitationem admisit, qui de suis obventionibus cuiq; indigenti subveniebat. Familiam equidem statui Episcopali ac Senatorio competentem alere debuit: sed eam ipsam non pompa sæculari, verum necessitate metiebatur; & ita disciplinæ assuefecerat. ut nulli quidquam molestiæ inferre auderent.

Paulò

Paulo antequam in Episcopum consecratus fuisset, ad Carolum Ferdinandum Poloniæ Sveciæq; Principem regium, Plocensis ac Uratislaviensis Episcopatum Administratorem, periculosè ægrotantem vocatus, accurrit: qui quia eum non minùs, ac fratres ejus Vladislaus IV. & Joannes Casimirus Reges, diligebat; ultimæ quoq; voluntatis suæ testem habere voluit, multis ex judicio & directione illius in celebri illo suo, Ecclesiarum ac pauperum bono condito, testamento dispositis. Quæ res ( quantumvis Regiam domum ex asse reliquerit hæredem unâ cum devoluto ad eam pleno jure ad Opoliensem ac Ratiboriensem in Silesia ducatus ) non modicum sinistri affectus ei apud Serenissimam Poloniæ Reginam conciliavit eò, quòd Austriacæ Domui nimium favorabile videretur testamentum, in quo partem magnam habuisse putabatur Ujeyscius. Unde cum Ven: Præsulem nostrum non raro Rex Joannes Casimirus altiore in Rep. subsidio ac pingviore Episcopat

tu munerari vellet, impedivit illa semper, adjecto etiam subinde acroamate: *sanctus iste Episcopus etiam cum suo baculo* ( alludebat ad Episcopatum Chioviensem seu Kijoviensem ) *ad celum perveniet.*

## CAPUT XV.

### *Labores Ven: Episcopi.*

**Q**Uam verum sit illud S. Augustini, relati' in cap. *Qui Episcopatum* 8. q. 7. Episcopi nomen, esse nomen oneris, non honoris: probavit Ven: Præsul noster. Ut primum enim Episcopatus humeris ejus incubuit: nullam requiem à laboribus Apostolicis habere voluit. Ausim dicere, paucos reperiri, qui cum eo magnitudine, assiduitate, tolerantia laborum certare possint. Pontificalia omnia summâ obibat voluntate, Ecclesias & altaria mira consecrabat promptitudine; Sacramenta præsertim Confirmationis & Ordinis administrabat, ea sæpe defatigatione; ut in opere defecturus crederetur. Obibat



bat autem omnia, nullâ deterritus tempestate, nulla viarum difficultate, aut molestijs retardatus. Monuerat eum quispiam; ut sibi in laboribus temperaret: cui ille; an nescis verum esse illud (Origenis hom. 7 in ps.) eum, qui ad Episcopatum vocatus est, non ad principatum vocatum esse, sed ad servitutem totius Ecclesiæ? Quod videtur locutus conformiter ad illud: 1. Cor. 9. Cùm liber essem ex omnibus, omnium me servum feci, ut omnes facerem salvos. Monuerat alter, qui ei à sacris confessionibus erat; parcendum attrito corpori, à gravi ægitudine vix paululum respiranti, cùm sese Sacramento Confirmationis, copiosæ multitudini impertiendo accingeret: sed & ille consimile tulit responsum; nosse se obligationem suam, vires sperare à DEO: sed & si mori contingeret, utiq; se velle impendi & superimpendi salutem populi; deniq; decere Episcopum, non stantem, & otiosum, sed laborantem & in opere mori. Noverat nimirum illud. Greg. lib. 6. ep. 5 ad Cyriacum.

Qui propriam utilitati communi utilitati, præfert non potest dicere: Mihi vivere Christus est, & mori lucrum. Conformari volebat Apostolo de se testanti: 1. Cor. 10. *Non querens, quod mihi utile est, sed quod multis, ut salvi fiant.* Assumptus fuerat ex Luceoricensi Ecclesia, ad Varmienfes Insulas (translato ad Archiepiscopatum Leszczynio) Ioannes Stephanus Wydzga, Vir ab insigni facundia, prudentia ac consilijs orbi notus; ille, qui postea Poloniarum Regni Primas, Gneznensis Archiepiscopus obiit: hujus rogatu, cùm plenam Episcopatum exercendorum Præsul noster suscepisset curam; ita impiger omnia peragebat, tamq; fidelem DEO, gregiq; fideli promptam exhibebat operam: ut nemo quid in & à Pontifice Apostolico amplius desiderare potuerit. Quoties per anni tempora Ordinationum feriæ recurrebant; confluebat ad eum non solum Clerus frequentior, sed è diversis Religiosorum Ordinibus copiosus ordinandorum numerus: quos omnes per totum tempus ordinum suis

sustentabat impendijs, domo propria excipiebat, ac largiter donatos ad sua dimittebat. Quin & è diversis Diæcesibus confertim ad eum accurrebatur cum dimissorialibus. Testantur plures ex eorum numero adhuc superstites, tam copiosos secum ordinatos fuisse; ut cum à collatis ordinibus prandio Episcopali exciperentur, quantumvis plures mensæ positæ fuissent accumbentibus, vix locus inveniri potuerit. Ipsi adeò vicini Antistites ultrò plenariam ei per scriptum potestatem Pontificalium exercendorū suis in Diæcesibus, si quando iter haberet, aut aliter, ferret res, lubentes, volentes concessere. Certè Illustrissimus Episcopus Wydzga, in cuius Diæcesi ut plurimum versabatur, identidem gloriari auditus est; quod ut Valerio Augustinus, ita sibi Thomas obtigerit Adjutor Episcopalis officij; qui licet par sibi esset non Episcopali modò, sed & Senatoria Regni Poloniae dignitate, promptissimum tamen se ad onera Vicarium offerebat. Ob quod non alio eum, quàm viri Sancti, ac suis le-

van-

vandis oneribus à DEO concessi, nomine compellabat; aut (si fortem phrasim mutare videretur necessarium) benefactoris, Patroni, Patris vocabulo, quâ publicis in sermonibus, quâ privatis in literis honorabat. Iam verò quod attinet præcipuum munus Episcopi (ita vocatur à Conc. Trident. sess. 5. de reform. cap. 2. munus prædicandi verbi DEI) ad hoc, cum omni diligentia exequendum, excitabat se illo Apostoli 2. Tim 4. *Testificor coram DEO, & IESU Christo, qui judicaturus est vivos & mortuos per adventum, & regnum ipsius: prædica verbum, instâ opportunè, importunè, &c. ministerium tuum imple.* Sic excitatus cum ingenti animarum lucro dicebat ad populum. Et quidni dicendo lucrum faceret, qui non verbo solum, sed & exemplo prædicabat; cujus pulchro sermone vita erat pulchrior? Nimirum nulla dicentium oratio perinde animos flectit, ut vita & mores; prodestq; magis vita sine sermone, quàm sermo sine vita. Singularem tamen gustu ad rudes & contemptibi-

lia mundi dicebat, sequens in hoc Redemptorem, cuius sermocinatio fuit cum simplicibus. His ille docendis totum se effundebat, his altas in cælo sedes pollicebatur, hos ad sublimem virtutem excitabat. Deniq; ita à labore prædicationis salutem sibi promittebat, ut propriæ vitæ merita conjungeret. Quare dispositis sibi in corde ascensionibus ad summa non honorum, sed virtutum, ad sublimiorem semper gradum perfectionis contendebat, posito sibi pro regula illo, quod habet S. Greg. lib. 2. pastoral. c. 1. *Tantum debet actionem populi actio transcendere Præsulis, quantum distare solet à grege vita Pastoris.*

## CAPUT XVI.

### *Amor in Clerum.*

**E** Piscopum se in Cleri medio, velut Patrem in medio filiorum, ad providendum amanter eorum necessitatibus datum; aut velut Angelum Superioris Hierarchiæ ad illuminandos inferiores ratus Ven: Præsul noster, pri-  
mas



mas in eo muneris sui partes posuit; ut amorem omnibus reipsâ contestaretur, & non solis eum verbis vendicaret. Non premebat clericum necessitas, cui non in sinu ejus haberetur remedium; non afflictio, quam pia non abstergeret Episcopi benignitas. Ipse pro omnibus orator, ipse in omnibus, ubi de eorum ac Ecclesiarum ijs commissarum bono res erat, consiliarius, & Patronus; zelator ipse, ubi minimum de clero tangi, nedum lædî sentiebat. Causarum arbiter, aut iudex lectus eorum, qui de sorte Domini essent, ita temperabat controversias; ut & victus de tali gauderet iudicio, & victor talem sibi satisfactionem gratularetur. Si quando tamen rem minus decoram statui Ecclesiastico accepisset; homo alioquin mitissimus, ita tangebatur ulcus; ut non foveret sed sanaret. Novit nimirum & in disciplinæ rigore benignitatem mansuetudinis, & in benignitate mansuetudinis districtiorem servare disciplinæ, exemplo Evangelici Samaritani, ægris vinum austeritatis, & oleum

lenitatis infundendo corporibus; unde factum est, ut omnium eum timeret amor, timor amaret omnium. Eos nihilominus nunquam ferre poterat, quorum habitus histrionem potius, quàm Sacerdotem; nitor exterior sponsam potius procedentem de thalamo, quàm sponsæ custodem; liberior agendi ratio mundo potius, quàm Deo dovotum referebat. Cæterum eorum cumprimis delectabatur conversatione, qui vel probitate vitæ emincerent, vel zelo ferverent Apostolico; in hos cum affectu suo totum sese effundebat, hos dulcibus colloquijs ad meliora incendebat, artem artium, illos habere præ manibus dictitans cum M. Gregorio; id est, animarum curam. Singularem autem eorum curam habebat, qui noviter sacris initiati essent; hos enim tum suo, tum aliorum integræ vitæ Presbyterorum adscribebat lateri, solitus dicere; Episcoporum, taliumq; Presbyterorum contubernia debere esse scholas juvenum Clericorum, in quibus instruerentur, erudirentur, formarentur ad omnem pietatem

tatem, ne fegni otio, nec turpi defidia transigerentur bonæ horæ. Jam verò si de beneficijs in Clerum collatis agendum est, ei solum hæc non præstitit, cujus eum non advertebat necessitas. Ex accedentibus sollicitè prior quærebat; an suo in aliquibus indigerent obsequio? & ubi tenuioris fortunæ quospiam suspicabatur, impensè orabat, edicerent, qua re laborent? Pauperi Clerico præ cæteris omnibus esse subveniendum censebat; quòd & Christi magis domesticus esset, & turpis eum magis dedeceret egestas; nihil se negaturum, quod se dare, pauperem clericum accipere, expediret. Negotiorum causâ venientes ad locum ubi morabatur, Clericos, si id pateretur occupationum congeries aut jejuniij sui observantia, omnes voluit esse comensales suos; idq; non rarò quoad negotia omnia ad calcem perducerent, proposito sibi illo Apostoli: *Episcopum oportet esse hospitalem.* Et illo Gregorij ep. ad Ioan. Episc. *Hospitalitatem nesciens non fiat Episcopus.* Et hæc fere

circa tenuioris notæ Clericos agebat Episcopus noster. Ne tamen & ij, quibus pingvior panis Christi obtigit, de se nihil meritum dicere possent; omni ope connitebatur reperire modos benefaciendi omnibus. Postremus non erat iste; quod diversos vernaculâ lingvâ ingenti numero cõemptos libros, sive de novo editos aut recusos, in illos disperterit, ad munus eorum cum majore DEi gloria implendum accomodatos, aut ad promovendos eorum curæ commissos, apprimè utiles.

## CAPUT XVII.

### *Fundationes varia, ac beneficia in Ecclesias.*

**H**Æc bene merendi de omnibus voluntas in Episcopo nostro, hætenus fere privata, transiens, ac quasi hominis dici potuit: quia licet ad plures promanârît, fere tamen particularibus personis exhibitâ est: adeòq; cum eorum transitu facilè oblivioni danda, & unâ cum ijs in pulvere dormitura erat, quò-

quoad justus retributor justitias judi-  
caturus reddet unicuique secundum ope-  
ra sua. Iam verò ea de quo impræsen-  
tiarum agimus, publica, stabilis, ac  
prope divina dici meretur; siquidem ex-  
hibita est communitatibus, quæ non mo-  
riuntur, & quarum bonum, bonum di-  
vinus est. Benefica manus nostri Præ-  
sulis ita in privatos liberalis extitit, ut  
in communitates non minus munificum  
se exhiberet. Et hinc ortum habuere  
grandia illa dona & data, quæ diver-  
sis Religiosorum Ordinum domibus, vel  
de novo à se erectis, vel notabiliter au-  
ctis, larga manu contulit: item il-  
læ in Ecclesijs foundationes perpetuæ  
ad ampliandam DEI gloriam ac anima-  
rum salutem ejus opibus erectæ. Pau-  
ca ex pluribus hic commemoro, ac im-  
primis ea quæ Societas IESU grata  
recognovit, indictis à morte ejus per  
orbem universum tot sacrificijs ( præ-  
ter ordinaria pro defuncto è Societate  
dici solita ) quot vigore Constitutionum  
pro Fundatore Collegij alicujus dici de-  
bent, cum addito: & hunc Societati de-



disse, quantum sufficit ad foundationem Collegij. Fratribus. S. Joannis. DEI, quos per Poloniam Bonfratellos vocant, de radice novū, assignatis redditibus, conformiter ad institutum eorum unā cum nosodochio erexit Cænobium Varſaviæ: fundavit itē Xenodochium Obrazoviæ. Szczepankoviæ in Mazovia, perpetuam recitando per populum congregatum divæ Virginis Rosario, foundationem instituit. Frauenburgi in Prussia Varmienſi Conciones de Paſſione Domini per quadragesimam, post quatuor singulas processio longo ordine ( quod antehac his in partibus, hæresi undiq; septis vix auditum erat ) per Ecclesias ducenda est, cantandaq; à Musiciſ Paſſio Dominica, collatis perpetuo redditibus fundavit. In Cathedra item Varmienſi anniversarium pro anima sua instituit. Sendomiriæ Seminarium pro oſto juvenibus ad probitatem vitæ ac doctrinam instituendis, assignatis in hunc finē florum 30. millibus Consimile item erexit pro juventute Pultoviæ, ut taceam longè plurimas diversarum

religionum domus in foundationibus copiose auctas, nosocomia perpetuis censibus stabilita, Ecclesias novis beneficijs locupletatas, & id genus longè plurima. Verùm omnia hæc parva videri possunt, comparata ad ea, quæ quotidianus quasi Fundator, vel Restaurator, expendebat in Ecclesias per Poloniam, post bella laceratas; has calicibus ac apparatus Ecclesiasticis, illas campanis aliq; decore domus Dei instruendo. Plena sunt ejusmodi beneficiorum illius templa Poloniæ, ostentantia Deo sumptuosum apparatus ( ut olim Petro, Act. 9. egenæ viduæ vestes, quas fecerat ipsis Dorcas ) quo Christi cumulatè sponas decoravit eximius amator decoris Domûs Dei.

## CAPUT XVIII.

*Reipublicæ bono studet.*

**Q**uamvis salus & integritas Reip. sacerrimo Episcoporum Ordini in nobilissimo hoc Poloniarum Regno debeat, patet vel inde: quòd muneris eorum

orum sit, non solum curare altaria, & animas; sed simul Senatorem Regni agere in curia, adeoque velut utroque humero rempublice sustentare. Ipsorum igitur cura & labor est: ut imprimis fidei sacrosanctae conservatio & augmentum, ac Ecclesiae Catholicae decor in omnibus emineat; deinde communi bono prospicere: scissas reipublicae partes integrando, dubia enodando, pericula avertendo, & rem patriam in melius promovendo semper. Unde non abs re tot Sauli Samueles, Davidi Nathanes, Joramio Elizæos, Ezechiae Isaias additos dixeris; quot Reipublicae ac Poloniarum Regibus in commune consulentes assidere audieris Episcopos. Horum est numero non postremus fuit Episcopus, ac Senator noster. Nam & ille ita Patriae bono studuit; ut primam fidei causam semper ageret, dicere solitus; Patriam integram esse non posse, si fides sit lacera: ita vicissim fidei egit negotia, ut est corde nunquam boni publici curam dimitteret. Quia vero de ijs, quae pro bono Ecclesiarum egit, nonnihil jam atti-

attigimus, attingemusq. infrà plura:  
 hic quæ pro bono patriæ egit, pauca  
 dicenda sunt. Ac imprimis hoc in eo  
 suspexit orbis Polonus: quod per tem-  
 pus Episcopatus sui nulla unquam comi-  
 tia regni omisisse notatus fuerit, quan-  
 tumvis post effusos in pauperes the-  
 sauros, domestica mensæ supellex ali-  
 quoties oppignoranda fuerit, ut ad Se-  
 natoriæ ac Episcopalis dignitatis deco-  
 rem inibi agere posset. Instabant iden-  
 tidem amici; parcendum, exemplo plu-  
 rium pingvioris fortunæ Præsulum ac  
 Senatorum, sumptibus in frequentatio-  
 ne ejusmodi publicorum conventuum  
 profundendis; sed actum egere apud  
 virum boni publici amantem, suamq;  
 conscientiam allegantem, quâ obstrin-  
 geretur Reip. ac Ecclesiæ providere,  
 ne quid alterutra detrimenti accipe-  
 ret. Obeandem causam Mariæburgen-  
 sia, Graudentina, Plocensia aliaq; pri-  
 vata terrarum Comitola frequentabat,  
 zelator fidei ac boni communis ita pro-  
 bus, ut integriorem justitia, justiorem  
 integritas desiderare non posset. In his  
 terra-

terrarum conventibus particularibus  
 Reges ipsi negotia grandioris molis u-  
 ni huic pertractanda imponebant; qua-  
 liter Ioannes Casimirus tum alias, tum  
 præsertim anno 1663, & Michæel Rex  
 anno 1670 res statûs maximi ponderis  
 ei, de cuius virtute ac dexteritate cer-  
 ti erant, suo agendas nomine commen-  
 datas voluerunt. Quin & ipsi Summi  
 Pontifices res Ecclesiæ ac Fidei, ut in-  
 fra videbimus, in generalibus regni co-  
 mitijs vel ab ipso immediatè, vel de  
 ipsius consilio à Legato à Latere pro-  
 movendas judicârunt. Sunt in mani-  
 bus meis literæ, quibus Sedes Aposto-  
 lica ab eo informari desiderat: an ex-  
 pediat Ecclesiæ, ac regni Polonia-  
 rum bono, abdicatio coronæ, quam  
 tunc meditabatur Ioannes Casimirus  
 Rex Poloniæ. Sunt aliæ, quibus ora-  
 tur, ut vigilem oculum habeat, ne quâ  
 aper de sylva in vineam DEi, seu Prin-  
 ceptis hæreticus, in hoc Ecclesiæ sem-  
 per dilectum regnum, dominaturus ir-  
 repat. Sunt & aliæ plures: de quibus,  
 ut dixi, inferius commodior erit agen-  
 di



di locus. Porro in his conventibus animos omnium facile sibi conciliabat; quod affectus privatos, qui etiam iustos dementare solent, freno timoris Dei ita cohiberet; ut ne aliquando à recti & æqui tramite deflecteret: quod sententiam suam ea proponeret methodo, ut causam solius veritatis agere crederetur; quod ita partibus faveret, ut quoties vel leges publicæ in discrimen venirent, vel vis privatis fieret, vel iura patrimonij Reipublicæ convellerentur, acgiorem eo monitorem, censorem ac correctorem nemo desideraret. Munerum corruptelas ut pestem fugiebat; ratus, nunquam sanam esse posse iustitiam & fidem in eo, cuius manibus hoc virus adhæserit. Fuit; cum potentioris cuiuspiam nomine, non contemnendi pretij munus ei offerretur eum precibus; ut partes principalis sui tueretur; quas quidem, quia parum æquas iudicavit, ne respectans quidem ad fabam corruptricem, uno hoc offerentem absolvit. *Quanti, putaret, pretij sit anima, ac aternitas?* Al-

G

terum

terum cum in simili obstinatioꝝ esset; ac ratis, modicum ab Episcopo iudicari sibi oblatum, aurum auro adderet; his omnino acerbius dictis repulit. Iret cum suo auro ad eos, apud quos iustitia lances servat ad mercinaria iniquitatis; se nec pro toto mundo contra æquitatem pronunciaturum sententiam; causam afferret æquam, spondere se gratuitum fore patronum; sin afferret iniquam, iudice se, certo causam casurum. Hæreticus quidam nobilis instinctu magni cuiuspiam Senatoris, aut probare volentis, an & iste Episcopus argentangina laboret; aut, quod verò similis est, intendentis ludere hominem à fide alienum; cum magna lauri massa adierat Episcopum nostrum, obsecraturus succurrere sibi in eo, in quo uno salus sua verteretur. Audiit hic orantem tacitus, donec præjudiciosi Ecclesiastico juri privilegij pro se obtinendi mentionem faceret, ac in causa excessuum quorundam contra personas Ecclesiasticas commissorum, vellet agere defensorem. Tunc enim verò ferventi

aded

adèd zelo incendi Episcopus, ac contra corruptorem invehi; ut homo acatholicus non ferens verba & vultum ejus, cum suo se in pedes mammona conjecerit, ne respiciens quidem retro, aut amplius de suo somnians privilegio. Non erat nimirum Episcopus noster è grege eorum, qui, ut canis offa, muneribus capiuntur, venalemq; justitiam novi ejus proditores habent. Virtus apud eum ante nummos, lucrumq; quodlibet in comparatione virtutis vilis algâ fuit. Porro zelus hic Episcopi, ac munerum contemptus, sicut non sine insigni Senatoris illius, qui fabulam texuerat, ædificatione fuit: ita magnam omnium, qui de eo inaudierunt, existimationem meruit. Omnium unicuique hoc judicium fuit: ut si tam munda à corruptelis foret janua omnium iudicium, Senatorum ac Præsulum; non habiturum Angelum percutientem, quod in Polonia castigaret. Certè hæc integritas tantam Præsuli nostro conciliavit commendationem; ut Reges & Principes intricatissimis cum negotijs arbitrum

bitrum constituerint; omnesq; passim  
resarciendo juri suo litium diribitorem  
ac judicem optârunt, qui se læsos lei-  
rent; fugerint autem ij, qui de causæ  
suæ integritate malè sentirent. De-  
niq; ut caput hoc concludam, in omni-  
bus præ oculis habuit DEum & Justiti-  
am, fidem ac Reip. commoda, legis ac  
Regis Majestatem. Quod ipsum Jucu-  
lenter de eo testatus est Michaël Rex  
in ijs literis, in quibus eum designavit  
Commissarium in tractatu Pacis cum  
rebellibus Ukrainæ, inchoando 29.  
Maij anno 1670, regni sui anno primo.

## CAPUT XIX.

*Ad Confœderatōs in Polonia mi-  
lites fit Commissarius.*

**N** Ondum plenè à malis, quæ eam  
invenerunt, quieverat Polonia;  
cùm insperatus turbo, isq; domi natus,  
totam everfurus concussit. Tantò au-  
tem hic gravior fuit, quantò gravius  
est vulnus à domestico. Fecerat in hac  
patria miles externus, ut factæ in de-  
risum

risum & sublationem gentium, illud Isai. 1. ei recantaretur. *Terra vestra deserta, civitates vestrae succensae igni, regionem vestram coram vobis alieni devorant, & desolabitur sicut in vastitate hostili: fecit domesticus; ut nisi DEus exercituum misertus fuisset populi sui, quasi Sodoma fuisset, & quasi Gomorrha similis esset. Dilata fuerant stipendia exercitui, quod attrita ab hostibus Resp. ijs sine mora numerandis non esset; cum petulantior miles morae impatiens, in confederatione patriae exitiale abiit, electoque sibi Duce Samuele Swider-scio, ac repudiatis veteribus tribunis, novis ausibus, novo substituto Magistratu, in viscera Reip. heri juratus in patriae commoda, hodie in dispendia ac ultimam ejus ruinam, extorsurus omnia, quae sibi deberi praetendebat, irruit. Suprema tunc sibi fata impendentia vereri poterat Polonia, cum robur totum suum (supra triginta milla copiae confederatorum exereverant) in excidium sui conversum, ac conjuratum videbat; tantoque id magis vereri poterat, quando ad pri-*

G 3

orem



orem nexum, qui Poloniam laniabat, totus Litvanorum exercitus electo pariter copiarum Duce Casimiro Chwalibog Zyromski per interpositionem horribilis hæc fœdera firmantis juramenti, accessit. Misera eumprimis tunc erat terræ nostræ facies, agros & prata agrestium insolentior depascebatur miles, victum non modo imperando, sed effractis penuarijs per summam violentiam auferendo, ac quod secum asportare non poterat, profundendo, dissipando, destruendo. Domos civium juratus in tulelam eorum, perjurus iruebat exercitus, ut eas expilaret, & perderet omnia, quæ ab hesterno hoste utcumq; salva remanserant. Singulariter tamen Ecclesiarum & Ecclesiasticorum bona petebantur; horum census ac redditus librabantur, & ad ingluviem transcribebantur. | Ecce, aiebant ( quod olim impius ille Chilperitus Rex Galliarum apud Baronium ad annum 587 ) *Ecce pauper remansit fiscus noster, ecce divitiæ nostræ ad Ecclesias sunt translata. Nulli penitus nisi soli Episcopi regnāt;*  
peri-

perijt: honor noster, & translatus est ad Ecclesias & Episcopos. Ecce Sacerdotes, Monachi, & leſvitæ maximam Poloniæ partem occupârunt, deſidesq; delicijs diſflunt, tantumq; non mutuârunt illud à proditore: *Ut quid perditio hæc?* poterant enim iſta dari militibus. Occupato ergo per vim palatio Kielcenſi, ad Episcopum Craeoviensem pertinente, conſtitutaq; inibi ſede conſilij & militarium circuloꝝ, ac reſidentia Ducis ſui Swiderſcij, in omnem latè partem emitebantur, qui tributa ab Eccleſijs ac bonis nobilium inferrent, forti addita in contra nitentes executione. Sed nec regalis menſæ poſſeſſiones melius habuerunt. Oeconomis enim, ſaliſfodinis, telonijs, portorijs ac quocunq; nomine publicis veſtigalibus manus injeceꝝunt expilantes ac vendicantes ſibi omnia. Et egit quidem Rex Ioannes Caſmirus multa, ut inſolentes ad ordinem & frugem reduceret factis etiam largis per delegatos ſuos promiſſionibus; ſed apud effuſam licentiam nihil profecit aliud, quàm quod effe-

rator factus miles, sua sibi stipendia, sua hyberna & promerita, quæ tamen nunquam tanta fuerant, quantum violenti expilatores jam corraferant, reddi postulare, regijsq; legatis ac Regi confusionem relinqueret. Adhibetur tandem Episcopus noster, unâ cum Floriano Duce Czartoryski, Episcopo tunc Cujaviensi, in auxilium; quorum primi nota consummataq; apud licentiosos prudentia & integritas, alterius innata rectitudo, ac circumspecta in loquendo gravitas, id effecit; ut non modicè sibi in excessibus temperârint nec patrimonio Christi tantam intulerint, ut antè, ruinam, quoad plenè solutis stipendijs ignis tam pestilens extingveretur.

## CAPUT XX.

### *Beneficentia in pauperes.*

**H**abet hoc vita Sanctorum; quodd licet pluribus fulgeat virtutibus, una tamen earum præ alijs velut liliū inter-

inter flores in singulis emineat. Alii enim zelo, aut contemplatione, iustitia alij aut pœnitentiâ, alij patientiâ & mortificatione, humilitate alij ac sui abnegatione, veluti nota speciali ab alijs distinguuntur. Porro qui ejusmodi notam in Episcopo nostro desiderat, facile primas dabit misericordiæ. Licet enim in aliarum quoq; virtutum exercitio eximius fuerit, hæc tamen ita ei in morem transijt, ut ab ea nomen *Patris pauperum & Eleemosynarij* obtinuerit. Collactanea ei misericordia in egenos, ut supra innui, ita ei à primis annis in amoribus fuit, ut viso paupere verbis & lacrymis stipem pro eo mendicaret, pia Matre ejus gaudente, quòd ministrum ac dispensatorem sibi Providentia Divina in filiolo suo elegerit. Cum adultiore pietas hæc incrementa sumpsit; raro quippe domo pedem efferebat, quin quod dispergeret & daret pauperibus secum defferret. Ut verò sacris initatus est, ita se ministrum mysteriorum DEI existimabat; ut simul minister esse

deberet Christi pascendi in esurienti-  
bus: ita corpus & sanguinem Domini  
dispensabat in altari, ut proventus sibi  
provenientes de altari ( quos Bernardus  
vocat sanguinem Christi & sanctorum,  
sicut opes, quas quis paravit laboribus  
suis, vocantur sanguis ejus ) dispertiret  
eum minimis Domini. Episcopus factus  
majorem se obligationem subveniendi  
necessitatem patientibus suscepisse ra-  
tus, totum se eorum bono, profusus in  
sinum eorum, quæ sibi obveniebant, im-  
pendit. Ob quod cum fortè eum mo-  
nendum, qui ei à Confessionibus erat  
judicaret; eò quod vereretur speciem  
prodigalitatis, aut formidaret inopiam  
post tantam profusionem, his ei respon-  
dit Episcopus: Sperabam à Vrà Rnā  
stimulandum me ad hanc virtutem, &  
ecce me vult impedire. Mi Pater, Deus  
non mentitur; ipse dixit: date & dabi-  
tur. Non velit me esse de eorum nu-  
mero, de quibus quidam S. Pater dicit  
( Hiero: ep. ad Eustoch. de custod. Vir-  
ginib. ) quòd multi non possint dicere



cum S. Petro: *Argentum & aurum non habeo, sed potius contrarium loquuntur opere, licet sermone taceant. Fidem & misericordiam non habeo, quod autem habeo, argentum & aurum, hoc tibi non do.* Quocumq; se vertebat Episcopus, nobilis minimorum Christi comitatus anteambulo ibat, ac pedissequus; templa ad quæ eum divertere, viæ quas legere, ædes quibus hospitari solebat, toto pauperum obsidebantur exercitu, suum sibi dimensum à Patre, suum stipendium à Duce ex postulate. Ecclesia certe Cathedralis Fraueburgi, ad quã ut plurimum residere solebat tam copiosa egentium turba cingebatur: ut difficilis in eam transitus pateret, succenserentq; nonnulli Eleemosynario; quod suis tam molestam turbam largitionibus eo loci attraxerit. Ero-  
gabat porro ille longo ordine dispositis, nemine præterito, suismet manibus tam largiter, ut universi stuperent; unde ei tanta vel in solos mendicos profundenda suppeterent? Ego sanè qui hæc scribo, dum hac super re agerem cum

intimo ejus. Perillustri D. Stanislas Buzenski, Canonico ac Decano Varmieni, & ipso in pauperes non illiberali, hæc relatu ejus accepi. Se capere nunquam potuisse, unde viro obvenerint, quæ in dies in solos mendicos profunde-  
 bat; notitiam se habuisse ac habere perceptorum ejus, testem esse expensarum, judicareq; plura dedisse solis mendicabilis, quam perceperit. Et verò hanc rem mirabantur non raro ipsimet domestici, conscij eum heri ad extremum nummum effudisse omnia; hodie autem rursus videntes plena manu largientem; cum tamen certi essent, nullam ei interim alicunde pœuniam allatam fuisse. Fuit, cum erogatis omnibus, in mendicabulum morbis ac fame propè eneetum incideret; cujus misericordiâ motus, cum quod daret, non haberet, suspirans in cælum, ad penum pauperum, vacuam suam appellavit crumenam; in qua præter opinionem, nummo reperto aureo, pauperem muneratur hoc unum inquit:  
*Hec tibi tuus Angelus Castos donat, ora e-*

*um etiam pro me.* Alias cum eandem  
 recreandis inopum miseris ad pauculos  
 nummos redeisset, novaq; egenorum  
 turba incumberet; hos quoq; in illos  
 dividi jussit; cumq; hac super re que-  
 raturus aula, sibi à Domino etiam  
 cum frugali cænula non provium iri  
 admonitos diffidentiae, fidere jubet Deo,  
 qui se nunquam dereliquerit, nec su-  
 os panem mendicare permiserit. Re-  
 spondit statim non fundatae in pecu-  
 nia spei Deus. Vix enim gressus aliquot  
 promoverat, cum nunquam speratus  
 adest è bonis Oeconomus, annuis colle-  
 ctum è redditibus censum septem mil-  
 lium circiter florenorum Dominos an-  
 te pedes effundens, obstupefcente su-  
 per eventum aula, Domino cum The-  
 ologo suo magnificentibus Dei Provi-  
 dentiam. Curia ejus Episcopalis jure  
 pauperum diversorium erat; in hac  
 supplices eorum libellos gratiosè acci-  
 piebat, causas audiebat, necessitatibus  
 paternè providebat; in hac mensam  
 illis ponebat, in qua aut una cum illis  
 accumberet, aut accumbentibus mini-  
 ster

ster fieret. Et quamvis non raro, ut hoc hominum genus parum decori amans est, aliqua contingebant, quæ politum ac honestatis omnis amantem animum lædere possent; nunquam tamen indignationem ullam verbo aut nutu prætulit, benè sciens, quòd charitas sit, quæ omnia sustinet. Id hic non est omittendum: quòd cùm fames è partibus Litvaniæ vagum per orbem egisset agrestem populum, ut lacranti stomacho alicubi terrarum remedium inveniret; Præsul noster publicam in area palatij sui mensam instruxerit, in qua ingenti multitudini per longum tempus alimenta præbuit, quoad adulta ætas messem ijs in Insulis Prussiæ, ad quas quot annis eorum multitudo confluit, aperuit. Quo quidem opere Charitatis & mala impedivit, quæ impudentia famis imperare solet (lupus enim esuriens, ut fertur in proverbio, non curat æquitatem, rationes ac excusationes agni: nec asinus famelicus fustem) & populum, ne ad partes hæreticas, in quibus pro pane fidem venderet,

deret, dilaberetur, cōtinuit, duplici apud  
Deū merito misericordiæ: corporalis qui-  
dem per exhibitionem necessarij alimentij:  
Spiritualis autem per impeditionem e-  
orum, per quæ anima fide destituen-  
da in æternum famere debuisset. Cæ-  
terum quod in curiam ejus tam faci-  
lem aditum habuerint mendici, nemo  
miretur. Scivit enim plenus misericor-  
diæ Præful, quod habet S. Greg. ep. 21  
lib. II. *Pondera hæc, ait, o Pastor, quæ non  
largiaris tua, sed aliena. Quid ergo mi-  
rum, quod tota die lustrent domum Epi-  
scopi pauperes, cum sit ea domus dispen-  
satoris rerum ipsorum? possent enim voci-  
ferari ad valvas, imò usq; ad secretum  
cubiculum dicentes: Da nobis nostra, alio-  
quin contra te vociferabimur ad Dominū  
rerum tuæ dispensationi commissarum, di-  
centes: Domine nō vult nobis dare, quæ  
illi, ut nobis daret, dedisti.* Hæc S. Gre-  
gorius. Et hæc de ijs, quæ domi resi-  
dens, benè circa pauperes Christi ope-  
rabatur. Jam verò cum aliquò esset iter  
adornaturus, ante omnia prospiciebat;  
ne quod obvijs erogaretur, deesset;  
ac



ac primò quidem trifariam divisit distribuenda, relicto penes se uno: penes eum qui sibi à confessionibus erat altero; tertio penes Oeconomum marsupio, ut ita trium una elargitione veneraretur Trinitatem in Unitate. Tum currus vestibus, tela, & id genus tegendo homini necessaria supellestili onerabat, non levandos, nisi pauper cui crederetur onus, occurreret: qui quidem si per viam occurreret, prior inopem salutabat Episcopus, ac si quare indigeret, sollicitè seiscitabatur, req; intellecta, summa cum charitate illi subveniebat, eorum etiam erogatione, quæ proprii status decori essent necessaria. Usuevit aliquoties, ut cum quod largiretur, deesset; Episcopalem de collo crucem auream mendicò traderet, redimendam à se, si hic commodè ad se eam deferre posset; vel venum exponendam alteri, si id fieri nequiret. Non omitam hic, quæ oculatus testis Clarissimus ac R. D. Laurentius Lemki, Secretarius Ven: Capituli Varmien-sis de eo annotatum reliquit. Iter cum

eo adhuc puero instituerat Episcopo no-  
 ster Varfaviam versùs, rigente bruma, ac  
 concretis glacie fluminibus; cum men-  
 dicabulum quodpiam nudipes ac frigo-  
 re tremulum pro impetranda stipe ad-  
 repit. Respicere hinc Episcopus Thesau-  
 rarium; sed hic cum reliqua aula ali-  
 quantum præcesserat, nemine ad latus  
 præter prædictum puerum relicto. Quà-  
 re nescius, quid opis inopi impertiret,  
 dum circum se lustrat, quæ erogaret,  
 calceos mendicabulo deesse advertit.  
 Calceis ergo seipsum exuit Episcopus,  
 hominemq; induit plenus pietatis affe-  
 ctu: stupente, ubi acri hac tempestate  
 pedes nudum Christi causâ, Dominum  
 suum vidit, aulâ non nudam in eo su-  
 spiciens charitatem, qui ita intelligeret  
 super egenum & pauperem; ut se ne-  
 cessariis ad amictum, ad operiendum in  
 minimo Christi DEum spoliârit. Cre-  
 do ego speciosos pedes, sic propter  
 Dominum excalceati, fuisse in oculis  
 Angelorum, præparataq; à DEo tam  
 benefici Præsulis nuditati, si nudus est,  
 quem vestit charitas, indumenta glo-  
 riæ.

riæ. Liberali hoc agendi modo tantum apud inopem obtinuerat amoris, ut pæne ad confidentiam cum eo devenisse judicaretur. Unde si vel ipsi inopes consilio aut auxilio opus haberent, vel alium aliquem opis indigum putarent, intrepidè accedebant, postulantes absq; verborum ambagibus ea, quæ è re sua esse opinarentur. Patuit hic affectus vel maximè tunc, cum facto vale dignitati Ecclesiasticæ, Religioni Societatis se se addixisset. Tunc enim totâ effusi provinciâ pauperes, suum sibi ereptum Patrem querebantur; non habituros unquam tam pium suæ necessitatis Patronû, tam beneficium præfulem. Perijisse se, hoc sublato; invidos Jelvitas, qui sibi eum eripuissent: una omnium lamentatio, una de Episcopo surrepto, vox querula fuit.

## CAPUT XXI.

### *Munificentia erga mendicare erubescences.*

**P**ARUM se beneficium credere poterat Episcopus noster si ijs solum qui in quo-

quovis trivio obviant, dexteram porrexisset. *Bl*s æger est, cujus ulcera pudor celat; bis & misericors est, qui opem fert ei cujus indigentiam verecundia tegit. Da mihi aliquem, qui à latronibus expoliatus, in via Iordanem versùs relinquatur: si transiens Sacerdos & Levita sint immisericordes, Samaritanum expectare potest, quì vino & oleo misericordiæ infuso curam ejus habeat. Da alterum, qui sub splendida veste, fame perit in Jerusalem; hujus plaga insanabilis est. Hominem facile habere potest, qui cuiquè obvio Miserere canit; quem ad incitas redegit fortuna & domui suæ affixit ad aquas tribulationis pudor mendicandi, velut paralyticum lecto ad piscinam Probaticam; Angelum expectet, necesse est, à quo auxilium habeat. Et præsto fuit non uni tali Angelus auxiliaris Episcopus noster. Ut primum enim suspicabatur alicubi jacere talem indigum, motus misericordiæ, ipse aquas subibat Probaticæ, injectâq; aureâ massâ sanitatē reddebat minimè speratam. Promptior

ad largiendum quàm essent miseri ad petendum. Ocultos ejusmodi necessarios sollicitè inquirebat, vel maxime oppe Sacerdotum Religiosorum; quibus impensè commendaverat, ut si quos comperissent, quibus curta res domi esset, & opis suæ indiga, se aut ipsi admonerent aut domesticos hosce Codros ad se ablegarent. Quæ res mirum, quot è cœno vitiorum desperata extraxerit prostibula, quòt ne virtus inquinaretur pericula impediverit, quot pro dato suis angustijs auxiliatore æmulo Nicolai Myrrhensis, Episcopo Deum benedixerint præservatæ ab impuritate Virgines; quot deniq;, quæ malus sator fames feminare consuevit in herba, extincta sint mala. Supersunt hodieq;, pluribustalibus jam viam universæ carnis ingressis sacræ diversis in cænobijs DEO sacræ Virgines quibus ut vitam Domino consecrarent, ejusmodi charitate de dote provisum est, supersunt in statu conjugali, quibus dum defectus dotalium honestas vetuisset nuptias, beneficentiâ Præsulis subventum est.



est: supersunt ipsa adeò de plebe opifices, quibus, ut honestæ alicui tribui nomina dare possent, bonitate stetis Ujaysci-j. Nolo hic privatos rimari Lanes, ut in ijs impressas hujusmodi beneficentiæ notas legam. Unum tantum alterumve hujus beneficentiæ specimen, quia grata eorundem, quibus præstita sunt beneficia, narratione, decantata sunt, insinuo. Primum est, quod Viduæ cuidam Gedani mercatrici præstitit. Hæc merciam naufragio ad incitatas redacta, dum fortunam suam, heri plane pingvem, hodie convulsam, in crastinum autem extremam penuriam respectaret, planè impos sui facta erat: accedebat ad cumulum miseriarum, quod perpetuam suo homini ab hac ruina infamiam, ac Catholicæ integritatē, ab hæresi, hoc in orbe inquilina, fannas prævideret. Quæ quidem rationes tantum ponderis apud impotem consilij habuerunt, ut nihil aliud reliquum judicârit, præterquàm quod furens desperatis in rebus animus reliquisset. Invenit nihilominus & huic

malo remedium bonitas Episcopi nostri. Vix quippe miser viduæ casus ad aures ejus allatus erat, cùm primus ejus rumor adeò misericordiæ commovit viscera, ut de spongia pro abstergendis afflictæ lacrymis cogitârit, moxq; duo millia Imperialium levandæ afflictioni illius numerari fecerit; pretium non vile, si necessitatem accipientis & dantis charitatem attendas. Alterum est, quod equiti Polono, Valentino Chodzinski, præstitit. Hic pro sublevandis bonis suis aliquot millia florenorum mutuò ab eo acceperat: dum autem termino juxta juridicas tabulas tacto, nomen exolveret; advertit creditor nantes in lacrymis debitoris oculos, compertâq; viri extremâ inopiâ: *Non est, ait, quod de reddendo debito sollicitaris; tene quod habes; video enim te magis indigum, quàm sim ipse; simulq; ei testem obligationis syngrapham unâ cum omni, quam attulerat, pecunia reddit, malens fœnerari Domino in misericordia pauperis, quàm, quod suum erat, tollere. Referenda hic forent*

non

non pauca de industriis ejus, quibus tam res privatorum, quam publicas, de quibus jam conclamatum erat, ex arcto eduxit: sed quia quotidiana sunt, morandum in ijs non videtur. Singulari ejus industriæ adscripsit Episcopus Wydzga evacuationem præsidij Electoralis ex urbe Brunsbergensi jam jam procumbente; utpote quæ datis in singulos menses tribus millibus florenorum, longè grandiorum summam habebat pendendam sub militari executione. Recurrit mœstissima civitas ad notum solationum fontem. Nec spe sua fraudata est. Optimus enim Præsul ita rem apud Serenissimum Joannem Casimirum Regem egit; ut is efficaciter apud Electorem institerit de evacuanda civitate præsidio suo. Sic Brunsbergensibus sua redijt libertas, Ujeysciano Nomini æternum obligatis.

## CAPUT XXII.

### *Liberalitas in Juventutem studiosam.*

**P**roba juventutis educatio non abs  
H-4 re

re misericordiâ dici potest. Si enim miseretur, qui corpus, quod habet homo commune cum bestiis, pascit, quanto magis, qui alit animum, quem habet homo sibi proprium? Non est inferior, quàm is, qui cum hominis vivat vitam, nihil habet humanitatis: non est magis misericors, quàm qui hominẽ degeneraturum in bestiam reddit homini. Sanè si hic liberalior dicendus est, qui dat pretiosiora; qui homini dat id, quod omni pretio superius est, sit liberalissimus. Novit hoc Episcopus noster, ideoq; teneram ætatem, quæ velut cera mollis facillè in se figuras recipit omnes, bonis artibus formari curabat in hominem, contulitq; liberaliter ea, quæ necessaria sunt ad discendam humanitatem hominis. Per diversa Poloniæ Gymnasia plures alebat parvulos lacte literario, qui olim in Patriæ heroes ac viros virtutis adoluerent. Plena talibus Brunsberga, Varsovia, Sendomiria, Cracovia, Pultovia, Posnania, Resseium, qui de Ujeyscianis impendijs cum pietate sapientiam, velut lac de

de ubere piæ Matris, suxerunt: plenæ  
urbes aliæ, in quibus ejusmodi parvu-  
lis cum mansuetiori literatura instilla-  
batur virtus gratum datura odorem  
Patriæ, quem recens testa bibisset. Sed  
nec patriæ tantum herbas, verum &  
Ecclesiæ ac fidei defendendæ viros i-  
doneos hoc lacte aluit; quibus, quia  
collactaneus fuit, timor & amor Do-  
mini in annis teneris; positi in Ecclesi-  
asticis dignitatibus viri demonstrarunt,  
quantum ab hoc fonte pueri olim hau-  
serint boni. Singulariter tamen fontem  
hunc aperuit ihs, qui de hæretica Ma-  
tre, quasi ab utero infelici projecti  
essent. Horum enim longè plurimos  
à matribus avulsos, proprijs impen-  
dijs alendos, suscepit felici conatu; quia  
cum sana doctrina saniolem eis men-  
tem infudit, fecitq; ex ijs filios Abra-  
hæ, quos si lupa hæresis lactasset, fa-  
cti fuissent filij perditionis. Bene mul-  
tam partem è sola suæ domûs consan-  
guinitate hoc illicio instructionis in li-  
teris, à matribus acatholicis abstraxit;  
quos ita literis excoli fecit: ut fidem



unâ discerent, tunc verè ejus consanguinei, cùm Ecclesiæ incorporati unâ cum illo. participarent de eodem Sanguine Domini. Verùm non sedit inter cognatas solum domos benevolentia Præsulis; pluribus longè, quos tenuis res domi alienâ quadrâ cogebat vivere, ac mendicato præ foribus civium panis dimenso Mulas suas alere, largè providebat, amanter suscipiebat, ac ad accipienda, quæ opus haberent, invitabat. Et quidem hanc erga juventutem scholasticam misericordiam, Ujeyscium quasi per traducem à prædecessoribus suis accepisse diceres; si ea, quæ Frauenburgi in Varmia egit, attenderis. Recens quippe, dum ibidem Præposituram Cathedralen occupavit, erat memoria Alberti Rudnicki, profusæ, ut supra diximus, liberalitatis Viro in juventutem literariam: calentia erant Mathiæ Montani Canonici liberalissimæ charitatis vestigia, qui præter plures in pauperes scholasticos, largitiones, suomet ære insignes è solido muro scholas Brunsbergæ erexerat.

Joan-

Joannis item Rudski, Valentini Kobierzycki, & aliorum, qui intelligentes super egenum & pauperem, pauperum scholarium necessitatibus largiter providerunt, beneficentia vigeat in benedictione. Fuit nihilominus aliquid præ cæteris magis eximium in pietate Ujeysciana; siquidem ea, quæ dabat, dulci quadam benevolentia condiebat, tantòq; pueris illis gratiora faciebat, quantò plus de suavitatè affectûs addebat. Aurum tuum nolo, dicebat quidam, sed animum: hic mihi omni auro pretiosior est. Per scholasticas ferias hebdomadatim ad eum tenuior confluebat pubes, petitura, quæ in scholasticam œconomiam, ac annonæ subsidium habebat necessaria: quam ille tam dulci suscipiebat affectu; ut Patrem in eo se habere jactarent universi. Vocabat singulos nominatim, excipiebatq; calamo indigentias singulorum: tum bono iussos esse animo in subjectum remittebat cubiculum, positâ in eum finem mensâ reficiendos; à qua ubi surrexissent, quisq; præparatum

tum, quod petierat, necessitati suæ sub-  
sidium, tollebat. Fuit aliquando, ut  
calidior febris decumbente Episcopo,  
juvenes illi pro more suo, denso agmi-  
ne præ foribus curiæ Episcopalis, ex-  
pectationi, ut agebant, paternæ salu-  
tationis vacarent, nec ullus esset, qui  
eos respectaret, promicondo pericu-  
lum vitæ Domini prætendente, ac o-  
culis egenorum se se subducente. So-  
lus inter febrile incendium Episcopus  
memor egestatis, accitum ad se aulæ  
Mareschalchum, an scholastica juven-  
tus more solito exciperetur, rogat.  
Cumq; is adesse quidem juventutem  
responderet, sibi tamen habendam po-  
tius esse sollicitudinem de valetudine  
Domini, quam de indigentis puerorū,  
quibus in aliud tempus subveniri pos-  
set. Contracta igitur fronte hominē  
acrius coarguit, mandans; ageret ad  
amissim imperata, suam ægritudinem  
vel minimum non incommodare ope-  
ribus charitatis; statutum sibi esse, quo-  
ad viveret, hoc opus misericordiæ nun-  
quam intermittere. Superfunt hodieq;  
multi

multi in diverso statu ac ordine, benedicentes Dominum: quod tam pium sibi in juventute Patrem providerit; hujus se charitate vestitos, donatos, ac in scholasticis necessitatibus sublevatos fuisse. Quod si factum non fuisset, degeneraturas fuisse plantas suas, seq; nullius frugi futuros fuisse, utpote quibus deficiente cultura literaria, necessario sylvescendum fuisset. Ujeyscio se debere primam in studiis instructionem, cum instructione doctam mentē, cum docta mente, si quæ sibi insit virtus; deniq; statum ipsum, in quo DEUS lineam prædestinationis suæ fixit. Et certè Ujeyscio nostro in compluribus provinciis debent Ordines Religiosi non pauci; quod doctis juxta ac probis eius alumnis repleti sint; debet status Ecclesiasticus, quod viris ad gloriam Dei promovendam aptis provissus sit: debet status sæcularis, quod homines sago togaq; insignes acceperit. Non adduco hic ephebea, seu semina-ria, quæ priusquam Societatem ingrederetur, ut haberet, de quibus etiam mun-

mundo mortuus, bene mereretur, instituit, cum de his jam supra egerim. Id unum innuo, quod totius Poloniæ, juvenus nobilissima illi non modicum debeat; siquidem author fuit: ut Varsoviæ, ubi flos Poloniæ nobilitatis adolefcit, pro ea instituenda aperirentur Scholæ à Patribus Societatis; in quem etiam finem ædes in palæstram literariam convertendas cõdemit, tantò ampliore beneficio, quantò plus fructus in ijs legitur.

## CAPUT XXIII.

*Attinguntur aliqua de vita P. Andree Domajewicz, olim Alumni Ven: Episcopi nostri.*

**I**Nter cæteros, quos liberalitas Episcopi nostri in studio literario gloriæ divinæ educavit, erat P. Andreas Domajewicz; is ipse, quem postea relicto Episcopatu, per tempus tyrocinij sui Ministrum domus Probationis habuit Ujeyscius; quiq; sicut viventis observator sedulus, sic à morte apud e-

um;



um, qui iustitias iudicat, pro Mæcenate suo exorator fuit sollicitus. Nam, quoad vixit, annuatim non suis tantum, sed aliorum etiam multiplicatis precibus ac sacrificijs, tum alias, tum præcipuè per Octavas S. Thomæ Apost: pro eo libabat Sacrificium propitiatorium Domino. Tradiderat P. Andreæ Episcopus noster, sub tempus inundationis Sveciæ in Poloniam, instituendum bonis artibus ad Seminarium Olomucense in Silesia; quibus, dum non modica sui commendatione operam navat: placuit divinæ Majestati eum à tumultibus sæculi vocare ad vitam in Jesu Societate operosè quietam. Colludebat die quopiam antecineralis tridui intra debitos modestiæ limites suis convictoribus Andreas (quadragenarium excefferant numerum, omnes nobilitate, ingenio, cæterisque dotibus florentissimi) colludebat, inquam, in præsentia Regentis sui P. Sierakowski, viri multæ sanctitatis; cum subito divinum aliquid passus Pater, uberrimis exundare lacrymis, ac tantis abripi singultibus;

ut

ut fas ei non fuerit, quantumvis maximè vellet, dolorosissimi componere motus animi. Mutavit tam insolens scena mœrentis Patris sui hilaria juvenum, præsertim ubi causam lachrymarum fletu dignissimam intellexerunt; scilicet è tanto numero non nisi septemdecim vitam in æternitate victuros beatam. Præcæteris Andreas, quasi fulminè ictus totus tam amaris diffuebat lachrymis: ut necesse fuerit Patri consolatoris suscipere munus, qui paulo ante contristator fuerat; opusq; fuerit, monere juvenem parceret fletibus, potiusq; Deo ageret gratias, quòd ipse unus è salvandis septemdecim foret. Sedit nihilominus ea restam altè animo juvenis; ut exnunc mundo vale factò Societatem Iesu, in qua certam sibi salutis artham promittebat se ingressurum voverit. Et ingressus statim, fuisset in partibus Bohemiæ ( nam & ob egregias dotes, post varia pericula, à Provinciali terræ jam relatus fuerat in numerum admittendorum ) nisi divina bonitas labrius patriæ hominem servare,

ac immori decrevisset. Reversus in Patriam, atq; in Societatem perlibenter receptus à Præposito Provinciali Litvanix, omne in eo studium posuit: ut omnes probi religiosi partes impleret; humilia libenter amplecti, iudicium & voluntatem suam frangere, aptareq; iudicio & voluntati Superioris, leges ad amissum observare, in ijsq; se se exercere, quæ veteranam virtutem maxime decerent. Missus fuerat Pultoviã (ubi tyrocinium Moscho adhuc Vilnã tenente continuabat) cum Connovitio quodam peregrinatum, quem irritatum per labores viæ, ac ex incurabili & inveterato ulcere recrudescens vulnus tam dirè affligere cæpit, ut citra spẽ prosequendi itineris medio in campo eundem prostraverit. Sublatus in curum coloni cuiuspiam æger, mirum in modum torquebatur; cùmq; incumbente jam nocte nullum mali remedium occurreret, metueretq; inde surrecturum omni vulnere malum crudelius, sui scilicet è tyrocinio manumissionem, quòd in examine plagam occultasset,

I. . . . . ac

ac ob eam causam inconsolabiliter lugeret: Andreas compassionis ac fiduciae plenus, juvenem inducit ad speranda divinitus auxilia; esse non ita procul Iconem miraculis claram B. Stanislai Kostka, Novitij pariter Societatis, terrae hujus olim incolae, nunc Patroni, quae in Sacello Kaczyciensis Collegij Pultoviensis pia fidelium veneratione colitur. Huic, ut se, emisso voto, commendet, suadere, relatūrum & ipsum opem, quam plurimi ab ejus patrocinio reportarunt. Nec mora, concipitur plenum fiduciae caelestis votum, & B. Stanislaus in patrocinia difficilis casus vocatur. Interim Andreas chartaceam Beati iconem, quam secum venerationis ergo deferēbat, in defectu omnis alterius cataplasmatitis, afflicti Socij vulnere alligat. Et fuit haec ob conjunctionem insignis in caelites fiduciae, cūtae efficaciae; ut intra unius noctis spatium inveteratum malum, relictā in tam rari beneficij memoriam citatrice, perfecte sanatum fuerit. Progressu dein aetatis in solida proficiens

ciens virtute Andreas, magis ac magis absolutum religiosæ perfectionis gradum judicabatur conscendisse; ad quem quidem continua circa se & actus suos vigilantia illum promovit. Nam in horas prope singulas semet ad trutinam revocabat, ac qua parte melior factus fuisset, dispiciebat. Custodes innocentiae suæ continuam voluit esse mortificationem & humilitatem; illā quidem se sibi, hac autem se alijs, etiam infimis, subjiciendo. Orationi ita addictus erat, ut vita ejus religiosa jugis oratio videretur. Erga, pauperes tam ampla ferebatur charitate, ut nullā sibi elabi occasionē aut diē pateretur, qua stipe aliqua illis nō subveniret. Et quidem cū privatam viveret vitam, ac alieno penderet ab arbitrio, varias excogitabat industrias, quibus egentium bono prōdesse posset. Pro ijs jam per urbem mendicabulum factus; jam apud Superiores hanc ejus virtutem ac pietatem æstimantes, intercessor; jam alijs modis eorum succurrens necessitatibus. Rector autem Collegiis



impositus, charitatis amplissimæ in pauperes, vivum exemplar fuit. Tunc quippe primitias de omnibus per manus egenorum DEo litabat; & quæcunq; sive ex prædiis, sive ex piorum beneficentia domui obveniebant, omnium participes faciebat pauperes Christi; memoriâ tenens; eum foenerari Domino, qui miseretur pauperis: qualiter defacto non fuerunt steriles ejus eleemosynæ. Nam sicut propter Joseph quondam DEus benedixit domui Pharaonis; ita non absq; prodigio rerum omnium augmentum dedit domicilij bonitas Divina, in quibus degebat, vel præerat, miserator pauperum, Andreas. Luculentum hujus rei testimonium dat Collegium Lomzense, quod ille magna cum laude prope novennio gubernavit; exigua ea in domo res erat, priusquam regendam susceperet, in tantum; ut Superiores sæpè de Collegij illius suspensione deliberârint. Subinde quippe domus ejus moderatores in eas redigebantur angustias, ut in præsentis necessitates ab extraneis paucis

pauculos asses mutuos accipere cogerentur: talique frequentatione mutui non modica debita contraxerint. Ubi tamen P. Andreas regendam suscepit domum hanc, ac statis primò, tum singulis hebdomadæ diebus certam nosodochio eleemosynam transmittere cæpisset, mandatumq; Janitori impotuisset; ut nullum è mendicis vacuum à foribus dimitteret: benedictio DEi adeò copiosa descendit super domum; ut fateri debuerit Rector: nunquam sibi quidquam defuisse: imò ad prosequendam templi fabricam, quæ per sexaginta propè annorum spatium ob domesticam egestatem solis in fundamentis deserta, ac cæli injuriis exposita jacuerat: manum insuper applicuerit, ac in non contemnendam altitudinem usquequaq; provexerit. Obiit vir, omnium opinione Sanctus, Nevvisij in domo tertiæ Probationis, cui tunc cum potestate Rectoris præerat, anno reparatæ salutis 1694 die 14. Septembris; cum annos vitæ numeraret sexaginta, religionis sex supra triginta,

ab emissâ quatuor votorû Professione,  
decimo octavo, cû ingenti ipsorû etiam  
heterodoxorum luctu, dicentium in eo  
virum sanctum orbi ereptum; ac præ-  
cipuè domesticorum, qui sibi patrem;  
ac pauperum, qui sibi tam beneficium  
patronum ereptum doluere. Circum-  
feruntur aliqua de illo habentia speci-  
em prodigij, quæ, non est hujus loci,  
referre.

## CAPUT XXIV.

*Penetrare ad Cathedram suam  
laborat Ven: Episcopus.*

**M**ulta sunt nec levia, quæ pro bo-  
no fidei egit Episcopus noster: sed  
omnia ejus judicio talia fuerunt, qua-  
lia illius, qui ( ut dicitur Lege, Præses  
Cod. de servit. & aqua ) agris suis siti-  
entibus, alienos irrigat. Oves ille suas  
sub pertinaci rebellione pereuntes re-  
spiciebat; pastorem se esse non merce-  
narium, patrem non extraneum, spon-  
sum non peregrinum considerabat.  
Quætiebat cor ejus, animarum bono  
natum

natum, illud Tridentini sess. 23. de re-  
form. cap. 1. quo dicitur: mandatum ef-  
se præcepto Divino omnibus, quibus  
animarum cura commissa est, oves su-  
as cognoscere: si cognoscere, & pasce-  
re; si pascere & præsentem esse. Gu-  
bernatorem se esse navis Christianæ  
intelligebat: ab ea proinde divelli non  
debere; hortulanum horti fidei, ideoq;  
obligari ad procurandam ejus cultu-  
ram; eustodem vineæ Magni illius Pa-  
tristfamilias, qui ab ea elongari non de-  
beat. Et hæc quidem promptitudo fu-  
it Pastoris ad pascendas per se ipsum  
oves suas; verum alius ovium affectus  
erga pastorem. Efferatæ in rabiem  
lupinam, nullum se cognoscere jacta-  
bant pastorem, præterquam quem sibi  
rescissum ab universali Pastore Schisma  
Græco-Russum offerebat, lupum non  
Pastorem. Longus sim; si ad calculum  
revoco, quæ passi sunt apud eos, qui  
quoquo modo respectare videbantur  
Catholicam fidem. Ne sexui quidem,  
nec infirmæ ætati venia data: crimen  
erat conjugem aut prolem fuisse ejus,

qui Romam sequeretur in fide; quodq;  
 horribilius est, una vox rebellium erat:  
 malle se Mahometem sequi, quàm cum  
 Orthodoxa Polonia Papam & Episco-  
 pum Romano-Catholicum: una omni-  
 um actio, funditus exscindere Roma-  
 nam fidem. Nec verò in vivos iolum  
 fœvitum est; mortuis etiam quies da-  
 ta non est. Nam, quod nec in sum-  
 ma auditum est barbarie, Illustrium  
 heroum, hoc solo, quod Catholici fu-  
 issent, effossi cineres, ac fursuribus in-  
 spersi porcis in pabulum projecti sunt.  
 Tentavit quidem Episcopus plura, ut  
 ad mentem redirent; sed apud rebel-  
 lem populum nihil effecit aliud; quàm  
 quod efficere solent apud desperatos  
 ac reprobos filios salutaria proborum  
 parentum tentamina. Submisit ijs vi-  
 ros verbo & pietate insignes, ex or-  
 dine Divi Basilij, animo reducendæ  
 terræ suæ ad unionem cum fide; sed  
 odiosum nomen Unionis, exesse non  
 minus hos, quàm quosvis alios, qui  
 de mutatione religionis quidpiam me-  
 ditarètur, iussit, idq; vi novellæ legis, quæ  
 sibi



sibi nova hæc rebellium Resp. omnino primam scripserat; ac si rursus ad conjunctionem cum Polonia deveniendum esset, illibatam semper ac sanctam esse voluit: quam etiam Resp. Polonæ commissarijs Alberto Miaszkovio Leopoliensi Succamerario, Gregorio Kisielio Novogrodensi Vexilifero, ac Jacobo Zilinio Braclaviensi Pocillatori à Rege & Rep. roborandam, si pacem vellent, anno 1694 obtulerant primam, his omnino verbis: Nomen, memoria, & vestigium Unionis, quâ latè patet Russia, non esto. Submisit & Patres Societatis JESU, in modum Missionariorum Spirituales operarios, præsertim Martinum Tyrawski, Martinum Radzicki, ac Stanislaum Jeleccium, aliosq; magni animi ac singularis zeli viros: sed hi omnes tam in rudi illo populo, quam in Gallis & Germanis militibus, Magno Moschoviæ Duci juratis, in præsidio Chijoviensi, fere tantum eousq; fructum faciebant; quoad prodi cæpissent. Tunc enim ad mille mortes quærebantur, necesseq; habuerunt, se tan-

tisper, dum furor deservesceret, sub-  
 ducere. Et quamvis Pater Jeleccius  
 Primoribus terræ, ob jura consangui-  
 nitatis pergratus fuerit; hostis tamen  
 erat, cum vel nudum Unionis verbum  
 proferret; sæpe ob hoc probe pulsatus,  
 sæpe in exilium actus, sæpe ad necem  
 quæsitus. Submisit rursus aliquot è Cle-  
 ro sæculari, videlicet Illustrem Domi-  
 num Georgium Stanislaum Wegierski,  
 Præpositum Chjoviensem, ac Admo-  
 dum R. D. Karowicz Parochum Pawo-  
 locensem: sed hi diutius inibi agere non  
 poterant, nisi quoad Exercitus Polo-  
 nus, cui se junxerant, in terris illis con-  
 sisteret. Submisit deniq; familiares al-  
 ios, quæ Spirituales, quæ seculares no-  
 biles; at eorum alij vulneribus affe-  
 cti, regredi coacti sunt: alij in miseran-  
 dam captivitatem divenditi, unas au-  
 tem crudeliter interemptus; prout de  
 his omnibus Episcopus noster sanctè  
 asseverat in data ad sedem Apostoli-  
 cam informatoria, de statu Episcopa-  
 tus sui, ad mandatum S. Congregati-  
 onis Concilij Tridentini transmissa. Re-  
 liquum

liqum nihil erat, nisi ut ipse princeps vineæ cultor se itineri in vineam suam accingeret; seu ut Episcopus ipse ad oves suas, si tamen suæ dici debent, quæ in lupos versæ sunt, accederet. Et avebat ille quidem toto se hanc spartam: sed insuperabiles difficultates, quin viam arriperet, obstabant. Provocabat ad similes pro gloria Dei ausus recenter fusus sanguis gloriosi Martyris B. Jozaphat Kuncewicz, Archiepiscopi Polocensis, in causa fidei ab eadem gente Schismatica cæsi: sed mixta rebus Religionis ratio statûs, continuaq; amicorum retrahentium ad occasione tali, quæ nihil emolumenti fidei esset allatura, sed rebelles fuso semel Episcopi sanguine magis irritatura, abstrahabat. Ardebat zelum fidei suæ, ac propagandæ gloriæ Divinæ demonstrare: sed unâ verebatur, fomitem addere incensis contra Patriam perduellibus, & esse causa retardans compositionem, quæ à rebellibus sperari poterat. Vicit tandem zelus fidei, & ardor multa pro DEo patienti.

di. Quare confestim parari jubet omnia, quæ in tam longam expeditionem necessaria essent, currus, equos, annonam, eroganda in pauperes &c. Motus fit domi ingens, accingentium se tanto, propè ad ducenta millaria Germanica, ac tam periculoso itinere, alijs quidem paratis cum Episcopo etiam in mortem ire, alijs autem, quibus tantum non erat animi, non audientibus tanti discriminis plenam tentare aleam. Advolant interea undiq; magnatum ab his ausibus dehortatoriæ; accurrunt è diversis partibus amici aliam instillaturi mentem; coacervantur rationes à cæptis advocatoriæ; nec tamen quidquam proficitur apud Episcopum, apud quem federat, si mille vitas haberet, mille pro gloria DEI profunderet. Theologus ejus & conscientiae arbiter (is erat P. Michæel Mazowecki è Societate JESU, Vir omni literatura, ac pietate instructissimus, Theologicà ac Juris laureà illustris, qui postea summum in Provincia Litvanæ Societatis imperium obtinuit, ac bis Româ

Romani à Provincia sua legatus abiit) suo ipsius motu, an suasu aliorum, urgentes è jure Canonico ac Theologia rationes concipit, quibus probat, his in circumstantijs nec umbram esse obligationis adfrendi Episcopatus, posseque Episcopum citra ullum piaculi metum à cæptis desistere. Verùm & ipse actum egit, reponente ad allegata Episcopo, expedire plura agere, quàm ad quæ obligamur; abjecti esse animi, ijs solùm intendere, quæ facere teneris; mereri DEum, ut illa etiam pro eo faciamus, ad quæ non obligat. Illuxerat interim propè jam dies destinata motui ad Cathedram suam; cùm ecce adferuntur literæ hinc à Metropolitana Unitorum Chijoviensi Cypriano Zochowski, quibus ei significat omnem ad rebelles perrumpendi præclusum aditum, neminemque sive ex Clero Romano-Catholico, sive Romanæ Ecclesiæ unito in ditiones rebellium, quibuscunque id tentet vijs, admitti amplius; inde à Nuncio per Poloniam Apostolico dehortatoriae, ac tantùm non inhibi-



inhibitoria, ne hoc iniquo rerum statu vitam obiciat amentium furoribus; sed eam bono patriæ ac Ecclesiæ ad ulteriora servet tempora. Quare parere coactus est tum necessitati, tum desiderijs Legati, dolens tamen inprimis; subtrahi sibi occasionem præsentissimam contestandi hac in parte zelum suum, & consecrandi sanguinem DEO & Ecclesiæ. Reor tamen, quod, qui bonæ voluntatis retributor est, & sæpè pro facto velle bonum præmiatur; & hanc in Episcopo nostro promptitudinem ratam habuerit, gratumq; è bona voluntate ejus sacrificium odoratus fuerit.

## CAPUT XXV.

*Suffraganeatum fundat, ac pro Unionem Græca fortiter agit.*

**I**mpeditus ab aditu Cathedræ suæ Episcopus noster, hoc turbido rerum articulo non statim curas posuit, sed respectans si fortè spes pacis affulgeret, agebat ea, quæ sibi adita possessione forent

forent adjumento. Ante omnia providendum sibi ratus de viro, qui cum labores Episcopales divideret. Romæ supplicat, adhibita etiam Joannis Casimiri Regis interpositione: ut sibi adlegere liceret Suffraganeum, hætenus quidem illic terrarum non visum, cui tamen ipse Fundator Episcopus non modicos assignaret redditus. Collaudavit Alexander VII piam mentem: & quamvis, ut ipse Pontifex in Brevis dato ad Episcopum nostrum (cui subscripsit. F. Florent.) testatur, non ita facilis sit sedes Apostolica ad recipiendas ejusmodi novellas foundationes, nisi sub certis ijsq; gravissimis conditionibus ac sponsonibus: se tamen absq; ulteriore dilatione & indagine admittere à tam pia manu profectam foundationem, hæc civilium bellorum tempestate, ea spe fretum, quòd si deforet aliquid ad honestatē Suffraganei sustentandam, Fundatoris benignitate supplendum fore: nec dubitare, quin spectata pietas & zelus ejus insignis, omnes ad DEI gloriam & afflictæ Ecclesiæ illius tam  
 spiri-

spirituales, quam temporales rationes  
 provirili collaturus sit accuratè studi-  
 oseque. Quare nihil moratus Pontifex,  
 sacra sub titulo Episcopi Fessensis, futu-  
 ro Suffraganeo, quem ad instantiam  
 dicti Ioannis Casimiri Regis, & Ioan-  
 nis Gembicki Episcopi Plocensis præ-  
 sentaverat Episcopus noster, contulit,  
 Stanislao Gianotti Præposito ad S Jo-  
 annem Gnēsensem, Regulari Canonico,  
 ad annum 1660. Verum quia & huic  
 omnis oclusa fuit accedendi via, Suf-  
 fraganeatus in primo hoc Episcopo cum  
 morte ejus extinctus est. Affulgebat e-  
 quidem aliquando tenuis spes secuturæ  
 reconciliationis perduellium cum Rege  
 Poloniarum, ideoque perfidia puncta pa-  
 eis proponebat; sed quæ ob præjudicia  
 Regni ac Ecclesiæ admitti non poterant.  
 Et rejecta quidem jam fuerat zelo E-  
 piscoporum Poloniæ, nunquam sat lau-  
 dando, incorporatio in Senatum Regi-  
 um Metropolitæ Chijoviensis Schisma-  
 tici, summè præjudiciosa bono fidei,  
 quam Princeps sponderat, & Sena-  
 tus sæcularis ratam voluerat: cùm alia

ex alijs Græca fide (vel ut dolo simu-  
latæ compositionis res firmarent suas,  
vel ut luderent nimium perfidiæ cre-  
dulos) conminiscuntur rebelles firman-  
dæ se inter ac Remp. paci; jamq; rem  
eò deduxerant: ut illustres quidam vi-  
ri Ordinis Senatorij, iidemq; Regiæ Ma-  
jestatis ac Reip. Commissarij, ad pacē  
inter Remp. ac militiam Zaporovianam,  
reliquamq; Russiæ gentem sancendam,  
& stabiliendam anno 1658 mense Se-  
ptembri condixerint in puncta quæ-  
dam Generali consensu Ordinum ac to-  
tius Reip. ratihabitione, lege, ac ju-  
ramento firmanda, prout re ipsa anno  
insequente majore ex parte acceptata  
& approbata fuerunt. Volebant perfidi,  
Sanctissimam Ritus Græci Episcopo-  
rum, ac populi, cum Rom: Ecclesia u-  
nionem aboleri, & quotquot essent ri-  
tus Græci Episcopi uniti, exautorari,  
officijs, honoribus, Ecclesijs, jurisdictio-  
ne, omni animarum cura, possessione  
bonorum, & usu omni privari, Clerum  
sæcularem ac Regularem proscribi, o-  
mnes publico devotionis exercitio in-

cerdici, novarumq; erectionum, fundationum dotationum provisionumq; decerni incapaces, relictis Orthodoxæ suæ ( sic vocabant Schisma suū ) ac liberæ ab omni novitate, & peregrinis ac humanis inventis Ecclesiæ juribus omnibus seditiosæ factionis ( sic unitos vocabant ) ac possessionibus eorundem. Et quidem hæc se jam tenere putabant eo tempore, quo Resp. bellis annorum undecim defessa oppressaq; à tot diversissimarum nationum exercitibus, Cosaticis, Tartaricis, Moschoviticeis, Sveticis, Brandenburgicis, Vngaricis, exhausta insuper civicis infestationibus, cujusvis rei dispendio, pacem mercatura credebatur. Catholicorum etiam animi metu rerum futurarum in desperationem acti in quævis præjudicia consensuri putabantur. Opposuerunt se equidem plures publicis in Comitibus Episcopi: sed quia id parum firmum credebatur; in partem eorum pertractus est Petrus Vidonus Episcopus Laudensis, post S. R. E. Cardinalis, tunc Nuncius cum facultate Legati à Latere



tere Apostolicus, ad Joannem Casimirus Poloniae Regem, amicissimus Episcopo nostro. Hic publico manifesto protestatus est Anno 1659, Alexandri VII. anno 5to, contra ea, quæ in Comitibus directè vel indirectè præjudicialia unioni prodierunt in tractatu de pace ineunda cum Cosacis. Post hunc Episcopus noster, adjunctis sibi alijs Præsulibus, simili manifesto contra omnia, quoquo modo in DEum, Ecclesiam Christi, populumq; fidelem iniqua & injuriosa protestabatur, arguebatq; nullum habere robur illud pactum, aut statutum insertum in regni Constitutiones anni dicti.

Non habuerunt igitur, DEo gratiosè disponente, & Sanctam ritus Græci cum Romano Unionem protegente, nec ullo modo habent, tam prægnantia & absurda pro parte Schismaticorum privilegia ullam efficaciam. Perfida enim gens, quantumvis tam pingvi illicio ad perduellionem ejurandæ provocata, in rebellionem tamè inforDESCERE maluit, quàm suo, etiam tanto bo-

no, pacem emere. Electo paulò post  
Michaële Rege, rursus ab Ordinibus  
Reip. inter deputatos congressui habendo  
pro controversijs cum Cosacis ver-  
tentibus componendis, ad assistendum  
nomine publico adlectus est Episcopus  
noster. Quod munus, quantumvis ste-  
rile, sicut revera fuit, fore prævidebat;  
magno animo suscepit, inoitatus etiam  
à Galeatio Archiepiscopo Corinthi Nun-  
cio in Polonia Apostolico, qui in datis ad  
eū die 20 Martij, anno 1670, indicat: hac  
eū pulcherrima occasione posse amplissi-  
mè mereri de Catholica Religione, & de  
Apostolice Sede; nec non à cælestis  
Largitoris manu suæ pietatis & pasto-  
ralis zeli cumulatius referre præmi-  
um; quàm si in claustrali cella religio-  
sam vitam in cinere & cilicio ageret;  
habiturumq; præter Universæ Ecclesiæ  
plausum & laudes, immarcescibilem æ-  
ternæ gloriæ coronam. Rogat dein-  
de eum obnixè in visceribus Jesu Chri-  
sti, quatenus omni posthabito huma-  
no respectu, velit huic congressui inter-  
esse, ibiq; indutus lorica fidei, & scuto  
vir-

virtutis assumpto, se pro domo Israël murum ponat, atq; ne ullum Sancta Religio nostra, & Græco-Romana Unio, damnum subeant, virili Christiani pectoris fortitudine adlaboret. Deniq; si ratione sumptuum & expensarum, quas in congressus loco subire opus esset, illuc se transferre; & tale munus à Rep. suscipere renueret; spondet se omnem summam, quam ipse ad hunc effectum necessariam esse existimaverit, ære proprio suppleturum. Nimis enim, ait, refert; ut inibi pro Ecclesiæ bono adsit, & labores atq; incommoda hujusce muneris Altissimo offerat. Et hæc sunt, quæ pro bono Sanctæ Unionis egit Episcopus noster. Cæterum priusquam caput hoc absolvam; juvat hic annectere ea, quæ pro defensione Sanctæ hujus Unionis contra Schisma Græco-Russum diligenter notavit Præsul noster: ut seræ posteritati cordi sit, quod tantis privilegijs firmarunt Majores.

*Brevis Informatio de privilegijs,  
que hominibus Ruthenæ Religionis, Ro-  
mana unitis, collata sunt à Regibus Po-  
loniæ, & Magnis Ducibus Litvania.*

**A** Nnno 1413. Cùm Nobilitas Litvana  
uniretur Regno, & ornaretur præ-  
rogativis ejus, in conventu Horodlecensi  
tempore Jagellonis, & Magni Ducis  
Alexandri Vitoldi; privilegia solùm fa-  
ciunt mentionem eorum, qui sub O-  
bedientia Romani Pontificis vivunt:  
ubi insuper additur; quòd si Litvanus  
Ruthenam ducere velit, uterq; prius  
juramentum deponere debeat, se ma-  
nere & vivere velle ad mortem in O-  
bedientia Romani Pontificis. Habetur  
hoc in statutis Regni, quibus hæ lite-  
ræ insertæ sunt.

Anno 1415. Cùm Photius Græcus, fa-  
ctus Metropolita Chijoviensis, Russiam  
ab unione cum Ecclesia Romano Ca-  
tholica scindere vellet, ac Schisma in-  
ducere; Alexander Vitoldus, Magnus  
Dux Litvaniæ, fecit congregari Syno-  
dum Cleri Rutheni Novogrodeci Lit-  
vanorū,

vanorum, in qua ob Schisma deposito Photio, substitutus est in Metropolitam totius Russiæ Gregorius Cimowlaka Bulgarus: hic à Vitoldo ad Pontificem expeditus est, & ad Concilium Constantiense literas dedit, quibus unionē Ecclesiarum Russiæ cum Romana Ecclesia firmare intendit.

Anno 1424. In privilegio dato civitati Vilnensi pro exceptione à certis tributis, expressa solum fit mentio ritus Romani, eò quod inter Ruthenos occulti irrepsissent Schismatici, sequentes Harasimum; qui se Vitepsci Metropolitam dixit, ac Schisma promovit.

Anno 1433. Boleslaus Swidrygaylo, Magnus Dux Litvaniæ, occupato Vitepsco cepit Harasimum, eumq; vivicomburio tanquam deceptorem & auctorem Schismatis sustulit; cujus memoria ad nostra usq; tempora perseverat in lapide, super quem crematus est.

Anno 1432. Sigismundus Kieystutowicz, M. D. L, confirmando privilegia data civitati Vilnensi anno 1429, & extendendo ea ultra Catholicos Romanæ



Religionis etiam ad Ruthenos, expresse ponit eos solum, qui sub obedientia Sedis Apostolicæ Romanæ viverent.

Anno 1432. Vladislaus Jagiello Rex Poloniæ recipiendo nobilitatem Ruthenam terræ Chelmenfis, Belzensis, Podoliæ ac Volhiniæ ad prærogativas nobilitatis Poloniæ, nullum facit discrimen inter Schisma & Unionem, neq; enim id tunc necesse fuit. Nam eo tempore & Metropolita Cimowlaka cum omni Ecclesia & Clero vixit in unione ac obedientia Romanæ Ecclesiæ, & Cæsar Orientis Joannes Paleologus, cum Patriarcha Constantinopolitano unice id procurabant, ut Ecclesia Orientalis rediret ad Unionem cum Ecclesia Romana. Quod autem per hæc non fauerit Scismati prædictus Rex, facile colliges ex eo, quod anno 1436 Patrem Fratrem Nicolaum de Lencia Ordinis Prædicatorum fecerit Generalem Inquisitorem in toto regno suo non tantum hæreseos, sed & Schismatis.

Anno 1443 Idem Rex ad instantiam Isidori Metropolitæ Chijoviensis, S. R. E.

Car-

Cardinalis, dat privilegia Clero Ruthe-  
no jam unito cum Ecclesia Romano-  
Catholica, studio Eugenij IV. Pont. in  
Conc. Florentino; in quibus privilegijs  
liberat eos ab oneribus, quæ subire de-  
bebant in Schismate.

Casimirus Jagiello Rex Poloniae, 8c  
M. D. L., non tantum favorem non  
præstitit Schismaticis, sed insuper ad in-  
stantiam Filij sui S. Casimiri legem tu-  
lit, ut novas Ecclesias òn ædificarent, nec  
antiquas restaurarent, circa annũ 1472,  
prout testatur P. Petrus Skarga S. JESU  
dicens hoc privilegium servari in ar-  
chivo Ecclesiæ S. Stanislai Vilnæ.

Joannes Albertus Rex Poloniae, pa-  
riter nullum favorem præstitit Schi-  
smati; imò post mortem Joannis Hle-  
zna anno 1492 pro Metropolia præ-  
sentavit Macarium Archimandritã Vil-  
nensem, tanquam eum, qui verus ac sin-  
cerus esset unitus, qui etiam solenni  
illi legationi ( quã nomine totius Do-  
minij Litvani & Cleri Religionis Ruthe-  
næ, functus fuerat anno 1476 Ivan A-  
lexandrowicz Soltan Thesaurarius Ma-

gni Ducatus Litvaniae, ad Sixtum Pontificem, recognoscendo in eo caput Ecclesiae, Christi Vicarium, ac D. Petri successorem) qui, inquam, solenni, illi legationi, ac confessioni fidei unà cum Metropolita Misaële & primoribus Litvaniae, id est cum Ioanne Chodkiewicz Mareschalco & supremo Duce M. D. L. Paulo Chodkiewicz Capitaneo Camenecensi, Alexandro Soltan Vice Thesaurario M. D. L. alijsq; subscripserat.

Alexander Magnus Dux Litvaniae nullum pariter exhibuit favorem Schismati, ideoq; nec in gratiam quidem Helenae uxoris suae unquam concedere voluit templum Schismaticum in arce Vilnensi, quinimo semper eam ad fidem Catholicam adducere studuit, licet ob hoc, bello impetitus fuerit à M. Duce Moschoviae Ivan Vasilewicz, Patre Helenae anno 1499. Factus deinde Rex Poloniae omnia Praedecessorum suorum privilegia collata Unitis confirmavit, ad instantiam Episcopi Chelmenfis anno 1504. Quia verò Helena pertinaciter Schismati adhærebat, nunquam Poloni eam  
coro-

coronari permiserunt.

Sigismundus I. Rex Poloniæ, M. D. L., aliqua jura à prædecessoribus suis lata, & leges contra Schismaticos, qui Obedientiam Sacræ Sedis Apostolicæ excusserant ad instantiam statuum Magni Ducatus Litvaniæ suo & Successorum nomine, juramento regio confirmavit in Comitibus Grodnensibus anno 1522 die 25. Martij. Rursus in Comitibus Vilnensibus anno 1529 firmando Unionem Magni Ducatus Litvaniæ cum regno Poloniæ, antiqua privilegia pro iis solum agnoscit, qui in Obedientia & Unione Rom. Ecclesiæ vivunt. Deinde anno 1543 privilegia data Unitis, seu viventibus sub Obedientia Sedis Apostolicæ, confirmat: per quod Schismaticos à favore Regio excludit.

Sigismundus Augustus, Henricus, & Stephanus Reges Poloniæ nihil unquam in favorem schismatis concesserunt.

Sigismundus III. Rex Poloniæ, M. D. L., post absolutam Synodum Brestæ anno 1594 2. Decembris ( in qua Metropolitæ Michaël Rahofa, cum Archiepiscopo.

piscopis, & Episcopis Sanctam Unionem cum Ecclesia Romana roborârunt, eiq; subscripserunt ) concessit anno 1595, ut duo Episcopi Ritûs Græci Romam proficiscerentur, videlicet Pociey Vlodomi-riensis, & Terlecki Luceoriensis. Idem Rex anno 1596 6. Octobris cōegit Synodum è Clero Rutheno Brestam Litvanorum, cui præsentés adfuerunt nomine Legatorum regionum, Leo Sapia Cancellarius Magni Ducatus Litvaniæ, & Demetrius Chalecki Thesaurarius, statutaq; ibidem autoritate sua stabilivit. Ad instantiam Pociey noviter creati Metropolitæ, privilegia concessa Clero Unito, maximè autem, quòd iudicijs terrestribus subiacere non debeant, confirmavit anno 1603. Decreta contra Unitos in tribunalibus Magni Ducatus Litvaniæ extorta à Schismaticis, cassavit, novamq; edidit constitutionem anno 1609 ut controversiæ Cleri Uniti in foro composito iudicentur, sicut iudicantur Cleri Ritus Romani. Hoc rursus non servit Schismaticis.

Ex quibus omnibus patet; quam falsum



sum sit illud, quod jaētatur: Unionem solum cōepisse ab anno 1596, privilegia autem ante eam concessā fuisse Religioni Ruthenæ, ac proinde non servire Unioni. Primò enim privilegia expressè sonant: concedi illa ijs, qui vivunt in obedientia Pontificis Romani, ut habes suprà. 2dò Unio Ecclesiæ Ruthenæ cum Romana multò fuit antiquior; ut sub Jagiellone, Vitoldo, Vladislao, Casimiro & alijs. Metropolitæ item erant Uniti Sacræ Romanæ Ecclesiæ, Gregorius Cimowlak ab anno 1415. Isidorus ab anno 1437. Gregorius à Pontifice impositus circa annum 1447, sub quo Moschovia se sejunxit à Metropoli Chijoviensi. Misaél ab anno 1476. Hleznà, postea verò Josephus Soltan circa annum 1497, quem Moschovitica acta propter unionem cum Ecclesia Catholica Latinum vocant.

Pacta deniq; & Conventiones cum Cosacis tempore Vladislai IV, & Joannis Casimiri tanquam violenter extortæ, nec unanimi assensu institutæ, imò protestationibus rejectæ, effectum nunquam

quam fortitæ sunt, ipsaq; rebellionē  
Cosatica iterata annullatæ & extinctæ  
sunt.

## CAPUT XXVI.

*Hereticorum extirpationi ac con-  
versioni studet.*

**Q**Uantum semper operæ posuerint  
Orthodoxi Præsules in pellendis è  
grege Dominico lupis: quantaq; ege-  
rint, ut è lupis oves fierent: superva-  
caneum est enarrare; cùm luce me-  
ridiana clarius sit, quomodo singulis  
sæculis novi Augustini contra novos  
Donatistas, novi Ambrosij, Gregorij a-  
lijq; contra alios similes tenebriones  
egregiè zelârint, qualiq; pietate redu-  
ces ad cor susceperint. Canes se esse  
debere arbitrabantur, cùm persequen-  
di erant hostes gregis Dominici; patres  
autem, cùm iidem ejurata perdendi  
voluntate saniozem mentem induissent.  
Æmulatus hos egregiè Episcopus noster,  
ita hæresi juratus erat inimicus, ut i-  
isdem amantissimus Pater fieret, cum  
posita

posita feritate ad ovile Christi reverterentur. Ac primò quidem zelo ejus non minùs, quàm aliorum Episcoporum Poloniæ, adscribi debet; quòd pestilentissima illa hæresis Ariana, quam Hosius Card. lib. de adoranda Trinitate, extremum impietatis gradum; in literis autem ad Nicolaum Radzivilium Ducem in Olyka; extremæ impietatis baratrum, alij hæresim Diabolicam, hæresium omnium sentinam, germanam Atheismi sororem, vocant; è regno Poloniæ in perpetuum decreto Comitiorum Generalium anni 1658, ac rursus anni 1659, itemq; anni 1661 & 1662 exclusa sit, concessa Capitaneis potestate, etiam sine delatione captivandi violantes has constitutiones; & prævia inquisitione plectendi tales pœnâ capitatis; imò etiam privato cuivis data potestate captivandi ejusmodi, ad sistendum eos tribunali, aut cuicunq; Curiaë terrestri; ut executio omnino fiat per Capitaneos sub pœna privationis Capitaneatus, inter causas mixti fori in tribunali ex speciali registro vindicanda.

Quæ

Quæ quidē constitutiones tantū Joanni  
 Calimiro nominis conciliârunt tum alibi  
 tum præcipuè apud Alexandrum VII.  
 ut pium hunc ejus zelum commendans,  
 titulo eum Regis Orthodoxi decorarit.  
 Benedictus DEus, scribit Episcopus no-  
 ster ad Canonicum Varmiensē Ludo-  
 vicum Fantoni, qui me in hæc tem-  
 pora servavit, quibus pernicioſa illa, ac  
 maxime blasphæma, & inimica Unige-  
 nito Filio Dei secta Arii, seu ut eam  
 vocant, Anabaptistica, perpetua lege  
 exclusa est è finibus Poloniæ. Quis mi-  
 hi det; ut similis sententia cadat super  
 alias Poloniæ hæreses? tunc lætus mo-  
 rerer, caneremq; dulciter illud Sancti  
 Senis, *Nunc dimittis Domine*. Liberta-  
 tem sentiendi in fide, quæ cuiq; pla-  
 cita sunt; ut pestem Reip. nimium quan-  
 tum oderat, negabatq; hanc dici debe-  
 re libertatem; sed potius improbam li-  
 centiam ac impietatem, qualis & in in-  
 ferno exulat; nam & dæmones non quæ  
 volunt, sed quæ debent, contremiscen-  
 tes credunt. Zelus hic clarissimè pa-  
 tuit; cū Magnatum quispiam prædi-  
 cantem

cantem Regiomontanum non obscuri  
 nominis, coram eo commendaret, quem  
 Authorem volebat syncretismi, adderet-  
 què: se optare, ut etiam per Poloniam re-  
 lineretur hæc libertas sentiendi in  
 rebus fidei, quod cuiq; videretur, ad pa-  
 cem servandam, nec se Status in ejus-  
 modi quæstiunculas immitterent; sed  
 relinquerentur Jesuitis, ne otio torpe-  
 scant disputandæ. Tunc enim solito fer-  
 ventius excaudit vir Dei in patronum  
 hunc Placentinorum; ac de impruden-  
 ti sermone hominem coarguit, dicens:  
 eum, tali loquendi modo sic sapere,  
 sicut saperet, qui diceret: disputent ar-  
 chitecti de fartis tectis, incendia in-  
 terim libere grassentur; solliciti sint sar-  
 tores de vestib; sarciendis, cæterum per-  
 mittantur impunè scindi à quovis. Non  
 legit Placentinus iste, quod verè, quan-  
 tumvis hæreticus, Beza dixerat in epist.  
 sua Theologica: Libertatem conscien-  
 tiæ permittere, sinere unumquemq; si  
 volet, perire; diabolicum dogma est. Et  
 hæc illa diabolica libertas est, quæ Po-  
 loniam & Transylvaniam hodie tot pe-  
 L stibus



stibus infecit, quas nullæ alioquin sub sole regiones tolerarent. Hæc Beza. Iam si in eam, quam in reducendis ad ovile Christi errantibus à fide, operâ posuit, oculos reflectas: non contemnendam videbis multitudinem ab errore reductorum. Ut enim taceam, quæ jam supra (ubi de beneficijs erga juventutem studiosam) attigi; plurimos è consanguinitate ejus, qui postea in toga & sago insignes evaserunt, quorumq; multi tam in sæculari quàm Spirituali statu superstites, Deo & Ecclesiæ deserviunt, Christo adjunctos: habebat cum Patribus Societatis conditum; ut si quos opis indigos, ad fidem propensos adverterent, ad se eos remitterent; prospecturum eorum indigentijs. Quæ quidem ratione mirum quantum luertus est animarum. Sustulit quippe longè molestissimum talibus obicem, quo uno deterrebantur à fide suscipienda; quod scilicet conversis egestas incubitura sit, ac qui egestatem consequitur, contemptus. Conversis igitur, alijs quidem a Regia Majestate impetravit pin-

gves

gves, etiam Capitaneatum, proven-  
tus, alijs in urbibus officia honorificā,  
perpetuos alijs redditus, aut victum:  
alijs alio modo subveniebat. Neq; so-  
lū necessitatibus eorum, dum vive-  
rent, sollicitè providebat; demortuorū  
etiam singularem habens curam labo-  
ravit: tum ut honestæ juxta cujusq;  
conditionem darentur sepulturæ; tum  
ut pro animabus eorum competentia  
fierent suffragia Ecclesiæ. Quin ipse ta-  
libus non rarò solemniter parentavit.  
Sicut fecit Virgini Knobelsdorfæ, anno  
1659 paulò ante mortem suam, ope divæ  
Virginis, cujus salutationem Angelicā  
in hæresi cum gustu decurrere solita  
fuerat, conversæ; & alteri cuidam mi-  
ram circa salutem suam Providentiam  
Dei commendanti, quod è partibus Sa-  
xoniæ se ad tempus extractam Bruns-  
bergæ viatricem lectulo morbus affi-  
xerit, sanatamq; in anima, supremum  
diem obire contingeret. Præstitit hoc  
ipsum obsequij genus pluribus alijs, quā-  
tumvis tenuioris essent notæ, pro ani-  
mabus eorum solemne Deo litans hosti-

am in eorundem exequijs. Quæ res tantam ei, apud ipsos etiam heterodoxos; commendationem conciliavit; ut plurimum ea fuerit vox: facile omnes è Dissidentibus reconciliandos Ecclesiæ, si sacerdotes omnes, & Episcopi essent Ujeyscij. Ipsa adeò perfidia Iudaica, quæ aliàs non rarò post lavacrum salutare Baptismatis ad volutabrum luti Iudaici redire solet, apud Episcopum nostrum integrâ fide & pietate Christiana perseverabat. Par ejus erga Apostatas è Religionibus Charitas: plures per eum Religionibus restituti, plures ad Apostolicos in Polonia Nuncios restituendi remissi; plures priusquam hæresi nomen darent, ac religionis habitum ponerent ab ausibus absterri, ad sanio rem mentem, ac quem reliquerant Ordinem, reducti: alios verò ipsa Misericordia Divina respiciens Episcopo nostro velut amantissimo Patri filios prodigos è regione longinqua à filiquis porcorum, stolâ rursus primâ vestiendos, transmisit. Quo ex genere videtur mihi fuisse ille, quem Regiomonti in ipso defectionis articulo

lo, voce ancillæ focariæ absteritum, ad Episcopum remedij causa expedit. Venerat hic suo adhuc Religionis habitu Regiomontum ad ædes primarij A catholicorum Ministri, ad ejurandam fidem; cū mulier culinaria insolitum domi suæ hospitem videns, & subodorata, quod erat, his eum salutat: Vade inquit, vade, & fac ea quæ meditaris: paratum jam habet diabolus veru suum pro te, in quo te melius torrebit, quā ego hanc gallinam. Ictus hoc velut fulmine, gressum retulit, retāq; domum nostram, inde ad Episcopum, opis causā tetendit, magnificans Bonitatem DEi; quod qui principem Apostolorum tentari ac labi permiserit ad vocem ancillæ, se per eandem ab interitu vindicare voluerit. Et fuerunt quidem aliqui, qui auxiliatricem Episcopi dexteram fefellerunt, relapsi ad vomitum; quorum tamen scelus non diu exultavit in sordibus. Brevis enim vindice DEi justitia correpti pœnas dederunt, quas Apostatæ meruerant. Eorum è numero fuit impo-

stor ille, qui dum iteratò transfuga, rabulam seu Ministrum Verbi Dei in ducatu Prussiæ ageret, ac res quæpiam non ad gustum ei accidisset, plurium in confesso blasphemias voces ejiciens ita excanduit; ut sanguis per os & nares copioso alveo profluxerit non prius sistendus, quàm infelicem animam evomisset. Alter paucis à transfugio diebus, quantò prius hæreticorum plausu exceptus, tantò postliminio opprobrio ob enormia crimina in facinorosorum carcerem conjectus, impatiens disciplinæ Religiosæ corpus, carnificis voluntati subdere coactus est: qui utinam vel inter fatalia tormenta sapuisset & temporaneo dolore æternum redimens, relato à porta inferi pede blasphemiam animam apud Epipatrum suum Lutherum non reliquisset.

## CAPUT XXVII.

### *Amat Religiosos Ordines.*

**S**olemne est Præsulibus, zelo DEI & animarum ardentibus, non solum  
sæcu



sæculari Clero stipare latera, eodemq;  
 uti ad exequendum munus suum: ve-  
 rum & Regularem libenter admittere,  
 imò studiosè adfiscere in partem cu-  
 rarum & laborum; adeòq; velut utroq;  
 brachio Clerum complecti utrumq; ,  
 & in paternum colligere finum. Sic  
 & Venerabilis Præsul Noster expandit  
 finum, dilatavit pectus, cor aperuit  
 complectendis fovendisq; quibuscvis per-  
 sonis Ecclesiasticis, probè gnarus: nul-  
 los esse superfluos in vinea Domini  
 operarios, præterquam otiosos. Quam-  
 vis verò temerrimo erga omnes sacras  
 DEO familias ferretur affectu, pater-  
 nâq; commoda illorum providentiâ  
 procuraret: singulariter tamen Ordi-  
 nes eos coluit, quos suis insilere in-  
 stitutis arbitrabatur, nec à Majorum  
 suorum virtute deflectere, videbat.  
 Horum precibus imperfectum suum  
 ferventiùs commendabat: hos famili-  
 ariùs accipiebat: his optabat benevo-  
 los, quorum auxilio vel consilio indi-  
 gebant, horum se orationibus, vitamq;  
 suam, & quæ erga se experiebatur

DEi beneficia, debere dictitabat. Jam  
verò, si profusa illius beneficia in hos  
sacros DEo homines enarrare velim,  
impossibilia tentavero. Testantur e-  
jus quondam aulici, mihiq; per lite-  
ras communicant; stabilem hunc fuisse  
ejus morem, quòd quocunq; loco-  
rum venisset, ubi religio aliqua, qua-  
liscunq; ea esset, sedem fixisset: ante  
omnia domui illi providerit, repetitis  
etiam vicibus, si eum ibidem diutius  
morari contingeret, idq; non uni so-  
lùm alicui; sed tot, quot ibidem repe-  
rentur sacræ familiæ. Si quem fortè  
Mendicantium ex Ordinibus stipem pe-  
tentem offendisset, dulci stringebat am-  
plexu; quòd pro DEo voluntarium in-  
duisset mendicium; sibi micam aliquam  
meriti, per tales actus humilitatis ob-  
venientis, concedi optabat, dimittebatq;  
multa cum consolatione donis ac lau-  
dibus locupletatum. Nullus ei tam vi-  
lis erat Frater, cum quo sortem suam  
mutare nollet; nullus tam abjectus,  
quem præ se pluris non faceret. Quan-  
tum, agebat identidem, sub lacerna  
Fratris

Fratris hujus latet divitiarum cælestium: mundo vilis, DEo & Angelis pretiosus Frater iste, concha videtur contemptibilis, & continet cœli gemmam; egenus & pauper est, hæreditatem autem habet indeficientem, ipsius veritatis oraculo: *Beati pauperes spiritu, quoniam ipsorum est regnum celorum.* His alijsq; benevolentiae testimonijs ac beneficijs ita sibi Religiosorum omnium devinxit animos: ut eum omnes tanquam Patrem colerent, & ejus, quod habebant pretiosissimum, scilicet meritorum suorum, participem facerent. Sic quippe Societas nostra, primitus quidem per P. Melchiorem Schmelling Provincialem, fecit eum tunc adhuc Canonicum Plocensem, S. R. M. Secretarium, participem meritorum Provinciæ Litvanæ anno 1647 die 16. Novembris: postea autem jam Abbatē Plocensem, Præpositum Ecclesiæ Varm: meritorum totius Societatis per P. Vincentium Caraffam ejusdem Societatis Præpositum Generalem ad annum 1649 diem 4 Maji. Ordo Prædicatorum, quantumvis

L 5

tumvis ei, ut supra vidimus, cum parentibus, ac sororibus jam ante communicarit merita sua; iteratò tamē hanc Ei gratiam contulit anno 1644 die 3 Iulij per Fratrem Thomam Turcum Magistrum Generalem, assumptionis ejus anno 1, subleribente Fratre Francisco Bartolino Magistro; ac rursus anno 1661 die 11 Junij per Fratrem Joannem Baptistam de Marinis Magistrum Generalem, subscribente etiam Fratre Leonardo Hansen Magistro Provinciali Angliæ. Ordo Carmelitarum discalceatorum cum extensione insuper ad participationem Privilegiorum, ac indulgentiarum, per Fratrem Philippum à Sanctissima Trinitate Præpositum suum Generalem Congregationis S. Eliæ, ac priorem Montis Carmeli anno 1667 subscribente Fratre Innocentio à S. Theresia Secretario; Ordo Minorum Reformatorum per Fratrem Valerianum Rzewuscium Provinciæ Minoris Poloniæ & Russiæ S. MARIE Angelorum Magistrum Provinciale anno 1665, cum electione in Iudicem Conservatorem Ordinis;

dinis; Ordo S. Salvatoris, aliàs S. Brigittæ, recepit eum in Fraternitatem suam cum participatione omnium privilegiorum & gratiarum, & obligatione suffragiorum post mortem, oblatione item annuli Confraternitatis anno 1670 per Fratrem Vilhelmum Jacobum Gscheidt Confessorem Generalem ac Priorem Gedani in Monasterio Marienbrun ejusdem Ordinis; Deniq; Ordo Minorum regularis observantiæ per Fratrem Sebastianum à Cajeta Generalem Commissarium Citramontanum ejusdem Ordinis, adlegit eum anno 1644 Romæ in Conventu Aracelitano ad merita omnia orationum, meditationum, officiorum, disciplinarum jejuniorum, peregrinationum, poenitentiarum, prædicationum, omniumq; piorum operum tam fratrum, quam monialium, aliorumq; jurisdictioni Ordinis quomodolibet subjeutorum. Quanti porrò hanc cum Ordinibus Sacris gratiarum ac meritorum communicationem fecerit: patet tum ex eo, quod persæpe prædicaret, se vitam & quidquid



quid haberet boni, ex hoc thesauro  
servorum DEI accipere, sperareq; in-  
tuitu tam sanctè factorum sibi pecca-  
tori non claudenda viscera misericor-  
diæ divinæ; tum ex eo, quod talium  
gratiarū participationem sollicitè men-  
dicaverit etiam ab ijs, in quos utpote  
longiore terrarum intercapedine diffi-  
tos, minùs quàm in alios sibi propi-  
ores, beneficus esse potuit. Quod vi-  
dere est in aperto illi thesauro totius  
Carthusiæ per speciale hac super re il-  
li concessum privilegium; quod quia  
clarè exhibet, in quanto pretio habu-  
erit hanc Sanctorum communionem,  
hic de verbo ad verbum, pono.

*Illustrissimo ac Reverendissimo Domino,  
Domino Thoma de Rupniew Ujeyski, DEI  
& Apostolica Sedis gratia Episcopo Chi-  
joviensi & Czernihoviensi, Abbatie Plo-  
censis Administratori perpetuo, Preposi-  
to & Canonico Varmieni, Custodi Gnes-  
nensi, Frater Ioannes, Prior Carthusiæ, ac  
totius Ordinis Carthusiensis Minister Ge-  
neralis.*

Cum id quod minus est in Ecclesia  
DEI

DEi, benedicatur & sanctificetur à summo; æquumq; sit, qui dignitate, ordine & virtute ad supremum Numen accedunt propius, inferiores omnes ipsius Majestati commendare & repræsentare: mirum fortasse videbitur attendentibus, quòd Vestra Dominatio Illustrissima expetat à nobis humilium precum suffragia, & subsidia, cùm vix nostris illa indigentis sufficere posse videantur. Sed meritò credimus, id ex singulari, quæ in vobis humilitate reluet, procedere; à qua fit, ut Spirituales proprii meriti divitias non attendatis, sed potius respiciatis ad alienas. Nos itaq; raro Vestræ virtutis exemplo ædificati, & voluntate provocati, totum id, qualecunq; bonum esse potest in oculis DEi, operum nostrorū, & religiosarum actionum sive laborū, in Sacrificiis Sacrosanctis Missarum, jejunijs, eleemosynis, pœnitentijs, Chori officijs, & orationibus alijsq; similibus quæ per gratiam DEi in toto quaquaversum Ordine producuntur, vobiscum partiri consentimus, & annuimus; eorumq;

rumq; facere consortem Dominationē  
 Vestram, tenore præsentium profite-  
 mur in vita & in morte, quam etiam  
 advenientem ( post sera fata ) beneficio  
 anniversarij perpetui in Calendarijs do-  
 morum nostro modo scribendi & per-  
 solvendi, honestare paramus. Et in  
 horum omnium fidem indubitata hodie  
 20 Octobris Carthusiæ has dedimus,  
 anno 1668 sub fixatione sigilli consveti.

Sigillantur

*Frater Joannes, Prior Carthusiæ.*

Sigillum pendulum ex ligula sericea

*Frater Thomas Boullay Scriba Rndi  
 Patris & Capituli Generalis.*

Haëtenus de officijs Charitatis gene-  
 ratim erga Religiones DEo devotas ab  
 Episcopo nostro præstitis. Singularia  
 sunt, quæ exhibuit iis, qui ejus curæ  
 quomodolibet commissi erant. Admi-  
 nistrator perpetus Abbatix Plocensis  
 Ordinis S. Benedicti creatus, eam sibi  
 subjeëtorum curam habuit, quam in a-  
 mante filiorum Patre desideres. Imprimis  
 autem de talibus ijs providit bonis,  
 quæ quia hominem magis con-  
 jungunt

jungunt summo bono, primas in gene-  
 re boni tenent. Et talia bona erant, quæ  
 ad interiorē hominis statū pertinebant,  
 eoq; referebantur; ut Spiritus conser-  
 varetur, regula refloresceret, ipsiq; viri  
 Deo dicati vitam viverent supparem  
 Angelis. Hunc in finem cum singulis a-  
 gebat frequentius, singulos ad discipli-  
 næ regularis observantiam adhortaba-  
 tur; a senioribus, quid promovendo  
 Spiritus fervori deesset, consilium ca-  
 piebat, omnes propositis motivis ac san-  
 ctissimis institutis ad meliora promo-  
 vebat; superiores quidem ad vigilem  
 circa se & subditorum curam, subje-  
 ctos autem ad superiorum reverentiam,  
 omnes deniq; ad mutuam sui dilectio-  
 nem. Ut verò suavem efficaciam ad-  
 deret monitis; decerptis ex Abbatiali  
 redditu proventibus, necessitatibus cœ-  
 nobij providere, studere commodis om-  
 nium, succurrere singulorum indigen-  
 tiæ magna charitatis ostensione: rursq;  
 contra externos obtrectatores ac op-  
 pressores agere defensorem, promo-  
 vere in tribunalibus, ac aulis Principum,  
 negotia

negotia sibi creditæ domûs, commodis  
in omni occasione invigilare. Qua pa-  
terna charitate cordibus omnium sibi  
conciliatis, brevi intervallo effecit: ut  
suo quisquē intentus muneri, juxta  
Regulam vitam coram DEO & ho-  
minibus Sanctam viveret. Moverant  
Religiosæ Virgines Monasterij Zucco-  
viensis in Prussia, Ordinis Præmonstra-  
tensis, ab obitu Andreæ Swirniecki. Præ-  
positi sui, ex certis; & in facto, ut a-  
jebant fundatis prætensionibus, toti Or-  
dini Præmonstratensi litem in Curia Ro-  
mana, ad eum finem & effectum: ut  
â jurisdictione ac subjectione Superio-  
rum totaliter eximerentur, ac subde-  
rentur Loci Ordinarijs. Res magno mo-  
tu agitabatur Romæ, Fratribus hinc  
monasterij gubernationem quadringen-  
tis jam prope annis apud se fuisse, de-  
bereq; esse; istis è contra computatis Lo-  
ci proventibus; consideratisq; tem-  
porum, personarum ac Loci circum-  
stantijs, nullo modo id expedire, con-  
tendentibus. Opponebat se item San-  
ctimonialibus fortiter Frater Matthæus

Abbas



Abbas S. Vincentij Vratislaviensis, ejusdem Ordinis Vicarius Generalis, præ-  
tendens ad se pertinere plenam mona-  
sterij inspectionem, subjectionem ac  
confirmationem, qui eligendus esset,  
Præpositi. Hic tamen postquam per-  
sonaliter in locum descendisset, Moni-  
aliumq; rationes matura deliberatio-  
ne ponderasset, adhibito etiam pluri-  
um Doctorum ac prudentum consilio,  
invenit ac judicavit: nec utile, nec neces-  
sarium esse, ut huic Monasterio præfi-  
ciatur Præpositus aut alius Superior cum  
dignitate. Sacræ interim Congregati-  
oni Cardinalium negotijs Episcoporum  
ac Regularium præpositæ, quia contro-  
versia in longum protrahenda timeba-  
tur, visum est: proponi sibi debere E-  
piscopum aliquem Poloniarum, vitæ in-  
tegritate ac studio animarum commen-  
datissimum, cui ad interim administra-  
tio monasterij tam in Spiritualibus,  
quam temporalibus demandaretur. Pro-  
positus est ab Angelo Ranutio Archie-  
piscopo Damiatensi, Nuncio per Polo-  
niam cum Potestate Legati a Latere

Apostolico, Episcopus noster; quem ubi sacra Congregatio, collata ei plena monasterij cura, approbavit; eam, solâ in animas pietate ac misericordiâ motus, ut ipsemet in literis ad dictum Nuncium Apostolicum fatetur, suscepit; egitq; ita feliciter ut Sacræ Deo Virgines, in hoc confinio hæreticorum, integerrimâ vitâ Catholicis æquè ac heterodoxis præluceret. Ante omnia ad præscriptum Sacrorum Canonum, ac decreta Pontificum, & Ordinis statuta, Cænobio clausuram strictam induxit, eamq; adedò efficacibus persuasit rationibus; ut ultro in eam omnes consenserint, propositis & auctis pænis in eas, quæ contrariarentur. Providit deinde illis de Confessario, quo indigebant, docto ac pio, sicut & de Confessarijs extraordinarijs ad mentem Conc. Tridentini sess. 25 de regularibus cap 10, & Statuta Ordinis dist. 2 cap 25 n. 28 & 30. coram quibus animas suas effundere possent, promoveri semper in melius, dirigiq; ad eum perfectionis gradum, quem integritas statûs Religiosi exigit

exigit Quantum porro Episcopus ipse  
 probono earum tam spirituali, quàm  
 temporali laboraverit; colliges ex da-  
 tis ad me Succoviâ Virginum Religio-  
 sarum nomine; in quibus fatentur se in  
 Reverendissimo Patre Thoma Vjeyski  
 habuisse non solum bonorum admini-  
 stratorem, sed Patronum, imò Patrem  
 indefatigabilem in providendis mona-  
 sterij commodis, ac amoliendis ab eo  
 molestijs; eum contra hæreticos, & vi-  
 cinam nobilitatem bona cænobij defrau-  
 dantem, fuisse advocatum, occurrisse  
 periculis amittendarum dotium, fre-  
 quentem eum cum paucissimo, ne mo-  
 lestiam ullam crearet, comitatu fuisse  
 monasterij visitatorem, exhortatorem  
 ad bonum, directorem in Exercitijs Spi-  
 ritualibus S. Ignatii, consecrassse non ra-  
 rò Virgines, earumq; professionem ex-  
 cepisse, ex quibus aliquæ hætenus su-  
 perstites gloriantur, quod à tam San-  
 cto viro Deo dicatæ fuerint; nullam  
 ab eo sine consolatione discessisse, ei de-  
 beri unicè, quod collapsa non nihil di-  
 sciplina in Cænobio Succoviensi redin-

tegrata reffloruerit. Fatetur id ipsum Episcopus in suis ad præfatum Nuncium: aliam se apud has sanctimoniales faciem videre: sponfas Christi, eliminatis quæ pacem turbabant discordijs, cum serenitate animi sponso suo quietas deservire, atq; agere vitam cum ingenti suo solatio ac gaudio non abfimilem cælesti.

## CAPUT XXVIII.

### *Amor in Societatem JESU.*

**A**teneris æstimata Ujeyscio Societas Iesu, per totius vitæ curriculum ei in amoribus erat. Huic conscientiam suam semper integrè manifestam esse voluit, obtentis à superioribus, qui sibi ex eadem essent à Confessionibus, & continuò essent à latere, Theologis. Cum hac panem dividebat suum per frequentes eleemosynas, hanc contra obtrectatorum lingvas, ac invidorum calumnias toto se defendebat, hanc suos in mores in tantū induebat, ut nasutiores Regni nostri politici, cū sua quæq; præ-

Præsulum nomenclatione, illum quidem statistæ, alium Theologi, alium Legistæ, alium aliâ traducerent, uni huic Jesvitæ Episcopi, aut Jesvitarum patroni nomen affricuerint. Et sciebat ille de hac antonomasia, gaudebatq; in sinum, quod talem se homines sæculi dicerent, qualis esse averet. Nec hoc ignorabant Magni Nominis Senatores: unde eorum aliqui, quantumvis & ipsi bene vellent Societati, ut Episcopi zelum provocarent, identidem contra nos quæpiam comminiscabantur, referebantq;. Ad quæ illi semper suus præstò erat clypeus: injuriam fieri, reponebat, integerrimæ Religioni per tales calumnias, petita esse ex malevolorum castris ea arma, aut ex hæreticorum famosis libellis desumptas cavillationes; vel certè excusabat, quæ ut facta (cùm tamen à solis narratoribus ficta essent) allegabantur. Quodsi autem per conditionem personarum licebat ei esse monitorem; verbis ad exprobrationem compositis arguebat Momos ejusmodi de convitijs, ac in-



juriosis nomini nostro fabulis; non sapere Christianum dicta hujusmodi: tangi oculos ac pupillam suam, cum Societas tangeretur, nec posse esse hostem Societatis, qui suus non esset, contestabatur. Cæterum ipse non honorificè tantum, sed magnificè semper de Societate loquebatur, Sacrosanctæ Societatis, suæ Societatis, dilectissimæ cordi suo Societatis nomenclaturâ eam condecorando; personas ejus, ut filios DEi venerabatur, suorum Patrum ac Fratrum, amicissimorumq; sibi, nominibus honorando. Dictitabat, se nulli libentiùs agere, quàm inter nostros; unde etiam Collegia & Domos Societatis quasi domesticus ingrediebatur, non modò cum recollectioni animi per octiduana S. P. N. Exercitia tempora designâisset, sed quoties per iter, locum, ubi Societatis erat domicilium offendisset. Varsaviæ in domo Professæ duo sibi excitaverat cubicula, quæ per tempus Comitiorum ac suæ inibi habitationis incoletet quasi unus ex nobis, frugali ea; communi cum nostris

nostris contentus mensâ; iisdem, ut a-  
 libi videbimus, super mensam pæniten-  
 tijs, eodem quantum per negotia pu-  
 blica licebat, vivendi usus ordine. Re-  
 currebamus ad eum, tanquam ad Pa-  
 trem filij in negotijs ac gravaminibus,  
 quæ ab externorum patiebamur male-  
 volentia, & præsentissimum remediũ  
 à consilij & auxilijs ejus referebamꝰ:  
 non incumbibat nobis dolor, quem non  
 sentiret ipse; non afflictio, quam suam  
 non crederet. Et hæc quidem erga no-  
 men nostrum gratiosissimi Præsulis cha-  
 ritas rara arctissimo & perpetuo in  
 communicatione, ut jam diximus, me-  
 ritorum Societatis universæ, eum no-  
 bis devinxit nexu. Postmodum tamen,  
 quasi vellet eum à nobis alienum, ipsa  
 illa obicis loco erat, ne reipsa posito E-  
 piscopatu in Societatem admitteretur,  
 eo quòd vererentur Superiores tam a-  
 mico ac potente patrono, quod futu-  
 rum prævidebant per ingressum ejus  
 in Religionem, destitui Societatem. Ve-  
 rùm quia non decebat, ut sua viro no-  
 ceret bonitas, & quod fiderent divinæ

Providentiæ Superiores Societatis, avulso uno non defuturum alium aureum, per nos non stetit, quominus tam benevolus nostri amor, ut primum Pontificia accessit benedictio, Societati incorporaretur. Cæterum priusquam, quæ in ea obtinenda exantlârit, referam; amoris ejus erga Societatem unum adhuc alterumq; argumentum paucis accipe. Agebat Novitium Societatis Ven. P. Thomas, cùm permixtus tyronibus alijs, pro more de divinis balbutientibus, suaq; vel è pia meditatione, aut ascetica lectione excerpta, quasi in symbolam referentibus, inter cætera audit ea, quodam referente, quæ habet P. Lan- citius tom 2. Opusculorum Spiritualium opusc. 17 cap. 4. n. 211 de affectu eximio erga Societatem nostram B. Iosaphat Archiepiscopi Polocensis & Martyris inclyti, quo ita ardebat hic Vir Dei ut palam ediceret; *se eum non habere pro bono Catholico, qui Societatem Iesu non amaret;* & quomodo quendam in societatem blateronem in frequenti præcipuæ nobilitatis confessu represserit  
dicens

dicens: *Apparet Magnifice Domine,*  
*te non esse ex numero. Prædestinatorum*  
*qui tam sanctam Religionem verbis adeo*  
*injuriis carpere non metuis.* Solvi hic  
 in lacrymas P. Thomas, rogareq; an  
 hæc omnino haberentur in Lancio?  
 quo intellecto, benedicere Deum, quod  
 sibi à primis annis amorem tam sanctæ  
 indidisset Religionis; omnino se idē sem-  
 per sensisse, nec aliter accepisse eos, quàm  
 inimicos Dei, qui fuissent Societatis ob-  
 trectatores. Tum verso ad Socios ty-  
 rones sermone, amorem sanctæ voca-  
 tionis tanto verborum pondere svade-  
 re; ut plures ex ijs multò post tem-  
 pore se verbis illis mirificè accensos, ac  
 in vocatione obfirmatos, confessi fue-  
 rint.

## CAPUT XXIX.

*Tuetur Societatem contra famosos*  
*cujusdam libellos*

**N**ON fuisse splendidum duntaxat,  
 sed ardentem erga Societatem a-  
 morem in Ven: P. Thoma, Episcopū  
 M5 ad-

huc agente, probavit tempestas, in nos  
 concitata à quodam Iuris peritiore, quàm  
 observantior: cujus nomini pareitur  
 reverentiâ eorum, è quorum gremio e-  
 rat. Prosciderat hic, pingvi cum hæ-  
 reticorum voluptate, famosis Institutum  
 Societatis libellis; in quibus plurima,  
 & pestilentissima corraserat mendacia  
 ex damnatis à S. Sede libris & autho-  
 ribus, ijsq; vel hæreticis, vel à Societa-  
 te apostatis, alijsq; similis farinae mo-  
 litoribus. Ut autem vanis hujusmodi cõ-  
 mentis pondus adderet atq; authorita-  
 tem; sinistrè adductis, mutilatis, aut  
 in pravum sensum detortis, Sacris Ca-  
 nonibus, Summorumq; Pontificum Con-  
 stitutionibus, ea firmare, operosè mo-  
 litus erat: nec quietem admissurus vi-  
 debatur, nisi everso, vel saltem refor-  
 mato Societatis Instituto. Graviter hæc  
 procella incubuit Socijs: sed quod non  
 ignorarent; supra quam petram Socie-  
 tatis Institutum fundatum esset; &  
 conscientia rectè factorum ipsis  
 clypeum obtenderet: ausa vetera-  
 ni hostis non plus sibi nocitura, quàm  
 ful-



fulmen p[ro]p[ri]i lovis arbitrabantur. Con-  
sulendum p[ro]inde potius honori dica-  
eis authoris, quam conflandas apolo-  
gias, & vindicias eundum, judicarunt.  
At non eadem mens fuit amicorum.  
Svadebant ij, indormiendum non esse  
hac in re, â qua integritas nominis no-  
stri penderet; nec silendum, ne diuti-  
us interrupta defensio palmam calum-  
niatori concessisse diceretur; non de-  
bere nos esse crudeles in alios, quibus  
fama nostra esset necessaria, ad quam  
vulgus, quod veritatem ignorat, fere  
soleat respicere. Singulariter Episcopo  
nostro gravis accidit hæc nostrorum  
remissio; unde datis hac super re ad Ad-  
modum Rd[em] Patrem nostrum Ioan-  
nem Paulum Olivam Præpositum Ge-  
neralem, multa contra eam remissionē  
deponit: esse scilicet bene affectis mo-  
lestam, bonis Catholicis injuriosam, ini-  
micis gratam, omnibus admirationi;  
dari hac nostrorum conniventia facul-  
tatem majora audendi, novisq; scriptis  
impune Societatem proscindendi; & qua  
si Societas de veritate convicta, ei re-

spondere non auit, nec valeat, mali otioſè gloriandi; circumferri jam ſcripta, manu adverſarij exarata non absq; magno bonorum dolore, ac malè voluntium applauſu, in quibus de proſtigata Societate gloriatur: ſanctè ſe affirmare, langveſcere jam plurimorum zelū & affectum in Societatem, naſciq; perverſas de illa opiniones, quæ inclinent in adverſarium, quaſi vera ſcripſerit, quia impune toleratur. Nullibi patentius horum judiciorum theatrum eſſe, quàm in Prussia, ubi non modo hæretici Catholicis immixti perverſa judicia contra Societatem ex hoc langvore formant: ſed conſtantiffima Catholicorum pectora aut pervertunt aut labefaciunt, aut ſaltem perplexa reddunt. Proinde compelli ſe zelo illo, quo fertur in Societatem immutabili, ad rogandum: ut Pater Generalis pro ſuprema authoritate ſua efficiat, ut procax iſte Goliath tandem, in exemplum aliorum Societatis hoſtium, cadat, caſuq; ſuo alios à pari audacia deterreat; & ſic Societati ſua tranquillitas, & temerata inquieti

quieti hominis offucijs integritas, resti-  
tuantur. *Hac Ven: Episcopus noster.* Cui  
cùm suam quoq; authoritatem, stimu-  
losq; sociasset Serenissimus Poloniarum  
Rex Ioannes Casimirus, etiam literis  
datis ad eos, ad quos pertinebat, de in-  
solentia hominis cõderenda: quasi à  
somno experrecti Socij Provinciæ Li-  
tvanæ, ad remedia Iuris confugerunt,  
data adversario Citationē ad Nuncia-  
turam Apostolicam in Regno Poloniæ.  
Illustrissimus Nuncius, Angelus Ranu-  
tius, sive aliorum negotiorum mole im-  
peditus, sive alias ob causas, rei cogni-  
tionem cum potestate Iudicis commisit  
Illustrissimo Episcopo Chijoviensi. Qui  
vocatis rite partibus, ea accuratione  
& integritate causam ventilandam su-  
scipit: ut neutri inimicus videretur.  
Machinis tamen adversarij causa re-  
tracta est ad Nunciaturam, sed tam  
sinistro eventu, ut hujus decreto, in-  
famantes libri, infami manu & igne,  
in publico Varsaviensium foro, sint ex-  
usti.

Quantum verò in hac causa Illustri-  
ssimi

fimi Præfulis nostri erga Societatem  
 affectui, zelo & dexteritati tribuerit  
 A. R. P. N. Præpositus Generalis lu-  
 culenter testatus est literis repetitis. Ha-  
 rum priores dedit ad Socios Provinciæ  
 Litvanæ, remedium petentes contra  
 infesta adversarij molimina; in quibus  
 non aliud suggerit quàm hoc: *Habetis in-  
 ibi Illmum Episcopum Chijoviensem ac  
 Illmum Nuntium Apostolicum: hi duo effica-  
 cius ac citius rem perficient, quàm hic  
 Romæ fieret per ambages & strepitum  
 Iuris*. Alteras gratiarum plenas direxit  
 ad ipsum Illmum Chijoviensem his apicibus  
 „ Intellexi ex P. Provinciali Litva-  
 , niæ alijsq; compluribus, quanta ege-  
 , rit Illustrissima Dominatio Vestra pro  
 , vindicanda Societatis fama, adversus  
 , Dominum NN. qui editis non se-  
 , mel libellis eam proscidit. Nunquam  
 , verò de fama nostra ille tantum de-  
 , trahere potuit, quantum suo isto tam  
 , impenso studio eam amplificavit. Ni-  
 , hil enim ad minimæ hujus Societa-  
 , tis cōmendationem illustrius atq; ho-  
 , norificentius esse potuit, quàm quòd  
 ea talem

, ea talem vindicem assertoremq; sit na-  
 , eta. Neq; verò nos tantum beneficio  
 , affecit; sed & omnes quorum bono  
 , ubiq; locorum fama nostra inservit.  
 , Quodsi enim ut D. Augustinus affir-  
 , mat, in libro de opere Monachorum,  
 , multò misericordius operatur erga a-  
 , nimas infirmorum, qui bonæ famæ  
 , fervorū Dei consulit; quàm erga corpora  
 , egentium, qui panem esurientibus  
 , frangit. Patet profectò quàm bene de  
 , illis merita sit Illustrissima Domina-  
 , tio vestra, quos ab NN. adversus  
 , nomen nostrum offucijs liberavit.  
 , Ego itaq; mearum partium esse du-  
 , xi, ut quas Illustrissimæ Dominatio-  
 , ni vestræ gratias debent omnes, i-  
 , pse potissimum agerem: & verò etiā  
 , referam, quas possum; indictis per Po-  
 , loniam & Litvaniam pro Illustrissi-  
 , ma Dominatione Vestra precibus atq;  
 , Sacrificijs, quibus utinam ipsi lon-  
 , gævam incolumitatem & uberrimam  
 , è cælo opem impetremus. Romæ ii  
 , Martij anno 1673. & ita quidem Adm.  
 , Rdg Pater Noster Ioannes Paulus  
 Oliva.



, Oliva . Cæterum Ven: Episcopus le-  
 , Etis quæ ad eum datæ erant, sequen-  
 , tes reposuit.

*Reverendissime Pater, Pater Co-  
 lendissime.*

, Non sine magno dolore dudum  
 , spectavi, vulnera Matris negligi à  
 , Filijs, & famam Societatis, qua ad  
 , promovendam in animabus Dei glo-  
 , riam nihil judico efficacius, diuturno  
 , Reverendissimæ Paternitatis vestræ si-  
 , lentio quasi projectam jacuisse . Nus-  
 , quam didici, phreneticum alicujus ce-  
 , rebrum sola dissimulatione emenda-  
 , tum fuisse. Inò Reverendissimæ Pa-  
 , ternitatis Vestræ dissimulatione au-  
 , Eta est in Domino NN. audacia, ut  
 , improbo & contumaci calamo ad e-  
 , vertendum nomen & Institutum So-  
 , cietatis magis & magis grassaretur:  
 , & nisi per me indignum ( facta mihi  
 , ab Illustrissimo suæ Sanctitatis in Po-  
 , lonia Nuncio potestate ) obviatum fu-  
 , isset, non alium grassandi finem, quã  
 , vitæ fecisset. Me certè institutio & ac-  
 , cepta à Societate beneficia, ac ob-  
 stricta

, stricta beneficijs gratitudo, non po-  
 , tuerunt non provocare, quin vulnus  
 , Societatis, ad Dei gloriam, & Eccle-  
 , siæ Christi incrementum summè effi-  
 , cacia, pro meo sentirem, & magis quã  
 , proprium vindicarem; ratus, gratiã  
 , non mitescere contumaces, sed pæ-  
 , nã; & nisi metu contineantur, non  
 , ponere insaniam, sed augere. Feci  
 , proinde asserendo nomini unicè dile-  
 , ctæ Societatis, quod debui ac potui:  
 , non minus & postea ejus integritati pro-  
 , spectur, quàm oculi mei pupillæ; quàm  
 , dum sanissimam desidero, ne levissi-  
 , mo contactu patiar violari. Quod me-  
 , um propositum, gratitudo Reveren-  
 , dissimæ Paternitatis Vestræ magis in  
 , me accendit: uti & indicenda sacri-  
 , ficia ( pro quibus maximas ago gra-  
 , tias ) ita intendunt: ut ad obsequium  
 , Reverendissimæ Paternitatis Vestræ  
 , & totius Societatis tutelam, vivam  
 , ferventissimus. Quod dum spondeo,  
 , me gratiæ & Sanctissimis Reveren-  
 , dissimæ Paternitatis Sacrificijs plu-

, rimum commendo. Varsaviae 30 Maji,  
anno 1673.

*Reverendissimæ Paternitatis Vestræ  
Devotissimus & Obsequentissimus Servus  
Thomas Ujeyski Episc. Chijoviensis.*

Neq; verò omittendum hic nobis est  
insigne illud eadem in causa erga no-  
men nostrum amoris ac beneficij. Edi-  
derat novum ad denigrationem nostri  
famosum opus adversarius idem, hæ-  
reticis Gedanensium typis, jamq; res  
in eo erat; ut parte librorum in na-  
vim deportatâ, circa reliqua deportan-  
da laboraretur, ut ita infame opus  
Amstelodamum, ac inde per Angliam,  
Hollandiam aliasq; partes dispergeretur:  
cùm Ven: Episcopum nostrum, provi-  
dum quanta ex hoc libro pestis, ac Ca-  
tholici nominis labes sit surrectura, res  
advertit. Obviam igitur iturus malo,  
profusâ non modicâ pecuniæ summa  
omnes cum manu-scripto exemplari re-  
dimit libros, redemptosq; quâ ex offi-  
cina, quâ navi, omnes unâ cum exem-  
plari igni sepelit minus quidem autho-  
ris denigrativo, quàm nuperus ille Var-  
savi-

saviensis, magis autem decore Societati: quod tam ejus quàm authoris nomenclali munificentia vindicatum fuerit.

## CAPUT XXX.

*Urget dimissionem ab Episcopatu,  
eamq; impetrat.*

**S**Ub hæc acutissimo morbo in lectum projectus Ven. Episcopus primævum ineundæ Religionis propositū, honorum umbratiles luces, annos in senium vergentes, Lancicianum de vita in Societate finienda oraculum memorare cœpit. Subibant animum salutaria illa D. Hieronymi Nepotianum exhortantis monita: *Extrus monasteria, multus à te pauperum numerus sustentatur: sed melius faceres, si & ipse sanctus inter sanctos viveres.* Feriebant mentem in longam ætatem producta sanctioris vitæ proposita, nec quietem dabat homini dolor de tamdiu dilata statûs mutatione conceptus, quam à se exigeret propria salus, optaret DEUS. Quare ferreo apud animum su-

am proposito sanxit: se ut primùm morbo solveretur, nihil intentatum relicturum, quoad quem peteret, Religionis portum teneret. Soluti exin morbo prima fuit cura, impetrare requisitam ad eum finem per *cap. Licet, de regularibus*, dispensationem Sedis Apostolicæ, qua sibi potestas fieret transeundi ad religionem. Copia daturum ad suam Sanctitatem Clementem X. hæc est.

» *Beatissime Pater*

» *Pater Clementissime.*

» Post devotissimam pedum Sanctitatis Vestræ exosculationem, facta relatione super statu afflictissimo Episcopatus mei Chijoviensis, supplex iterum ad pedes Sanctitatis Vestræ provolvor, & humillimè supplico; quatenus me ab Episcopatus ulteriore cura & titulo totaliter absolvere dignetur. Movet me ad hoc petendum non altioris Episcopatus adipiscendi spes, vel appetitus, neq; ulla temporalis ratio aut respectus, sed ultimus



, ille dissolutionis corporis & animæ,  
 , forsan jam propinquus, dies, quo DEO  
 , Judici vitæ meæ rationem redditu-  
 , rus sistar. Huic solidâ præparatione  
 , præviâ me dissonare intendo, depo-  
 , sitis alijs humanis abstractionibus &  
 , curis, quâ Ecclesiasticis, quâ regni  
 , publicis, quas indefessè tota mea æ-  
 , tate hucusq; continuò impendi. Mo-  
 , vet & monet me fracta per labores  
 , ætas sexaginta jam & trium annorū;  
 , movent variæ laborantis sanitatis &  
 , vitæ indices, illæ frequentes debilita-  
 , tes, monitores non longè absentis ul-  
 , timæ diei. Movet & conscientia,  
 , quandoquidē ob rationes in relatione  
 , mea expressas, durante bello anima-  
 , bus mihi commissis succurrere neque-  
 , am, & demum restituto forsan Re-  
 , giâ potentiâ Episcopatu meo, consum-  
 , ptis per annos & labores viribus im-  
 , par futurus sim; tam Episcopatum  
 , istum in tanta solitudine constitutum,  
 , & ultra centum milliaria Germanica  
 , diffusum per omnes cæli & itinerum  
 , inconmoditates accedendi, quàm no-

,vum clerum ( anteriore expulſo &  
 ,mortuo ) nescio unde in Episcopatum  
 ,inducendi, Ecclesias, mansiones, præ-  
 ,dia diruta & exusta reædificandi, &  
 ,alia munia gravissima exercendi. Qui-  
 ,bus accedet frequentior ad comitia  
 ,regni per tantum terrarum spatium  
 , & vix imaginabilia itinerum incom-  
 ,moda aditus, quolibus ferendis ætas  
 ,viresq; meæ planè deficiunt. Non  
 ,novum id ante hac in Polonia fuit,  
 ,senes Episcopos à Sancta Sede Apo-  
 ,stolica paribus relaxationibus vitæ pri-  
 ,vatæ redditos esse; quod ipsum me  
 ,in spe mea confirmat. Supplico igitur,  
 , & iteratò supplico Sanctitati Ve-  
 ,stræ, dignetur me à vineulo Episco-  
 ,patûs mei elementissimè absolvere, &  
 ,meditationem vicinæ mortis priva-  
 ,tumq; DĒo meo præstandum servi-  
 ,tium tantisper indulgere; ut tandem  
 ,quietus lætusq; expectem Salvatorem  
 ,meum, eiq; interim cum serenitate  
 ,animi sacrificem hostiam laudis. Quo  
 ,petito meo obtento, magna obligati-  
 ,onis meæ pars & cura erit: ob tan-  
 tum

, tum beneficium pro Sanctitate quoq;  
 , Vestra DEum meum indefinenter ex-  
 , orare.

, Frauenburgi in Prussia Varm:

, die 12 Martij. Anno 1674.

, *Sanctitatis Vestra*

, Humillimus, Obsequentissimus, devo-  
 , tissimus Servus.

, *Thomas Ujeyski Episc: Chijoviensis.*

Dedit & alias plures ad S. R. E. Car-  
 dinales, singulariter ad Cardinalem Pro-  
 tectorem Poloniarum Virginium Ur-  
 sinum, Card. Vidonum, Card. de Al-  
 terijs, aliosq; , quibus ardentissimè in-  
 tercessionem apud Sanctitatem suam &  
 Sacram Congregationem pro conce-  
 denda dimissione interponendas men-  
 dicat. His tamen omnibus nihil profe-  
 cit, eò quod Roma judicaverit, nulla-  
 tenus expedire; ut Viro tam necessa-  
 rio, Ecclesia ac Resp. fraudetur. Vide  
 quæ hac super re ad eum scribat Card.  
 Protector.

, *Illustrissime & Reverendissime Domine.*

, Diuturna S. Congregationis Con-  
 , sistorialis adunatio in longum respon-

,dere necessario distulit; absoluta de-  
 ,niq;, quonam fuerit in voto jam pu-  
 ,to Dominationi Vestræ innotuisse. Non  
 ,visum fuit Sacræ Congregationi, Do-  
 ,minationem Vestram à vinculo Eccle-  
 ,siæ Chijoviensis absolvere, dum ejus  
 ,præfulgentia merita magis in regimi-  
 ,ne ejusdem, quàm in privata domo  
 ,splendescere possunt. Non est enim  
 ,lucerna lucens ponenda sub modio,  
 ,sed super candelabrum, ut luceat o-  
 ,mnibus, qui in domo sunt. Et meri-  
 ,tò lugeret Ecclesia Chijoviensis ante  
 ,ultima fata tantò viduata Pastore. Eja  
 ,ergo Pastor bonè, gregi tibi commis-  
 ,so, cui tam fructuosè, usq; modo in-  
 ,cubuisti, usq; ad ultimum Spiritum  
 ,inservire non dedigneris, & gaudeas  
 ,titulo melioris boni, te à petita ab-  
 ,solutione repulsum. Interim ad ser-  
 ,vitia Dominationis Vestræ me para-  
 ,tissimum offero.

, Romæ 9. Novembris

, Anno 1675.

, Ad servitia Illust. D. Vrä addictissimus

, *Virginus Card. Ursinus.*

Per.

Percussus his aliorumq; responsorij.  
Ven: Episcopus nondum cecidit animo,  
sed alta spe erectus invocantem DEū,  
adhibitis longē plurimorum pauperum,  
quæ uberiore emit eleemosyna, suffra-  
gijs, pulsare perrexit; dum sibi janua  
panderetur, per quam abiret ab Epi-  
scopatu suo. Dat igitur iteratas ad  
Card. Protectorem in hæc verba.

„ Eminentissime ac Reverendissime Dne.  
D. Patronæ ac Protector Colendissime „

„ Veneratus sum debita cum obser-  
vantia responsorias Eminentiaæ Vestrae  
„ literas, solita quidem gratia toties in  
„ immeritum me liberaliter exercita  
„ plenas; at petito meo ( absolutionem  
„ ab Episcopatu Chijoviensi concernen-  
„ ti ) obtinendo contrarias. Tota hæc  
„ gratia à S. D. N. mihi impertienda  
„ pendet ab authoritate, & interventu  
„ Eminentiaæ Vestrae: in tanta vegeto-  
„ rum Prælatorum abundantia, nihil  
„ Ecclesiae, nihil Reip. ex hoc meo du-  
„ dum præmeditato, maturè determi-  
„ nato, proposito decedet. Labores &



, fidem, quam utriq; debui indefessè,  
 , incorruptè, ad virium usq; lapsum im-  
 , pendi. Ad ulteriora ætas, debilitas,  
 , fracta sanitas non sufficiunt. Indul-  
 , get omnis natio, omnis status, & ipse  
 , etiam juris rigor emeritis, senibus,  
 , fractisq; dimissionem: cur mihi ulti-  
 , nam jam vitæ lineam decurrenti qui-  
 , etiorè saltem præmeditationem pun-  
 , eti illius, inania mundi simul termi-  
 , nantis, & æternitatem ordientis, fa-  
 , vor, authoritas & pietas Eminentia  
 , Vestrae non indulgeat? Sponsus cæ-  
 , lestium nuptiarum non expectandus  
 , est, sed occurrendum appropinquant;  
 , & per ægritudinum molestias de ad-  
 , ventu monenti, dum præcipuè in Ec-  
 , clesia & Rep. non desint, qui lampa-  
 , da post me recipiant. Non cesso i-  
 , gitur pulsare, non cesso supplicare E-  
 , minentia Vestra, atq; uti firmus &  
 , constans propositi mei maneo: ita de-  
 , mississimè iteratò supplico; dignetur  
 , Em: Vestra illud ipsum auctoritate  
 , sua aquod S. D. N, efficere: pro qua  
 , summa gratia primæ gratitudinis meæ  
 , partes

, partes erunt, diruptis vinculis meis pro  
 , incolumitate Eminentiae Vestrae, DEO  
 , optimo in serenitate animi sacrificium  
 , laudis immolare: cui residua vitae meae  
 , momenta debebo, quia libertatem, &  
 , quietem Spiritus mei debebo.

. Hæc Episcopus ad Card. Proteſto-  
 rem. Juvat & alias hic adjicere, quas  
 dedit ad Cardinalem Petrum Vidonũ,  
 sibi olim, dum Nuncium per Poloniam  
 Apostolicum ageret, intimum; sic hæ  
 habent.

„ *Eminentissime ac Reverendissime Dne.*

„ *Domine ac Patrone Colendissime.*

„ Contristatus sum ad intima usq;  
 , Spiritus mei, quando gratiosam quidẽ  
 , mihi illam Eminentiae Vestrae obni-  
 , tentiam legi, at desiderio meo adver-  
 , sam, intento meo planè non propiti-  
 , am. Nihil utiq; peto, nihil ambio,  
 , Eminentissime Princeps, nisi ut ampli-  
 , us nihil petere nihil ambire possim;  
 , & cui præter sepulchrum nihil super-  
 , est, cui mortis & vitae futuræ portæ  
 , jam non in longinquo, sed in vicino,  
 , imò in conspectu sunt: tantisper in  
 laben-

,labente restantis vitæ inorula plan-  
 ,gam dolorem meum, diruptisq; cu-  
 ,rarum vinculis, DEO meo sacrificem  
 ,hostiam laudis, & reddam Altissimo  
 ,dudum promissa vota mea. Ulterio-  
 ,ribus laboribus & merendi desiderio  
 ,lapsæ per ætatem vires obicem po-  
 ,nunt. Sponsa mea in raptoris hostis  
 ,servitute gemit, quam uti eripere mi-  
 ,hi, ita & accedere impossibile est. Al-  
 ,tioris Episcopatus desiderium longè est  
 ,à me; nec defuit hac in parte erga  
 ,me Serenissimorum Regum Poloniae  
 ,in offerendo gratia, sed mihi sponta-  
 ,nea in acceptando voluntas. Unde  
 ,summam illam, qua Eminentia Ve-  
 ,stra supereminet, imploro pietatem,  
 ,ac pronus repeto petitiu meum: di-  
 ,gnetur desiderij & voti mei in Sacra  
 ,Eminentissimorum Dominorum meo-  
 ,rum Cardinalium corona in futurum  
 ,esse patronus ac promotor; ut tandè  
 ,solitudinis eupitæ beneficio donatus,  
 ,mihiq; redditus, tantò reflexior de-  
 ,prece DEum Optimum pro diutur-  
 ,na Eminentiae Vestrae incolumitate;  
 ,cujus

,eius gratiæ me & indigna mea re-  
verentissimè mancipo obsequia.

His aliisq; literis Romæ effecit Ven:  
Episcopus; ut in partes voti illius con-  
cesserit Clemens X. Pontifex, annu-  
tumq; suum (prout testatur Cardina-  
lis de Alteriis in datis ad Ven: Episco-  
pum nostrum) dederit referendum ad  
Sacram Congregationem super dimis-  
sione ejus, una cum injunctis, ut quo-  
ad viveret dimissus, pro sua Sanctita-  
te ac Poloniarum regno maneret exo-  
rator. Verùm hæc Clementis X. gratia,  
quin illico effectum sortiretur, ad De-  
putationem pro eadem dimissione in-  
stantiæ, quæ cum legitimo ac authen-  
tico mandato procuræ juxta formas  
in similibus praticari consvetas, pera-  
genda erat, alia ex alijs emergentia im-  
pedivere: quibus dum amoliendis im-  
pigrè laboratur Romæ, intentio Epi-  
scopi nostri domi manifestata, gravis  
ei molestiæ causa fit. Nam Episcopi  
ac Regni Senatores catervatim ineubu-  
erunt, ut à proposito hominem abdu-  
cerent; adjunctisq; unde unde haberi  
pote-

poterant momentis ac ponderibus, in-  
 tentatum nihil reliquerunt, ut contra-  
 riam mentem induerent homini, ut di-  
 cebant simplici, qui statum magis me-  
 ritorium posthaberet minus bono. Ve-  
 hementior cæteris ac molestior ei erat  
 Nicolaus Prażmowski Archiepiscopus  
 Gneznenſis ac Regni Poloniarum Pri-  
 mas, verbis usq; ad bilem ferventibus:  
 ac Legatus Gallicus Episcopus Massili-  
 ensis, exprobrans imprudentiam, quòd  
 imperfectiorem statum Regularem Pon-  
 tificiò præambiret, votumq; pararet  
 emittere; quod quia non esset de me-  
 liore bono, minus æquum esset. Et  
 satisfecit quidem posteriori, modeste  
 questus de injuria sibi ab advena illa-  
 ta; paucis multa Senatorio verborum  
 pondere respondeñs. Priorem tamen,  
 ne sibi Romæ impedimento esset, ta-  
 citè tolerare, ac dum res perficeretur  
 dissimulare, necessè erat. Rex ip-  
 se Joannes III. ob antiquam cum E-  
 piscopo à puero necessitudinem, pro-  
 batam in Collegio Senatorio fidem, e-  
 meritamq; viri prudentiam; ut euni à  
 propo-



proposito dimoveret, mittit: qui ei è duobus vacantibus Episcopatibus, Culmensi & Cujaviensi, offerat eligendum alterum, adjecto Sigillo Magni Poloniarum Cancellarij. Sed non plùs quàm cæteri profecit tanta ostensione affectûs, apud Virum tenacem propositi; quia ipse potiùs, cùm Episcopus frequens regijs accideret pedibus, oraretq; ne se in re tanti momenti impediret; interposita authoritate regia factus est pro eo, apud S. Sedem exorator, his ad Pontificem datis.

„ Non præsumerem Reverendi in Christo Patris Thomæ Ujeyski, Episcopi Chijoviensis, desiderium Sanctitati Vestræ repræsentare: nisi Prælatum hunc eximiæ vitæ, morum integritas, amor cælestium, terrenorum contemptus à sequiori absolveret sensu. Agitur ille impetu sanctiore, in eamq; incumbit curam: ut Episcopatu, omniq; pastoralis evolutus sollicitudine, liberius ac facilius imminenti fatorum, occurrat necessitati, ac ad supremum, ita se præparet agonem, ut quod superest

,perest ætatis, novissimorum impendat  
 ,meditationi. Fessus jam annis, vale-  
 ,tudine nutante ac infirma, in Eccle-  
 ,sia & Rep. plenus meritorum, optimè  
 ,advertit animum, qualem vigorem,  
 ,quod robur animi, & corporis status  
 ,illius requirat Episcopatus à Barbaris  
 ,inleffi, Græco oppleti Schismate. Ab  
 ,hoc igitur exolvi onere, ab eo vin-  
 ,culo Ecclesiæ, si nutu Sanctitatis Ve-  
 ,stræ expedietur, in summam vertet  
 ,felicitatem, ac in eo portu septuage-  
 ,nario propior, mortalitatis præstola-  
 ,bitur occasum, cum retentione duo-  
 ,rum Sacerdotiorum Abbatix Plocen-  
 ,sis, & Varniensis Præposituræ. Ut  
 ,igitur Prælati inter exempla probi-  
 ,tatis numerandi desiderium, quod  
 ,Sanctitati Vestræ defero, felicem fa-  
 ,cilemque apud eandem adipiscatur suc-  
 ,cessum, humillime à Sanctitate Vestra  
 ,postulo. Cæterum polliceor mihi pro-  
 ,pitias aures Sanctitatis Vestræ pro-  
 ,nūmq; animum vota hæc non minus  
 ,æqua quam Sancta repertura. Cui  
 ,de reliquo longævum prosperumque

rei Christianæ auguror imperium, e-  
iusdemq; protectioni me ac Regnum  
meum commendo.

Dedit & alias idem Rex ad Virgini-  
um Card. Ursinum Protectorem Po-  
loniæ, quibus ab eo diligenter con-  
tendit; ut studium operamq; suam o-  
mnem ad conficiendum hocce confer-  
ret negotium, suæq; Sanctitati vellet  
persuadere, quatenus notæ integrita-  
tis Prælatum liberum præstare digne-  
tur. Verum nec per tantas instantias  
res effectum ita facilem sortiri potu-  
it. Quantumvis enim Pontifex beni-  
gnè postulatis annuerit; voluit tamen,  
ut rursus res ad Sacram Congrega-  
tionem ventilanda remitteretur; ubi  
cùm Agens ejus in Urbe Carolus Mon-  
tius Abbas plenipotentiam exhibere non  
potuisset, eò quòd putârit negotium  
examinis causarum resignandi Episco-  
patûs, & processûs in similibus usita-  
ti, remittendum ad Nuncium in Po-  
lonia Apostolicum, quod tamen ex spe-  
ciali affectu S. Sedis factum non est,  
desiderata sola plenipotentia; quæ, in-  
O quam,

quam, cum exhiberi non posset, res, dū ea haberetur, mansit in Sacra Congregatione suspensa. Sed & cum illa allata fuisset, nondum decretum resignationis extraditum est; quia Romæ haberi non poterant testes jurati, qui nōssent manū Jacobelli notarij, qui eidem subscripserat; & quia dubitabatur, an vellet vivere inter Patres Societatis retento habitu Episcopali. Quod dubium inde habuit ortum, quia petebatur eliberatio ab Episcopatu, non ab aliis titulis eorum, quæ legitime possidebat. Mittenda ergo rursus altera fuit plenipotencia, quæ hæc omnia faceret dilucida; qua quidem missâ, ad iteratam instantiam Cardinalium tandem voti sui tam sollicitè quæsitī compos factus est, concessaq; illi manu-missio ab Episcopatu per sequens instrumentum:

„ Sacra Congregatio rebus consisto-  
rialibus præposita, supplicante jam  
pridem Thoma Episcopo Chijoviensi,  
concedi sibi veniam dimittendæ Ec-  
clesiæ suæ tanquam ob senium & af-  
fectam

fectam valetudinem impari Episcopa-  
li & Senatorio muneri obeundo, cu-  
pienti; abdicatâ curâ rerum huma-  
narum, in Divinarum contemplatio-  
ne mortem operiri; cû articulorum  
super causis dimissionis ab eo exhi-  
bitorum examen distulisset, si fortè  
paternis Sanctitatis suæ hortationibus  
vir spectatæ in Catholicam religio-  
nem, & in hanc S. Sedem fidei, de-  
moveri de sententia potuisset, ipse  
verò novis & diligentius scriptis lite-  
ris preces iteraverit, Divinæ vocati-  
onis & constantiæ suæ testes, & sa-  
tis comperta alioqui sit veritas cau-  
sarum; re maturè discussa censuit:  
eundem Episcopum dignum esse, tum  
ob anteaactæ vitæ merita, tum ob pro-  
positi sanctitatem, cui hoc solatium  
diutius non differatur; ideoq; si San-  
ctissimo Domino nostro placuerit, pos-  
se eum sine ulteriore inquisitione ad  
cedendum admitti. Et facta relatione,  
Sanctitas sua S. Cōgregationis Senten-  
tiam benignè probavit. Datū Romæ

die 4 Martij Anno 1676.



„Franciscus Ep: Ostiensis Card. Barberinus.

„Augustinus Favoritus Secretarius.

Accumbebat Varſaviæ menſis cum aliquot noſtris Ven: Episcopus, cū nihil tale ſperanti ſuper prandium adferuntur literæ Cardinalis de Alterijs de die 1. Martij anni proximè dicti; in quibus à Sanctitate ſua eatenus admiſſam eſſe ceſſionem ſignificatur, ut Episcopum unà ab onere ulterioris examinis, quod in huiusmodi negotiis adhiberi omnino ſolet, abſolverit: paulòq; poſt literæ Abbatis Caroli Montij Advocati ſuæ cauſæ, in quibus inſertum habebatur prædictum inſtrumentum S. Congregationis. Hic ille exilire gaudio, ac DEum benedicere, qui talem ſecum fecerit miſericordiam; ereptam eſſe animam ſuam velut paſſerem de laqueo venantium; hanc eſſe diem, quam fecit Dominus, qua ſibi exitus de Ægypto conceſſus eſt; hoc paſcha ſuum, & memoriale perenne bonitatis Divinæ erga ſe peccatorem. Affectum hunc gaudij ſui aliquatenus delineavit in datis reſponſorijs ad eundem Cardinalem.

„Ma-

„ Madentibus, ait, præ gaudio oculis legi desideratissimas Eminentiae V. literas, quibus nomine Sanctissimi indicare mihi dignatur; fas jam mihi esse gradum militiae Ecclesiasticae mutare, & ex altiore descendere ad inferiorem, ex Episcopatu ad Religionem. Quo nuncio cum nihil gratius accidere mihi potuerit, provolutus in genua DEO meo imprimis gratias egidebitas, tum pro sua Sanctitate & Vestra Eminentia ea concepi vota, quæ ingenua gratitudo reposcit, impleturus DEO dante omnia, quamdiu vita superstes fuerit, in tanta praesertim opportunitate, quantâ castra religiosa, ad quæ proximè convolabo, praestant. In quibus qualia deinceps arma mihi tradenda sint, ex alijs, nuper datis, E. V. literis didici, dum nomine Ss. D. N. Clementis X, à sua Sanctitate antequam ultimum vitae actum absolveret, velut testamento legatum orandi studium mihi demandare dignatur. His igitur armis [ alijs jam impar ] utar deinceps, suspirijs, ge-

,mitibus, precibus: utinam pari votis  
 ,effectu! ut forti ad Sanctissimi Patri-  
 ,archæ Jacobi exemplum cum DEO  
 ,meo initâ luctâ, ipso antagonista iu-  
 ,um servum secundante, sternantur  
 ,inimici Crucis, & non resurgant, Ec-  
 ,clesia exaltetur, patria mea charissima  
 ,tot cladibus afflicta respiret; quique mea  
 ,desideria promoverunt, in quibus prin-  
 ,cipem locum E. V. obtinet, diutissi-  
 ,me florent, & maximis aucti meri-  
 ,tis, eorum fructu post sera fata in  
 ,beata æternitate lætentur.

## CAPUT XXXI.

*Resignat Episcopatum, ac Abbatiam Plocensem.*

**L**itâtâ in crastinum, ab accepta de  
 dimissione sua notitia, Sacrosan-  
 ctâ laudis hostiâ, ante omnia Regem  
 Joannem III, cujus operâ magna ex  
 parte manumissionem suam stetisse, ar-  
 bitrabatur Ven: Episcopus, adeundum  
 judicavit; tum ad agendas pro effica-  
 ei apud S. Sedem instantia gratias;  
 tum

tum ut tantò celerius tabulas abdicatorias officiorum suorum formare posset. Excepit verò tenerrimo illum Rex optimus affectu tanquam eum, qui à prima juventute sibi in amoribus fuisset, collaerymansq; super zelo & innocentia ejus id unum repetebat: DEUS te benedicat Sancte Jesvita; unum te oro, mei, regniq; mihi Divinitus dati, frequens apud DEum orator in tua Sancta Eremo memoriam habeas; sortem tuam tibi gratulor, ac invidéo; meliorem tu partem elegisti, quàm nobiscum alij in mundi vanitate. Tabulas tamen abdicatorias Episcopatus & Abbatiae differre eum tantisper voluit, quoad de sufficiendo sibi idoneo successore deliberaret, tunc sibi ex per authenticum scriptũ mitterentur; quod etiam paulò post factum est his ad Regem datis:

„ *Serenissime ac Potentissime Rex*

„ *Domine D. Clementissime.*

„ Emenso mihi jam annos plures sexaginta, grande mortalis ævi spatium, non aliud superest, quàm sepulchrum.

, Hæ meæ aliquot jam annis cogitati-  
 , ones; his & non alijs eò impellebar,  
 , ut destructis curarum externarum vin-  
 , culis novissima meditarer, & agonem  
 , dierum meorum ita impenderem; ut  
 , me mihi postliminio redditum, tan-  
 , dem cognoscerem in meipso; ne for-  
 , tē notus omnibus, ignotus moriar  
 , mihi. Impellebar autem vel maximè  
 , ex eo, quòd sciverim, quòd licet in  
 , alijs temporaneis expensis fera in fun-  
 , do sit parsimonia: vitæ tamen mor-  
 , talis etiam ultima momenta, tam pre-  
 , tiosa sint, ut annos æternos lucrari  
 , possint. Hæc mea proposita maturâ  
 , in secreto discussi deliberatione, pro-  
 , bavi Spiritum, an ex DEO esset, a-  
 , gnitaq; inviolabili constantia, supplex  
 , accidi Sanctissimo Domino Nostro  
 , Clementi X. quatenus ex suprema  
 , Pontificiæ sedis specula respicere di-  
 , gnaretur super imbecillitatem virium  
 , mearum, & super discrimina, in qui-  
 , bus residua Episcopatus Chijovien-  
 , sis & Czernihoviensis fragmenta, mer-  
 , guntur, meaq; paternè disrumpere  
 vin-



, vineula. Addidit Regia Majestas Ve-  
 , stra benevolâ instantiâ suâ pondus sup-  
 , plicationi meæ. Ad primam tamen  
 , desiderij mei notitiâ Clementina be-  
 , nignitas, & Sacræ Purpuratorum  
 , Congregationis prudentia videbatur  
 , aliquantisper hærere, adhortationibus  
 , paternis meas compellando & explo-  
 , rando resolutiones. Cessissem tunc  
 , primæ post Superos auctoritati, si re-  
 , solutio mea humanum fuisset opus.  
 , Præsentavit se rursus Sanctæ Sedi i-  
 , terata Majestatis Vestræ intercessio-  
 , ne animata Supplicatio mea; meq;  
 , tandem voti compotem Sacræ Con-  
 , gregationis decreto, & Pontificiâ ejus-  
 , dem confirmatione, fecit; ut mihi  
 , jam liceat imbecilles vires meas Epi-  
 , scopaliû curarum onere alleviare.  
 , Ergo exhaustus viribus, annis & mor-  
 , bis fractus athleta, manumittor, ferè  
 , jam in limine, exultans ad currendam  
 , æternitatis viam. In Sacras Regiæ  
 , Majestatis manus consigno Nomina-  
 , tionem Episcopatus Chijoviensis; hic  
 , ab hac hora à Majestate Vestra ta-

, iam optat virum, qui Sanctæ Sedis  
 , autoritate probatus, imperfecti mei  
 , refarciat jacturas. Depono simul cum  
 , Episcopatu Abbatiam Plocensem, par-  
 , tem ut onerum, ita impedimentorum  
 , in via mea non postreman. Et quia  
 , in literis Majestatis Vestræ lego, re-  
 , giam mentem inclinare in Perillu-  
 , strem Reverendissimum Dominū Wit-  
 , wicki; gratias ago Majestati V., quod  
 , tam benè meritum mihi in Abbazia  
 , successorē sufficere dignatur, quem  
 , ab ineunte nescens ætate, patriæ &  
 , Ecclesiæ utilem agnosco. Sic jam po-  
 , sitis ad pedes Majestatis sarcinis meis,  
 , inclino caput meum eum humili gra-  
 , tiarum actione pro omnibus favori-  
 , bus regalibus, ac beneficiis declaratio-  
 , nibus, quibus me Majestas Vestræ in  
 , Ecclesia DEI, & hac Republica deco-  
 , rare destinabat. Pro quibus quid re-  
 , tribuam Domino aliud, quàm indi-  
 , gnas preces meas, quibus intra me  
 , collectus quotidie Domino exercituum  
 , pro felici Majestatis Vestræ, regimine  
 , supplex accidam; ut prosperè valeat  
 con-

contra inimicum Sanctæ Crucis pro-  
cedere, feliciter vincere, atq; glorio-  
sè in feros annos regnare. Osculor  
manum Majestatis Vestræ

Indignus exorator

*Thomas Wjeyski Episc: Chijoviensis.*

Galscij 22 Augusti Anno 1676

His ad Regem datis bonam anni  
partem in conficiendis statûs rationi-  
bus insumere debuit: quibus ad calcem  
deductis, Plociam contendit, ijs vale  
facturus, quibus tanto annorum tractu  
Abbatis loco præfuit. Acta hoc loci juvat  
ex ipso Cænobij tabulario de verbo ad  
verbum transcribere.

Anno millesimo sexcentesimo septu-  
agesimo septimo, die 29. Martij, convo-  
cato campanæ pulsu ad locum solitum  
toto monasterij Patrum Fratrumq; cæ-  
tu, præmissaq; consvetâ Sancti Spiri-  
tûs invocatione, celebratum est solem-  
ne & rarò visum Capitulum; in quo,  
quæ transacta sunt, his actorum Capi-  
tularium tabulis pro futura posteritatis  
memoria inscribuntur, ac consignantur.

Car-

Cardo & series totius in hoc capitulo actæ rei. ea fuit, publicus scilicet abdicatorius valedictoriusq; Aetus, quæ Illustrissimus & Reverendissimus Dominus Thomas de Rupniew Ujeyski, Episcopus Chrijoviensis ac Czernihoviensis, Præpositus Varmianensis, Abbatia verò nostræ perpetuus Administrator, laude, veneratione, memoriâq; perpetuâ dignissimus, post abdicatam tam Senatorij Ordinis, quàm Episcopalis muneris sui dignitatem, etiam in abdicatione suæ Abbatia, pleno consensu nostro instituit. Quæ abdicatoria valedictio, verbis affectûs, humilitatis ac amoris plenissimis concepta, tamq; rarum ac heroicum in tanta persona tot dignitatum splendoribus conspicua exemplum, magnam uti ædificationem ita admirationem in animis totius Communitatis excitavit; eandemq; non minori consternatione, mœroreque complevit, ubi se tanti Patroni, tamq; pij, affabilis ac facilis Patris, prudentissimi conscientiarum suarum directoris dulcissimâ præsentia, patrocínio, gubernatione

tionē directioneq; orbandam agnovit. Quā metamorphosi consternata protinus supplex ac venerabunda pedibus amantissimi sui Patris advoluta, interpretem suæ mœstitiæ Reverendum Patrem Priorem (is erat P. Benedictus Rauschenberg) adhibuit, qui suæ Communitatis nomine in hæc verba finitum valedictionis intimatæ sermonem excepit.

Difficiliter aliquid me eloqui posse fateor, Illustrissime ac Reverendissime Domine, Pater omnium nostrum, filiāli nostrā observantiā colendissime; dum mea præcludit verba mœstitia ob inopinatam à Filijs suis in Christo genitis avulsionem tanti Patris, ex quo tanquam de plenitudine fontis, regularis disciplinæ & observantiæ copiosissimas hactenus hauriebamus salutes doctrinas: in quo tanquam in speculo exemplari admirabundi contemplabamur virtutes. Nunc autem, heu miseros nos! orphani derelinquimur. Sed meritò delictorum nostrorum pœnam sentimus, quam inobedientijs, ingrati-

tudi-



tudinibusq; nostris meruimus, quibus  
 sæpenumero benignissimum Patrem no-  
 strum ingrati Filij irritavimus. Indignos  
 proinde ulteriore præsentia tam lua-  
 vissimi Patris ac Benefactoris nostri nos  
 judicantes, gemebundi ad plantas pro-  
 voluti, suam Celsitudinem humillimè  
 deprecamur; ut quidquid ignorantia  
 nostrâ deliquimus, benignè nobis, per  
 viscera Christi obsecramus, sit à sua  
 Celsitudine condonatū. Qua in suppli-  
 ci offensarum nostrarum deprecatione,  
 supplices quoq; eas, quas mens capit  
 pro tot tantisq; laboribus, fatigationi-  
 bus in hac vinea exanthlatis, quam in-  
 defesse annis circiter viginti sex lauda-  
 biliter excolebat, pro omnibus pater-  
 nis admonitionibus atq; Ordinationibus,  
 pro amplissimis beneficijs Communita-  
 ti cumulatè exhibitis, & vel maximè  
 pro singulari, quo semper in Filios su-  
 os ferebatur affectu, deniq; pro omni  
 beneficentia, quā monasterio, templo,  
 Sacristiæ, prædijs, atq;, adeò rei Oeco-  
 nomicæ contestata est, submississimas  
 habemus, ac semper debemus gratias.  
 Ad-

Adjecit sub hæc quædam non contemnendi valoris donaria Ven: Episcopus; quibus nihil volebat, nisi sui peccatoris apud DEum memoriam. Excepit autem illa summa cum gratitudine communitas tota, pluribus contestata, se sui benefactoris munificentissimi desiderijs ac postulatis libentissimè annuere, quem uti suum Abbatem ac Patrem etiam post abdicationem factam, imò etiam post sera fata, esset recognitura, pro eoq; tam vivo quàm mortuo solita monasterij Sacrificiorum ac Orationum suffragia persolutura.

His peractis tandem Illustrissimus ac Reverendissimus Dominus magno humilitatis actu & exemplo iterum totum confessum ædificavit, quando tanquam unus ex nobis in eodem capitulo, nostrarum pœnitentiarum loco, culpam suam coram omnibus fassus, eisdemque deprecatus, pœnitentiam sibi, psalmum Miserere flexis genibus devotissimè recitando, omniumq; pedes humilissimè exosculando, injunxit; ac deniq; inter mutuos amplexus amantissimos

vale-

valedixit.

Et hæc est totius hujus Capituli perenni memoriâ digna transactio; in qua tantus Senator, tantus Præsul, tantus Abbas spontaneè, amore DEi, suæq; salutis, tantis honoribus se exuit, pro quibus etiam in schola perfectionis ab alijs totis animi studijs deertatur. *Hactenus dictum tabularium Cœnobij Plorensis Ord. S. Benedicti.*

Restabat resignatio Canonicatûs ac Præposituræ Varmiensis; sed & hæc brevi non cum dispari contestatione affectûs erga Confratres suos PP. RR. DD. Canonicos, nec cum dissimili Ven. Capituli dolore expedita. Dispersis deniq; in pias causas residuis bonis, calcatâ omni mundi gloriâ, omniq; illius spe, sub vexillum Crucis in Societatem JESU, Illustrissimus meritis in Ecclesiam & patriam Præsul, evolavit.



## CAPUT XXXII.

*Tyracinium in Societate JESU**Ven: Patris Thomæ.*

**A**Dvenerant dies, in quibus virtutis emeritæ Veteranus in ordinem tyronum redigeretur, & venerandus honore atq; canitie Pontifex repuerasceret inter adolescentulos religiosos. Ad hos ille dies, summâ animi contentione hæctenus aspiraverat; hos sibi perpetuò solennes, hos beatos dicebat dies; dies quos fecit Dominus, in quibus sibi seni renasci datum esset; dies quibus benedixit Dominus; hos solos suos dies esse, alios quibus servivisset mundo, paucos fuisse ac malos. Testabatur ex abundantia cordis os loquens, quanti faceret dies istos, dum in ijs contritos laqueos, superatum insidum pelagus, relictam Ægyptum, sva-  
vi cum animi voluptate, ac affectûs teneritudine prædicaret, Deumq; benediceret, qui se de vanitate sæculi ad bravium supernæ vocationis adduxerit;

rit; pluris à se fieri diem unum in So-  
cietate Unigeniti Filij DEi, quàm lon-  
gi temporis pontificatum. Testantur  
idem variæ ipsius ad diversos datæ e-  
pistolæ in quibus scribit se verba non  
invenire explicandæ spiritûs dulcedini,  
quam his diebus ei DEus infudit. Unæ  
paulò ab ingressu ejus datæ ad Cla-  
rissimum Dominum Laurentium Lem-  
ki Secretarium Ven: Capituli Varmi-  
ensis, suum intimum, de die 21 Junij  
anni 1677 sic loquuntur. *Impossibile est  
explicatu, qua consolatione & gaudio re-  
pletus sim: quòd post tot difficultates &  
anfractus in liberatione mei à seculo à bo-  
nitate Divina tandem obtinuerim palmā,  
indutus vestem sanctam, & amplexus  
institutum S. Ignatij. Videor mihi jam  
pragustare illas felicitates, quas DEus pre-  
paravit diligentibus se. Rursus in alijs  
ad eundem de die 18 Septembris anni  
1678. De me ipso, inquit, hoc Dominati-  
oni Vestre significo: quòd & valetudo mi-  
hi serviat, vigorem habeam, vitāq; mea  
ad omnem contentationem in hac Sancta  
Societate agatur. Similis tenoris erant  
datæ*



datae ad alios; in unis equidem ad Per-  
illustrem Dominum Ludovicum Fanto-  
ni Canonicum, Decanum Varmiensẽ  
ita loquitur: *Vivo hic cum enarrabili gu-  
stu meo in medio centum fratrum unius  
moris in domo, quorum cor unum & ani-  
ma una, unum operum objectum, unus fi-  
nis; & repletus inexplicabili gaudio ex-  
perior, quod servire DEo, regnare sit.*  
*Hic rerum caducarum cura nulla, nulla  
solicitude, animi tranquillitas summa.* In  
alijs autem ad Illustrissimum Theodo-  
rum à Schlieben Sacri Romani Imperij  
Comitem, Palatinum Livoniæ, sic ha-  
bet; *Tanta est apud me æstimationis Re-  
ligio, quam ingressus sum; ut si vel ipsum  
Supremi Pontificatûs, aut nescio cujus di-  
gnitatis fastigium mihi apponeretur; non  
tantum non attingerem, sed ne intuerer  
quidem in ejus commutationem; & vel  
unius hora spatio vite moderna suavita-  
tem delibare, quàm per annorum myria-  
des totius orbis habenas moderari, elige-  
rem: adeò suavis, adeò dulcis & copiosa  
est DEi Servitus. Nemo nisi qui proba-  
vit, nòsse potest; nemo nisi qui gustavit,*

*quàm jucunda sit, dicere potest* . Episcopus posuit Ujeyscius Chondzini (prædium est domûs Probationis Vilnensis, non ita pridem Moscho Vilnam tenente, sedes tyrocinij) ac Religiosum induit, nolens inter tyrones adferre Præsulem; qui sicut ipse se censebat, sic censi optabat, infimum ab omnibus. Vilnam deinde amplissimo Prælatorum occurso, quem prævertere non potuit, ingressus, fit pro DEo parvulus, & Christi parvulis adscribitur. Sacris deinde S. P. N. exercitijs (quæ quotannis, etiam Episcopus, Magistro Spiritûs Confessario è Societate JESU, in suo palatio, aut domo aliqua Societatis, subinde etiam pluries per annum recolere solitus fuerat) ita seipsum excoluit, quasi nunc primùm solidarum rudimenta virtutum ediscenda fuissent. Sanctitatem quantumvis præmaturam in Religionem intulisset, peccatorem se, ac terrestrium Angelorum consortio indignum, dictitabat. Subductis quotidie calculis, diligenter observabat: qua sui parte melior factus esset; inventusq.

ventusq; est à morte ejus benè longus  
 catalogus, manu illius exaratus, in  
 quem per dies singulos à primo in ty-  
 rocinium ingressu, referebat suos in via  
 Dei profectus, juxta normam traditā  
 à S. Ignatio; creditumq; est: nullam  
 sibi sine linea diem elabi passum fuis-  
 se, quin tam sanctam suomet in judicio  
 de se ipso iniisset rationem. Minima-  
 rum rerum adeò diligens erat obser-  
 vator; ut omnibus admirationi esset,  
 quomodo homo senio gravis, ac nunc  
 tantum sæculo elapsus, nulli in exactissi-  
 ma omniū observatione cederet, quan-  
 tumvis juveni, qui sæculum hoc igno-  
 rasset potius, quàm reliquisset. Appo-  
 nebant ei Superiores initio Probatio-  
 nis ad communēs cibos aliquid super  
 mensam, quod judicabant provectæ e-  
 jus ætati, ac ut rebantur, ad tam in-  
 conditos cibos non assuetæ, esse ne-  
 cessarium: sed frequens viri depreca-  
 tio, & uberes lacrymæ nolentis quid-  
 quam ab alijs singulare, impetrarunt  
 ab iisdem Superioribus: ut ne ampli-  
 us molesti essent appositione edulcorum

ei, qui & in communibus cibis abstinentiam & mortificationem sciret invenire. Cum tyronibus tyroni quoties loqui contingeret, ita dulciter agebat: ut omnes ab ejus penderent ore, ac pro oraculis haberent, quæ homo venerabilis ætate, ac sanctitate in medium proferret: ipse rursus singulos, quantumvis heri nati Religioni, prætextâ vix exuissent, ita avidè audiebat balbutientes de Divinis, ut totus absorberetur, auditus aliquando post simile colloquium dicere Superiori: *O beatam talem cum parvulis conversationem! quis credidisset tantas esse delicias, cum tyrones Societatis de D<sup>eo</sup> balbutiunt? credat mihi, Pater, cor mihi præ gaudio subsilit, cum infantes isti de Divinis agunt.* Accedentes ad se quantumvis minimos, aperto semper audiebat capite, siquidè illi suū ad instantiam illius operire vererentur, ac tam suaviter expediebat, ut pleni voluptate recederent, qui ad eum accessissent. Beatos imprimis dicebat parvulos, qui florem juventutis ac fructus primævos immolârint Altissimo, non

non sicut ipse senectute marcidos ac deciduos obtulerit; illos ætatem ad omne bonum flexibilem, se corpus effæctum & jam senectutis gelu frigidum, ad sera devotionis officia convertisse. Veteranos tyro tantâ colebat obliervantiâ, ut non modò priorem eis locum cedere, sed in quo ejus egerent obsequio in ferenda ad ablutionem manuum aqua, verrendis cubiculis, aliisq; necessitatibus sollicitè inquireret. Deniq; ita in tyrocinio suo egit Ven: P. Thomas: ut omnes virum in eo sanctum suspicerent, ac sibi ad exemplar, quod imitarentur, gauderent propositum, solo eo in oculis suis vili, aliisq; omnes præ se peccatore pluris faciente.

## CAPUT XXXIII.

*Professionem solemnem quatuor  
votorum emittit.*

**H**abet hoc præ cæteris Ordinibus religiosi Societas IFSU in more: ut tyrones suos, priusquam eos sacro



votorum nexu, reliquo corpori illiget, integrum biennium multiplici probatione periclitetur, an idoneos & fideles proximorum administratos agere valeant. Rursus adlectos post biennium per emissionem votorum in Societatem longo per plures annos experimento probat, antequam eos ad stabilem aliquem admittat gradum, relicta nihilominus Præposito Generali potestate; ut in raro aliquo casu tempora brevare, aut juxta exigentiam rei prolongare possit. Et ita defacto fecit Præpositus Generalis cum P. Thoma nostro. Solo enim tempore, præscripto à Tridentino, elapso, eum ad prima vota, ac statim ad Professionem solemnem quatuor votorum admisit, stupentem ea fieri secum primo, quæ in Provincia hac nunquam facta fuerant. Parabat quidem excusatorias vir humilis, nihil supra reliquos singulare admittere cogitans: sed has impedivit Præpositus, Prov. monens: inania hæc effugia, ac non necessarias fore turbationes, adesse tempus subdendi colla obedientiæ,

tiae, illud, quod unum per tot tempora quælivisset. Quare dicto obaudiens, pro excusatoriis, gratiarum actionibus dat ad Admodum Reverendum Patrem nostrum Joannem Paulum Olivam his omnino verbis:

„ Ergone placuit Admodum Reverendæ Paternitati Vestræ tyronem unum, tyrocinij spatia nondum emensum accensere statim illi Veteranorum classi, quæ Sanctæ Societatis pars est princeps & maximè nobilis? Memini, me apud optimum ex Ordine nostro Scriptorem legisse; votorum quatuor Professum non esse fusilem laborem, sed lentum & diuturnum, quo is in virum doctum & virtute præstantem excuditur. Egone tam felicem fortitutus sim artificis manum, ut post bisse nos duntaxat religiosarum periculationum menses, ex officina Tyrocinij tam citò elaboratum prodeam opus? Sanè cùm conscientiam interrogo meam; habeatne virtutis ac scientiæ tantum, quantum ad Professionis mensuram Religio jure desiderat? recogno-

ignoscit illa, plus satis mihi futurum  
fuisse, si vel in secundo à Professio-  
ne gradu consisterem. Sed quia visum  
est Paternitati Vestrae ad exemplum  
Opificis DEI, hoc quaecumq; figmen-  
tum ex nihilo producere, oblectari  
illi fas mihi esse non duxi, cujus nutui  
obsecundare etiam in arduis & abje-  
ctis promptissimam gerere debeo vo-  
luntatem. Accepto quocirea tam in-  
signem à Vestra Paternitate gratiam,  
non ita pridem à Reverendo P. Pro-  
vinciali mihi, tametsi immerito, dela-  
tam; cujus quidem vivax apud me  
extabit memoria, cæterum non absq;  
jugi pudore, quod postremis hisce,  
quos in Societatem intuli, anni nihil a-  
cturus sim tam sublimi gradui sup-  
par, nihil tanto munere dignum. Ha-  
cenus Pater Thomas.

Cæterum consveta Societatis ex-  
perimenta singulari cum dulcedine ac  
gustu præmisit Professioni suæ, exul-  
tans de oblata sibi occasione abnega-  
tionis propriæ ac humiliationis sui. Et  
quidem primum confusioni suæ majore,  
ri,

ri, benè longum scripto complexus est  
 catalogum defectuum suorum, super pu-  
 blicam mensam sibi exprobandorum  
 ( Confessionem novam Augustini dice-  
 res ) in quo se hominem nullius fru-  
 gi, indignum ob delicta sua, quem ter-  
 ra tot Sanctorum pedibus calcata fer-  
 ret, superari se in virtute ab heri na-  
 to novitio, & id genus alia, quorum  
 plura, quòd nimium saperent sui con-  
 fundendi studium, expuncta sunt Su-  
 periorum mandato. Respondit tamen  
 affatim voto ejus confusio eo tempo-  
 re, quo mendicus, projectâ in tergū man-  
 ticâ, factus est pro Christo. Tunc enim  
 catervatim de trivio vilissimi, qui de  
 posito ab eo Episcopatu audierant, ad vi-  
 dendum ex Episcopo, Regniq; Senato-  
 re, mendicum accurrere; turba lauda-  
 re in eo humilitatem, ac sanctitatem,  
 rudis popellus digito monstrare, dice-  
 req; : hic est ille Sanctus Præsul, hic  
 ille Pater pauperum, hic illa Reip. co-  
 lumna: accurrebant ipsi adedò mendi-  
 ci, dividentes cum illo portionem, quæ  
 sibi de micis cadentibus è mensa Do-  
 minorum

minorum obtigerat; aderant, quæ,  
 venum exponunt pulpamenta, fæ-  
 mellæ; præsto, erant ipsæ, quas ad  
 licitandum hodiernæ diei edulium ad  
 fori custodiam, damnavit egestas,  
 mulieres, aciculas suas effundentes in  
 manticam, pulles aliæ ac filamenta,  
 salern aliæ ac nuces, sylvestres, aliæ  
 plura ejusmodi minuta; quæ quia offe-  
 rebantur cum panegyri mendicantis,  
 mirum quantum erubescere fecerunt  
 P. Thomam. Plus nihilominus confu-  
 sionis illi creavit humanitas Illustrissimi  
 D. Nicolai Słupski Episcopi Gratiano-  
 politani, quidum sic mendicabuli man-  
 ticam instructum videret P. Thomam, se  
 ad ejus pedes osculandos projecit di-  
 cens: honore neminem esse digniorem  
 eo, qui pro Christo vilis factus esset.  
 Quæ res eam verecundiam oplevit men-  
 dicum Christi; ut non faciem modò  
 operiret confusio, sed & linguam stu-  
 por interciperet, unumq; id permitte-  
 ret loqui: *Non debuit mihi hoc facere*  
*Illustrissima Dominatio.* Completis his  
 aliisq; experimentis, emisit Professionem  
 qua-



quatuor votorum in templo domûs Professæ Vilnensis, ærâ Christianâ post millesimam sexcentessimam septuagesimâ octavâ, die decimâ Julij, quæ tunc in Dominicam à Pentecoste septimam incidere, atq; in ipsum tempus Congregationis Provincialis. Confluxerat ad tam raræ pietatis actum, præter nostros, conferta hominum multitudo, unâ cum Illustrissimo Domino Michæle Pac, Exercituum Magni Ducatûs Litvaniz Duce, Palatino Vilnensi, aliisque viris Senatorij Ordinis, pias non tenentium lacrymas, cum virum non ita pridem præcipuæ in Ecclesia ac Republica dignitatis, Religiosæ servitutis sese ex animo devoventem audirent, atq; viderent.

## CAPUT XXXIV.

*Paupertas Ven: P. Thoma.*

**F**actus pro Christo pauper voluntarius Ujeyscius in Religione, qui pauperem Christum in sæculo lautè habuerat; ne de genere Nominalium esset

esset pauperum, qui de re ipsa nihil habent, allaboravit. Reliquerant ejus dispositioni ad primum in Societatem ingressum reculas quaspiam Superiores, quas quidem cum bona eorundem toties quoties obtentâ veniâ ita dispensavit; ut intra parvum tempus nihil, quod amplius dare posset, superesset. Monuerat interim eum aliquis: ut parciores sese exhiberet, ac manu, ut ajunt, non corbe sereret, etiam crastinum diem mendicaturum opem ejus, & forsitan magis futurum opis indigum: cui monitori hæc Pater reddidit: Velletisne Frater Optime, ut apud me morientem aliquid ejusmodi Diabolus inveniat? Charitas Superiorum imperfectioni meæ subveniendo, permittit tantisper hæc futilia à me haberi, quia omnia simul me posse ponere diffidit; meum est, quam possum citissime me iis extricare. Dabo servis Christi, dabo pauperibus, quæ de licentia Superiorum possum expendere, ut celerius sim nudus, nudo & pauperi DEo similior. Cumq; alter posse aliqua servari, in futurum personæ

næ propriæ usum, diceret, quòd do-  
 mus nostræ sæpe egeant etiam neces-  
 sariis: risit Pater hominis simplicitatem  
 monuitq;: paupertatem esse matrem su-  
 am, juxta mentem S. P. N. volentis  
 diligere eam ut Matrem; esseq; eam ex  
 maximis virtutibus unam, idq; talem,  
 cui primas inter beatitudines assignarit  
 Salvator. Si autem virtus est, perfecti-  
 onem ejus debere consistere in actio-  
 ne, actionem autem virtutis esse expe-  
 rimentum ejus; cogitaret proinde, qua-  
 lis esset paupertatis professio, quam nul-  
 la sequeretur experientia. Quanquam  
 & illud sibi esse certum; habiturum se  
 omnem sufficientiam, si habuerit pau-  
 pertatem; nam veritas domini justifica-  
 tur in sermonibus suis, quæ dicit: *Ja-  
 cta cogitatum tuum in domino, & ipse te  
 enutriet.* Singulare quiddam præ alijs  
 non tantum non admisit unquam; sed  
 ijs etiam, quæ vilissima domi erant,  
 contentus, orabat impensè substitutos  
 officiales; ut ne pro se eligerent meli-  
 ora, sed ea potius sibi ad usum darent,  
 quæ homini poenitentiam agenti ma-

gis essent opportuna. Mirabatur rei vestiariae praefectus, qui fieret, quod interioremi amictum nunquam reficiendum daret? cumq; semel & iterum non modico interjecto intervallo de ijs sciscitatus, semper bona esse audisset; observandum ratus, quemnam in ijs reficiendis adhiberet sartorem; facileq; deprehendit ex prostantibus male sartorum tibialium filamentis hodie veteramentarium, qui non ita pridem Episcopus erat, maximè cum allatis novis indumentis, expositaq; superiorum voluntate, antiqua solis prope centonibus constantia, afferret. Novit nimirum humilis Pater nullis splendoribus melius ornari pauperem Christi, quàm ejusmodi male sartis centonibus, religiosumq; tegumenta non ornamenta quærere debere; eosq; parum de spiritu habere sanctæ paupertatis, quos inquietas ac sollicita sensualitas respicere facit ad ornatum, non ad necessitatem. Et hinc etiam est, quod in refectiõne sua corporali, alimenta non oblectamenta quæsierit, cibisq; illis semper conten-

tus vixerit, qui comestibiles essent, non autem concupiscibiles. Sufficit enim concupiscentiæ malitia sua. Specialem tamen gustum habuit in rejectamentis mensæ, semesisq; ejus reliquijs, paupertati suæ dictitans optimè provideri de micis cadentibus à mensa pauperum Christi. Pro re minima, ac quæ nec pede, ut ajunt, tangi merebatur, humiliabat se P. Thomas coram superiore, petebatq; humiliter concedi suæ necessitati usum illius, nec unquam ab ullo oblatum aliquid, quantumvis vile, accipiebat, aut dabat ipse, nisi superior conscius consensum præstitisset. Mittebatur ejus identidem recreandæ valetudini fomenta aliqua ab amicis tum alijs, tum præsertim à supranominato R. D. Laurentio Lemki, conscio necessitatum ejus; sed omnia hæc gratè accepta consignabat in manus P. Ministri, dividenda in communem usum, etiam cum Præpositum domus Professæ ageret; nec de ijs ullam amplius mentionem faciebat, donec suboleret res ministrum domûs, ac dein clarius de-

Q

pre-



prehenderet, ejusmodi fomentis indigere eas, quas ipse tacitus celabat affectiones. Sed neq; sic obtineri potuit, ut similia sibi servaret, priusquam Provincialis, cui sanitas Viri cordi erat, accederet autoritas.

## CAPUT XXXV.

*Castitas Ven: P. Thomæ.*

**Q**uanti hanc virtutum gemmam fecerit Ven. P. Thomas, manifestum est omnibus, qui vel modicam ejus notitiam habuerunt. Votum ab eo perpetuæ castitatis in prima statim ætate emissum, ac ex motivo illius tuendæ, susceptum habitum clericalem, diximus supra. Illibatam ad usq; supremum spiritum servasse, constans est opinio. In curia certè ejus Episcopali nihil huic virtuti, aut videri, aut audiri adversi unquam debuit. Sibi enim suisq; servandam proposuerat doctrinam illam Apostoli exhortantis Timotheum: *Esto exemplum fidelium in castitate, ut vel ex te uno discant, quàm purè & integrè vi-*

*ven-*

*vendum sit. Tales enim, ait Augustinus, decet Dominum habere ministros, qui nulla contagione carnis corrumpantur, sed potius continentia castitatis splendeant, & totius honestatis fulgeant in populo exemplo. Sermo numerum etiam coram eo tanta erat castigatio: ut nemo verbulum auderet proferre, quod vel longissime oleret libidinem: in comprimenda eorum audacia imprimis rigidus ac acer erat, qui, exemplo venena saccharo tegentium, politicâ dictione Cupidinem celabant: abire eos jubebat ad volutabrum luti cum ejusmodi spurcitij, & ad societatem eorum, qui essent Epicuri de grege porci. Famulos obscæni oris, aliosq; quoslibet de impuritate notatos, perpetuâ lege domo suâ interdixit, nolens habere eos inter servos suos, qui essent Veneris mancipia, eos autem, quos ab obsequijs habere ei contingebat, ea lege admittebat, ut cavendæ etiam suspitioni omnis impuritatis providerent, ne primis à tenebris pedem domo efferrent. Ab eorum ipse conversatione prorsus abstinebat, quibus*

aut pronum ad licentiam ingenium, aut  
lubrica loquendi ineondita facilitas ef-  
fet. Picturas; quantumvis raræ essent  
artis, si quid indecorum præferrent,  
aut adhibito penicillo emendari facie-  
bat, aut si id minus commodè fieri pos-  
set, Vulcano consecrabat, malens peri-  
re pretia tabularum, quàm animarum.  
Nuditatem cumprimis in imaginibus,  
ipsius adeò pueruli JESU in sinu Ma-  
tris, averfabatur. Contigit Frauenburgi,  
ut casu in objectum parum verecun-  
dum incideret: consternatus, illico ca-  
put totum togâ obvolvit, atq; è comi-  
tatu suorum in adjacentia fruteta pro-  
fugit. Tangi se nuda alterius manu,  
nunquam permisit. Gravi dolore sto-  
machi laborabat; cùm non nemo leni-  
endo dolori oblato balsamo, ivasisset;  
calente manus famuli ungendum esse ven-  
triculum; cui Episcopus: Non famulus,  
ait, hoc faciet, ego ipse, si res unctione  
opus habet, mihi met hoc præstabo ob-  
sequium; & siquidem ipse non suffecero,  
malo tantulum pati dolorem, quàm ut  
nudum me aliquis contingat. In supræ-

mo, quo decessit, morbo gravissimè ob-  
 restatus est infirmorum curatorem: o-  
 culum intenderet, ne quâ alienati à  
 sensibus sui partem nudam conspici pa-  
 teretur, nulloq; magis postquam è vi-  
 vis excesserit. Si quando cum altero  
 sexu ei agendum erat, summa id cele-  
 ritate expediebat; nec prius in conspe-  
 ctum admittebat, quàm plures testes  
 agendorum adessent; aut si arbitros plu-  
 res exigentia rei excluderet, saltem  
 prælatus domesticus, vir omni excep-  
 tione major, aut qui ei à confessionib;   
 erat, adesse debebat. Suum ad conclave  
 aut mensam, nullam unquam ad-  
 misit mulierem; quòd periculolum pu-  
 târit paleam igni, conjungi; vel quòd  
 occasionem dare noluerit scandalis pu-  
 sillorum, ac lingvis malevolorum, quæ  
 ad talem occasionem non secus ac ad  
 cotem acuuntur. In societate degens,  
 quoties eum, pro officio suo adire con-  
 tingeret domos externorum, socium  
 monebat; ut ne se à matronis ullis ve-  
 nerationis causa prociduis, uspiam tan-  
 gi permetteret, sed interpositione cor-  
 poris

poris sui, impediret molestas à sequiore sexu ipsarum etiam vestium contrestationes. Et hæc cautela in omni vita P. Thomæ erat pro muro contra omne, quod vel speciem impuritatis aliqujus habere poterat, effecitq; : ut inter homines hac in parte nihil pateretur humanum.

## CAPUT XXXVI.

### *Obedientia Religiosa.*

**A** Dlectus in societatem Ven. P. Thomas, hanc virtutem, quæ societatis quasi nota & character est, ita reliquis virtutibus addidit, ut inter omnes facile primas ferret. Superiores, & qui ab ijs auctoritatem aliquam acceperant, adeò studiosè coluit; ut levissimos nutus, & quidquid nutu decrevissent, integerrimè accuratissimèq; servârit. Parvitatē materiæ nolebat dari in obedientia sua, sicut non datur in castitate. Unde maximè studiosus erat servandorum omnium apicum obedientiæ & regularum, tenens memoriâ illud Bern.



*In difficultatib9 obedientia gratior, quia gra-  
vior prævaricatio judicatur: in faciliorib9  
contempt9 dānabili9 quoniā act9 laudabili9.*  
Quod in homine tā provecto ætate pari-  
ter ac dignitate, tantò magis suspiciendū  
venit: quantò magis ij, qui multos nume-  
rant annos ætatis aut religionis, se de-  
cipi sinunt: ut existiment pueris heri  
vestē religiosa donatis, non autem sibi,  
servandos esse hos apices. P. Thomas  
ad primum signum æris campani quasi  
à Christo vocaretur, accurrebat ad mu-  
nia: Nullam unquam epistolam, ieuncu-  
lam aut quid simile dabat vel accipiebat,  
nisi prius superior conscius consensum  
præstitisset. Adjungebat se novitijs, hu-  
militatis & corporalis exercitij gratiā,  
coctos lapides cæmentarijs suppeditan-  
tibus: quod ubi Rectori domūs probati-  
onis innotuit, à labore leni, & tali, in  
competente, ablegatus est ad lapillos  
domestico ex horto legendos: Surrexit  
promptus eum laborem obediens Pater  
pronusq; corpore in terram, animi sub-  
missione pronissima, tamdiu illum est  
prosecutus, donec Provincialem, fortu-

itò illuc delatum, gravis toties se se inclinantis senis molestia advertisset. Mox supersedere iussus, ad decorticanda ole-  
ra pari voluntate ad culinam destina-  
tus, concessit. Veri hoc obedientis sig-  
num erat. Hic enim non examinat  
mandatum, sed paret; nec excusat præ-  
ceptorum formas asperas & acerbis,  
exemplo Abrahæ, non allegantis in im-  
molatione filij crudelitatem suam, aut  
in circumcisione verecundiam; imo ex-  
emplo ipsius Filij DEI, qui cum esset o-  
bediens usq; ad mortem crucis, tan-  
quam ovis ad occisionem ductus est,  
non aperiens os suum. Senio gravi P.  
Thomæ additus fuerat unus e Coad-  
jutoribus, qui ei esset ab obsequijs: hunc  
ille non aliter, ac suum S. Franciscus  
Borgia Marcum, observabat, ad ejus  
nutum omnem voluntatem suam tem-  
perabat, nec aliter habebat illum, quàm  
sibi datum a DEO superiorem, qui ta-  
men vultudinis causâ solum assignatus  
fuerat. Rogatus aliquando: ut, cum es-  
set debiliior viribus, tantisper à pulu ex-  
citantis campanæ quiesceret, respondit:  
disci-

disciplinam religiosam esse commune  
jugum Christi, ideoq; sibi illud esse dul-  
ce: non obstituras sibi etiam ardentissi-  
mas febres, quin si surgere non posset,  
saltem capitis arrectione promptum ad  
communem observantiam: cor testare-  
tur: quod si in aliquo á communi disci-  
plina eximeretur; vereri se, ne in se ca-  
dat illud improprium Apostoli Hebr. 12  
*Quod si extra disciplinam estis, cujus par-  
ticipes sunt omnes: ergo adulteri & non  
filij estis.* Negotia sua non nisi ex præ-  
scripto Superiorum obibat, nec raro pro  
ijs exequendis speciale sibi præceptum  
imponi orabat; ut ita actioni accresce-  
ret ab obedientia meritum, dicereq; pos-  
set illud Iephthæ: *Aperi os meum ad do-  
minum, & aliter facere non potero.* Neq;  
hoc solum egit dum inter nos voto  
obedientiæ ligatus versaretur; Episco-  
pus adhuc, ac Regni Senator, ad præ-  
scriptum eorum, qui sibi á sacro tribu-  
nali erant, actiones ordinabat; cum his  
sicut in dies conscientiae suæ rationes  
componebat, ita de agendis consilia, quæ  
sibi pro imperio essent, accipiebat, nec

rard eisdem sollicitabat; juberent ac mandarent sibi facienda, obéditurum ad nutum ijs, quos ejus loco agnosceret ac veneraretur, qui pro salute nostra factus est obediens usq; ad mortem. Et ne solum verba judicarentur hæc qualia passim peti solent ex Rhetorica politico- rum, aut etiam solæ piæ affectiones: multis interpositis, precibus identidem eisdem angariabat eo usq; ad proponendum sibi aliquid sub præcepto Obedientiæ, donec isti compositis in quamdam quasi jubentis speciem verbis, desiderio illius satisfacerent.

## CAPUT XXXVII.

*Fit Præpositus domûs Professæ.*

**N**On multum ab emissâ professione quatuor votorum temporis effluxerat: cùm Adm Rndus P. Noster Carolus de Noyelle habitâ ratione consummatæ virtutis Ven: P. Thomæ curam ei domûs Professæ Vilnensis demandat, cum omnium quidem gratulatione, solius autem P. Thomæ se propè

pè adhuc tyronem judicantis tanto im-  
parem muneri, rubore. Suscepit tamen,  
ut suus Obedientiæ esset locus, officii-  
um; verum postliminidè diffidens, has ad  
P. Generalem dedit excusatorias:

*Admodum Reverende in Chri-*

*sto Pater.*

Placuit Admodum Reverendæ Pa-  
ternitati Vestræ munus Præpositi hu-  
jus domûs Professæ in me conjicere;  
quod quidem ego eâ qua debui (si un-  
quam) cœcâ obedientiâ subij; cæte-  
rùm firmâ spe fretus, quòd quanto  
promptius imbecillitatem meam in  
obsequium hujus sanctæ virtutis cõe-  
gi, tantò certius efficacem miserentis  
super me Patris indulgentiam sim con-  
secuturus. Candidè & sincerè secun-  
dum DEum indignis meis precibus  
invocatum, tanquam Patri, quem lo-  
co DEi habeo, aperio: me huic mu-  
neri imparem esse. Istis enim potissi-  
mum annis, qui septuagesimum ex-  
cessere, magna senectutis experior in-  
commoda. Nam præter virium in i-  
psa etiam quiete lassitudinem, mor-



,bi frequentiores crebrius me in lecto  
 ,habent, & interdum diutius tenent;  
 ,caput langviores occupant, memoria  
 ,deficit, & oculi. Talia symptomata  
 ,an regimini convenient Adm Reve-  
 ,renda Paternitas Vestra de suo altissi-  
 ,mo sensu judicare dignabitur. Illud  
 ,etiam ingenuè fateor, me non habe-  
 ,re ea talenta, quæ in superiore insti-  
 ,tutum Societatis requirit. Non enim  
 ,ea mihi est Constitutionum, Ordina-  
 ,tionum cæterorumq; bonæ admini-  
 ,strationis adminiculorum notitia, quam  
 ,munus Superioris requirit. Etsi enim  
 ,hisce paucis annis legendo instituto  
 ,aliquantum incubui, totus tamen is  
 ,labor, privatæ duntaxat in Societate  
 ,(sub aliorum obedientia) agendæ &  
 ,ponendæ vitæ fuit: quæ verò regimē  
 ,concernerent, tanquam à me futura  
 ,aliena, missa feci: sed nec aliquando  
 ,gubernandi in Societate praxim ha-  
 ,bui, nec hisce paucis annis tantum in  
 ,spiritu profeci, ut alios in via perfe-  
 ,ctionis dirigere possim. Accedit quòd  
 ,præposituræ sit annexus Consultora-  
 tus

,tus Provinciæ; ad quod forum diffi-  
 ,lia ex tota provincia devolvuntur ne-  
 ,gotia, ex sensu Instituti & Canonum  
 ,resolvenda. Et quomodo sine horum  
 ,sufficienti peritia illis me ingeram, nisi  
 ,aut metu ignorantia inuoluntarius  
 ,sim, aut temerè loqui velim: quod sa-  
 ,ne utrumq; nec pro muneris dignitate,  
 ,nec pro mea esset securitate. Insuper  
 ,domus professæ Vilnensis locus est, ad  
 ,quem Procures Magni Ducatus Litva-  
 ,niæ tractandorum publicorum nego-  
 ,tiorum, vel inter se complanandarum  
 ,dissensionum causâ sæpius conveniunt;  
 ,hi verò pro dignitate debent suscipi,  
 ,honorari, interdum consiliis juvari, &  
 ,id sibi officii per superiorem præstari  
 ,volunt; fieriq; interdum expedit, ut  
 ,benefactorum pro domo paupere be-  
 ,nevolentia & gratia concilientur. Et  
 ,hæc sunt quæ me a suscipiendo officio  
 ,deterrebant, & recursum cum infor-  
 ,matione de ejusmodi inhabilitate mea  
 ,ad Vestram Admodum Reverendam  
 ,Paternitatem suadebant. Non tamen  
 ,recurrendum citius existimavi, quàm  
 toto

, toto fere trimestri explorata virium  
 , inearum capacitate, & benè perspecto;  
 , maximè mihi futuram impediendo.  
 , Sisto me itaq; & paternis pedibus advo-  
 , lutus omni, qua possum cōtentione  
 , supplex oro, ut quem tanto honore  
 , citra omne meritum Admodum Re-  
 , verenda Paternitas dignata est; ab e-  
 , jus onere liberum & absolutum esse  
 , velit, atq; non judicare quenquam &  
 , regere; sed sub arbitrio & ductu Su-  
 , periorum me ad futurū judicium appa-  
 , rare benignè permittat. Grande hoc  
 , beneficium magnam mihi obligatio-  
 , nem quò ad vivam, pro A. R. Pater-  
 , nitate vestra, & ipsius felicissimis in tam  
 , sublimi regimine successibus DEum de-  
 , precandi imponet. Rndus Pater La-  
 , dislaus Rudzinski si de mea omnige-  
 , na tanti muneris incapacitate Admo-  
 , dum Rndam Paternitatem informare  
 , dignabitur, magnum addet mōmen-  
 , tum obtinendæ paternæ gratiæ: cui  
 , me etiam & sanctissimis Sacrificijs im-  
 , pensè commendo. Vilnâ ex domo  
 , professa die 30 Aprilis 1683.  
 , Ad

Adm Rndæ P. V. indignus in Christo  
Filius & inutilis Servus.

*Thomas Ujeyski Soc. JESV.*

Non habuerunt tamen literæ tam  
humiles pondus aliud, nisi quod Pater  
Generalis se rationibus ejus magis con-  
firmatum diceret, ut istam virtutem om-  
nibus nostris præpositam vellet, quæ  
satis superq; optimæ administrationis  
rationes adimplebit. Quod autem at-  
tinet vires corporis, speranda esse ab  
eo auxilia, qui virtutem in infirmitate  
perficit; in reliquo, si etiam lecto affix-  
hæreret, habere se hanc de eo opini-  
onem; quod plus boni allaturum sit re-  
gimen ejus, quam plurium vegetæ va-  
letudinis esset allaturum. Gubernavit  
ergo, domum hanc cum munere præ-  
positi quinquennio, gratus omnibus ob  
suavitatem, prudentiam ac sanctitatē,  
non sine eximio subditorum profectu,  
atq; saniorum satisfactione; guber-  
nassetq; diutius; nisi lachrymarum ejus  
ab imposito munere liberari cupientium,  
ac vitæ in finem vergentis habendam  
esse rationem duxisset Adm. Rndus.

P. Thyrsus Gonzalez electus Generalis, accedente informatione P. Provincialis Litvaniæ tunc Romæ præsentis, qui in datis ad Patrem Thomam anno 1687 die 9 Augusti satisfacturum se ejus desiderio scribit, concessurumq; potestatem reliquum vitæ in domo probationis transigendi, ut primum Provincialis ab electione redierit in Provinciam. Cæterum in officio illo inter egregias alias virtutes mirum quantum in eo charitas enituit, æstuabat paternum cor ardore virtutis hujus erga bonum sibi subjectorum, totusq; diffuebat, cum quis indigentia suæ remedium ab eo accepturus accederet. Quem ejus amorem considerantes subditi, crediderunt totum in cor abiisse, repetieruntq; non raro de eo illud Ecclesiastici: *Non est inventus similis illi.* Difficile explicatu est, quantum singulos suscipiebat affectu ac suavitate, quantaq; exinde in subditos consolatio promanavit. Nul- lum tempus, negotium aut occupatio erat, cui non libenter valediceret, quando ad eum accessus fiebat, superiorem di-



dicens debere esse sicut campanam, quæ ad omnem motum cum sono præstò est; aut sicut custodem portæ, qui ad quemvis pulium re omni, quam præ manibus habet relietâ accurrere debet. Singulariter tamen hæc ejus charitas eluxit in cura infirmorum. His quippe recreandis ne quid deesset, vigilē adhibebat oculū; his ut adesset, unius noctis intervallo ter aliquando quaterq; è suo strato proripiebat sese, ut inde non modicam contraxerit ægritudinem, à qua vix excellentis medici cura convaleuit: his deniq; erigendis paratum se ostendit, ultimum nummum impendere, exemplo S. Patriarchæ Ignatij, qui ultimos tres, quos domi habebat lulios, expendi fecerat in bonum ægrorum. Erga pauperes suo hoc in officio eo ferebatur affectus: ut severū Janitori mandatum impoſuerit; neminem à porta domūs mendicum dimitteret, cum quo panem pauperum non divideret. Hæc & alia plura per tempus regiminis sui, ejus erant decora; quod quidē licet ei perquam accidisset molestum, qui sub

R. . . . . esse,

esse, non præesse, elegeret: in hoc uno ei ad gustum fuit, quod sibi per obedientiam non aliud obligasset munus, quam ejus domus regenda, in qua de mendicatis sibi ac suis, vivendum esset. Destinatus fuerat sub tempus hujus sui regiminis à Patribus Congregatis Romam Elector, hoc tamen munus quin subiret, tum è judicio medicorum stetit, vetantium homini seni, eiq; viribus fracto tanti longinquitatem itineris; tum precibus deprecantis P. Thomæ, rationibusq; ejus, inter quas non postrema erat; quod Romæ pluribus Cardinalibus, alijsq; notæ magnæ viris cognitus, summam ab inani, quam in se derivandam prævideret, laude molestiam, morte sibi, qui elegerat abjectus esse in domo domini; esset habiturus duriozem. Deniq; ab eodem officio liberare quidem eum P. Carolus de Noyelle ad annum 1685, cogitabat; sed ut grandius onus imponeret totius Provinciæ regenda; quod tamen precibus illius victus devolvit in alium, relicta P. Thomæ obligatione permanendi in officio Præpositi.

# CAPUT XXXVIII.

## *Studium Orationis.*

**C**Um dona DEi per orationē in nos derivari sciverit Ven. P. Thomas, affluentiusque in eos, qui familiarius prolixiusq; ei consueverint; ita illi se devoverat: ut spatia orandi, non tam horis, quam integris propemodum diebus ad clepsydram ferventissimi spiritūs metiri velle videretur. Meditationi Sacrae plures continenter horas impendebat, eā constantiā; ut nullus eum æstus negotiorum ab hac abstrahere potuerit. Contemplemur, aiebat, in terris magnalia DEi, discamusq; maturē, quod in æternum facturi sumus. Contemplatio DEi comprehensorum erit beatitudo: sit & nostra viatorum. Nescio an ille partem cum DEo habiturus sit, qui dum vivit, partem temporis cū DEo per orationem non dividit. Suffurari eum se sibi solitum fuisse media inter negotia diximus supra; ut uno aut altero quadrante disponderet animæ suæ rationes: quod quidem tempus ita totū

uni DEo consecrabat; ut nec Procerum  
 accessione illud dimidiare voluerit, in-  
 dignum ratus DEum relinquere, ut ho-  
 mo agat cum homine. Frauenburgi  
 quantumvis propriam haberet curiam,  
 elegit tamen sibi aliam parum commo-  
 dam ob validissimos, quibus exposita est,  
 ventos, hoc solo illicio; quod sita esset ad  
 cornu Cathedralis Ecclesiæ, adeòq; per-  
 commoda ad frequentem DEi sub spe-  
 ciebus panis absconditi adorationem.  
 Et testantur sacrosancte hodie supersti-  
 tes ejus famuli, frequenter se cum per  
 noctis tenebras præ foribus Ecclesiæ  
 prostratum, effundentemq; animam su-  
 am coram Domino, reperisse. Hanc  
 ipsam curiam quoties ingredi aut egre-  
 di opus habebat, prius genu posito, Au-  
 gustissimum Eucharistiæ Sacramentum  
 adorabat. Ad aras nullo non die ope-  
 rabatur; idq; tanta Religionis significa-  
 tione, quantâ majorem primùm ad a-  
 ram litans habere vix potest: fuit ve-  
 rò hæc Sacrificij tremendi oblatio quo-  
 tidiana etiam per itinera ita ei constans;  
 ut plura interdum milliaria Germanica  
 ad-

adderet, aut antelucana profectione  
præveniret, ne copiâ Sacrificij carere  
contingeret: cūmq; non nemo comes  
itineris, posse pluviosa tempestate omit-  
ti Missam diceret; extractum, quem  
sæpe voluebat, libellū, & in hoc senten-  
tiam ex S. Bonav. lib. de Missa cap. 5.  
legendam homini obtulit: *Qui sacrum  
omittit, quando in ipso est, privat Tri-  
nitatem laude & gloria, Angelos letitiâ,  
peccatores veniâ, justos subsidio & grati-  
â, in purgatorio existentes refrige-  
rio, Ecclesiam spirituali beneficio, & se  
ipsum medicina & remedio contra quoti-  
diana peccata.* Porro quoties ægritudi-  
ne pressus Missam dicere nequibat; op-  
tabat coram se in conclavi eam fieri,  
ut ita præsentî sub specierum velamine  
DEO affectus suos explicare, & hospi-  
tem domus tuæ DEum adorare posset.  
Officium Divinum, aliasq;, quas plu-  
rimas sibi imposuerat preces, flexis in  
terra poplitibus etiam in senio persol-  
vebat, indecorum ratus alio situ allo-  
qui Dominum Dominantium quàm de  
genu: & licet hic situs orandi fes-



so frequenter parum commodus accederet, continuabat tamen eundem cum heroica sui victoria & virili incommoditatis tolerantia. Testatum reliquit sæpe Adm R. D. Laurentius Lemki, quod cum semel cum Ven. Episcopo nostro genu flexo percurrisset preces Canonicas, absolutis ijs, grande ulcus sibi sub poplite obligandum dederit: stupenti, quomodo cum tali ulcere, quod alterne summo digito tangi permetteret, genua curvare potuerit. Novitium ingressus impetravit à Superioribus locum devotioni suæ accommodum in tertiâ domûs contignatione, è quo in princeps altare, ac reconditorium, Eucharisticum, per fenestellam ad dimidium lacerem latam & longam, pateret prospectus. Hic ille plures cum Domino horas solus agere, hic cor effundere, hic agere ea, quæ agunt, quorum conversatio in cælis est. Æger decumbebat; cum canonico penito persolvendo, nimium fatigari illum videns is, qui illi à confessionibus erat, monet: non esse obligationem cum tanta sui molestia, fatigatione

one ac periculo itatas preces dicendi,  
 & siqua esset, facile in ea hoc rerum  
 articulo, haberi posse dispensationem:  
 ad quæ P. Thomas: *Permittat, ait, Pater-*  
*nitatis Vestra has me in senio DEO meo*  
*fundere preces, quas adhuc puer secula-*  
*ris dixi Domino, nec ab etate illa per tē-*  
*pus vite mee unquam me misisse memi-*  
*ni; periculum etiam majoris morbi inde*  
*non timeat; non permittet bonus DEUS*  
*obesse, quæ amore ejus facio.* Persoluto  
 penio Canonico, alijsq; privatis, ac sat  
 prolixis precibus adesse jubebat per in-  
 firmitatem ephæbos suos, qui vel de spi-  
 rituali libro divina legerent elatiore vo-  
 ce, vel de precatorio libello recitarent,  
 affectus devotionis interius eliciente  
 Episcopo. Erga Sacratissimam Domi-  
 ni Passionem singulari planè ferebatur  
 affectu; hanc ille in dies recolere, ac  
 meditari, hanc ruminandam commen-  
 dare alijs, suoq; ad id exemplo induce-  
 re. In hunc finem a Michæle Rege Po-  
 loniarum imaginem Crucifixi, sub tem-  
 pus primi belli Svetici in Brunsbergen-  
 si agro ab hæretico milite, triplici globo

trajeſtam, quæ mox largo manaverat  
ſanguine, impetravit; ut in loco mira-  
culi repositâ, populus fidelis ad amorem  
patientis DEi magis inflâmaretur. In  
eum ſinem fundavit Fraunburgi con-  
ciones per Quadrageſimam, poſt quas,  
decantatâ paſſione Dominicâ, longus  
flagellantium ſeſe numerus per oppidi  
templa duceretur, meditando myſteria  
DEi patientis, ac ſtigmata Domini cor-  
pori ſuo per voluntariam caſtigatiônem  
inurens. Jam verò quo pietatis ſenſu in  
DEi paternam ferebatur, explicatu dif-  
ficile eſt. Hanc ille ut Dominâ revereri,  
ut Matrem amare, ut Patronam ab ip-  
ſa infantia aſſiduus invocare ſolebat, de  
ea ſermones ſuaviſſimos inſtituere, ejus  
extollere chariſmata, dignitatem prædi-  
care, commendare beneficia. Sabba-  
tha omnia ac vigilias feſtorum ejus ſtri-  
ctiſſi no à pueris ſacrabat jejunio, ac a-  
cri corporis verberatione; feſta autem  
decurrere ſacrâ exenologefi ac epuli  
Euchariftici ſumptione in prima ætate  
adeo conſtanter; ut meminiffe non po-  
tuerit, ſe aliquem talium dierum ſine  
iſti-

istiusmodi pietatis exercitijs unquam sibi elabi, passum. Officium ejus parvū ac corollam de genu dicebat quotidie, idq; non raro profunda nocte, oppido fessus, cum ea per diem fas non fuisset perolvere per Reip. negotia; ducebatq; sibi religioni somno fatigata membra credere, priusquam suas Divæ Virgini laudes decantasset. Consimili pietatis affectu ferebatur in S. Josephum suum, ut agebat, a juventute Patrem ac Patronum. Hunc ille non alio quam sui sancti nomine appellabat, ad hujus verationem tantâ teneritudine ac verborum suavitate suos alliciebat in tyrocinio sodales: ut multum in ijs affectum, ac insignem accenderit devotionem. Benè longus sanctorum aliorum à morte ejus repertus est catalogus, quos unâ cum tutelari Angelo suo quotidiana pietate coluerat, ac in virtute imitandos sibi proposuerat; qui si manus meas non effugisset, multam hic mihi virtutum ejus materiam subministrasset.

## CAPUT XXXIX.

*Studium mortificationis.*

**S**icut nec sine calore ignis, sine radijs Sol: ita nec sine voluntaria sui afflictione ullus Sanctorum est. Vera Sanctitas radicatur in capite spinis coronato, reperiturque, non inter roseta, deliciarum, quibus immerguntur membra delicata, sed inter flagella & opprobria crucis, apud eos, qui carnem suam crucifixerunt cum concupiscentijs suis. Quæ quidem res adzō certa est, ac tam frequentibus ascetarum firmata oraculis: ut jam inter maximas veritatis Orthodoxæ habeatur, eum non pertinere ad Christum, qui Christum non induisset per voluntariam veteris sui hominis crucifixionem; eum rursus magis sanctitatem Christi æmulari, qui per maiorem sui mortificationem configuratus morti & passioni ejus: altius sibi characterem Christi inpressisset. Non eget hæc maxima demonstratione; certum quippe est, neminem ad Evangelium



eæ sanctimonie apicem pervenisse, qui  
 gradus crucis in corpore suo circumla-  
 tæ non ascenderit. Novit hanc maxi-  
 mam Ven. P. Thomas, ideoq; animum  
 incendit illum, ut se tibi iuncto, per  
 voluntariam sui afflictionem Christo si-  
 milior fieret. Victus ejus parsimonia  
 tanta fuit, ut ipsum inedia veluti puta-  
 res. Admittebat equidem cibos; sed ho-  
 rum ipsorum varia tractatione, lec-  
 do, incingendo, faliebat oculos accum-  
 bentium, velabatq; abstinentiam tuam.  
 Quod si tamen per observatores libe-  
 re cogeretur edulia; ijs sumptus, quæ  
 minus gustui arriderent, relictisq; cla-  
 culum lapidioribus bolis, genium de-  
 fraudabat. In plures anni dies pane  
 arcto & aqua brevi jejunia producebat,  
 ea religione; ut in ipsis etiam jejnijs  
 eum quærere jejunium dixisses. Ita  
 quippe modici victus erat, ut sæpè ju-  
 rasses, nihil edisse, cum remotis mensis  
 jam satur esset. Lege perpetua indi-  
 xerat, primitias fructuum non gustatas  
 Deo largitori dimittere, eaq; ut olim  
 David aquas de cisterna Bethlehem,  
 aut

aut suas innozens Abel primitias, Domino per sui victoriam litare. Jam si opera pœnalia, quibus sæviendo in se, corpus atterebat, respicias; illa eū egisse reperies. sancto in se motū odio; quæ in hostem suum inveteratus, animus non facile auderet. Corpus cilicijs, ac ferreis cingebat catenis, quarum aliqua crebris ac acutis, cuspidibus plenæ, hætenus quæ Frauenburgi, inter loci Canonicos, quæ alibi, in domibus, Religiosis asservantur. Fuit verò hoc genus edomandi corporis in ejusmodi apud eum amoribus; ut non modò totos dies horrido tali cingulo, asperârit, sed & noctes integras sic torquatus egerit, indicans è re sua futurum, si hoc balthæo pœnitentiæ præcinctum in occur-su suo Dominus eum inveniret. Nec primum in domo compunctionis sic hispidum cingi cæpit; pridem sub Episcopali trabea, & inter aulæ libertatem crudis his vineulis captivare consueverat corpus suum, ut illud retineret in servitute Domini, subiectumq; testaretur inferiorem suum hominem

ho-

homini superiori. Quæ quidem, dum senio fractus, per noctis quietem non poneret, verereturq; Provincialis ejusmodi cruda catenarum interpunctione periodum vitæ illius accelerandam; necesse habuit, his ejus severiore admonitu obnunciare mortificationibus, vetarèq; ne hac aliquin pia, in se tyrannide necessariam quietem nocturnum inturbaret. Jacebat supremo, quo & occubuit exhaustus morbo, Ven: Pater; cùm medicus in corpore semimortuo dirum observans cilicium moneret: parum congruere hoc dolorum augmentum doloribus mortis. Sed reposuit Pater: *Sineret se peccatorem in cilicio & cinere mori.* Flagellis, quæ inter pretiosa cimelia per viam secus ferebat, adedò atrocem in modum in se desæviebat; ut inter sanguinis copiosi stil- las pavimenta natarent. Quod quidẽ tum alias, tum Szezepankoviæ, paucis à consecratione ejus in Episcopum, decursis mensibus, observatum est, cùm post nocturnas, in templo, in quo orationis causâ se occludi jussierat, vi-  
gilias

gillas, ad primam lucem, cruorem cultro è terra circum se (ne aliqua devotionis extarent vestigia) eradere, a suis deprehensus est. Gravis annis concubia surgebat nocte, ut se flagellis concideret; quod cum frequentius eï facere Frater tuendæ ejus sanitati additus, adverteret; admonuit de tota re Superiorem. Hic quo frænum injiceret efficacius, virtutem virtute expugnandam judicat. Mandat igitur Fratri; ut ad sonitum verberum, se pariter lecto proripiat, certamenq; cum flagellante se ineat, idq; toties, quoties sub nocturnas tenebras hæc verbera sonuissent, fore ratus; ut motus charitate erga fratrem modum ponat sanctæ in se sævitiei. Et cecidit quidem res feliciter: nam vix semel iterumq; reddi a flagellis alienis Echo cæperat, cum abstinuit ab ictibus P. Thomas, malens placere Deo charitate fraterna, quam afflictione propria. Sed nec hoc diuturnum fuit, sub somnum quippe fratris, suspensio pede cubiculo egredi, ac in angulos domûs, aut templi

pli odæum concedere capit, ubi eò usq;  
 habenas laxavit verberationibus, quo-  
 ad oppidò fessus locum quietis repe-  
 teret. Factus Præpositus domûs Pro-  
 fessæ, nihil de austeritate & numero  
 plagarum remisit; quibus cùm inter  
 insomnia, ac plurimas alias mortifica-  
 tiones corpus senile exhauriret; æquũ  
 judicarunt Consultores domûs, rem ad  
 Admodum Reverendum Patrem No-  
 strum Carolum de Noyelle deferre, à  
 quo per speciales hac super re datas  
 anno 1686 de die 23 Martij, severè admo-  
 nitus est; ut modum poneret mortifi-  
 cationibus ac vigilijs, atq; obsequiis in-  
 firmorum, servaretq; Provinciæ ac So-  
 cietati utilem vitam. Somni fuit bre-  
 vissimi, quem ipsum non rarò nuda in  
 humo aut assere, vel si per imbecillitatẽ  
 mollius tractari debebat corpus, pelle  
 in ursina recubans fugabat potius, quã  
 conciliabat. Quid commemorem alia  
 sui affligendi inventa? liquefactam ce-  
 ram de candela corpore nudo exci-  
 pere notatus est, digitos ad ignem tor-  
 rere, aciculis profundè in carnem ada-  
 ctis



Etis se se eruentare, vel maximè, quando Sanctorum vitæ de more sibi prælegebantur, vel eas ipse legebat: cumq; non nemo sualilet, natiora iecum, reposuit, quod à Patre Nostro Claudio Aquaviva dictum audierat: Corpora nostra in ijs partibus plus de beatificis perfectionibus participatura, in quibus Christi causa amplius circumtulissent mortificationis. Alteri autem, paria consulenti, parcant, inquit, afflictionibus, qui innocentiam in Societatem intulissent; se flagitiorum omnium flagitiosissimum, dum tempus est, tali sui vexatione debere peccata redimere, ac quæ lentè remissèq; vegerat, expiare. Quid commemorem heroicam in morbis, quos quasi sensus expers esset, tolerabat, patientiam? quid aliunde incumbentes animi corporiq; molestias, quas DEi causâ & sui ipsius vincendi gratiâ hilaris devorabat? Unum alterumq; innuam, ex quo de reliquis quisq; iudicium tulerit. Incurius Chyrurgus non modicam carnis particulam inter condendū

à mento ejus ferro propè avulserat, consternatusq; casu, ac quod diceret, non reperto; bono se animo esse debere audit à læso, errorem nullâ aliâ re, quàm emplastris egere, quo recisa caro rursus suæ restituatur sedi; stupente patientiam chyrurgò in illo, à quo promeritas incuriæ suæ reprehensiones iniebat. Deflexerat aliquando secundum morem suum in quandam Societatis domum viator, cum sub vespertinū hospitis pedes, de more abluturi, aquā inferunt ministri admodum fervidam, magisq; ad cutem & carnem, quam pulveres pedibus detrahendos accommodam. Immisit tamen rogatū sociorum, quid ageretur ignorantium, pedes in fervens hoc balneum, summâ patientiâ dissimulato dolore Ven. Episcopo: donec Patrum quidā se ad ablutionē accingens explorasset quantas ei præparasset thermas indiscreta charitas, & aquas affusa frigida temperasset. Magis fortè stupendū est, quod sequitur. Cubicularius muribus perdendis à quopiam relictum arsenicū, alumē ratus, insperserat cauterio persic-

S cando

cando P. Thomæ; ejus venenosâ vitotum brachium inflammatum, adeo multam bimestris patientiæ ei occasionem, dedit; ut quantumvis crudelis dolor quietem illi omnem adimeret, ne verbulo quidem, aut contra incuriam cubicularij, aut contra vehementiam doloris, quasi alterius res ageretur, aut extra carnem esset, queri auditus fuerit, fatente medico: se tam raræ patientiæ virum sua sub cura nunquam habuisse.

## CAPUT XL.

### *Studium humilitatis.*

**T**Am altas hæc virtus radices egerat in animo Ven: P. Thomæ: ut nullus eam honor, nulla dignitas evellere unquam potuerit; quin ipse ei honor majoris demissionis occasio fuit, respectanti quàm longùm abesset ab ea dignitate, quâ vile mendicabulum DEo in simplicitate serviens esset habiturum. Omnes ejus actiones, & verba, in id vultus ipse, ac

exterior hominis compositio, humilitatem spirabant; sciebatq; constanti silentio tegere, quæcunq; æstimationem sui parere potuissent. Summus illi laudis humanæ despectus fuit. Hinc sicut ipse nunquam vel verbulo in commendationem gestorum suorum provolavit; ita temper genus illud hominum, qui lucrum habent ab adulatione & magnificatione fimbriarum domini, aversatus est. Vilis ipse in oculis suis ac abjectus, non aliter accipiebat gloriæ humanæ encomia; quam avidus vanitatis soleat accipere convitia. Operam suam tenuibus atq; obscuris mortalium libentius, quam elaris commodabat; nullibq; majore cum voluptate agebat, quam inter abjecta mundi. Diximus supra de studio ejus erga pauperes Christi, quibus præter frequentes eleemosynas, quotannis magno affectu per sacratioris hebdomadæ ferias pedes ablans osculabatur, quosque sibi frequentes adhibebat conmensales, & accumbentibus ipsemet ministrabat. Nos odochij Frauenburgensis per plures annos

curam habens, frequentissimâ visitatione se egenis familiarem fecit, iudicabaturq; omnia ex voluntate pauperû agere, quæ circa bonum Nosodochij illius agebat: hos quippe, cum aliquis in eorum numerum legendus esset, in comune vocabat, ac super admittendo cōsulebat; his affidebat ægris, cibumq; prælibans ingerebat, ac prope dixerim præmasticabat, horum ille strata vertebat, cubicula verrebat, nullaq; erat tam vilis occupatio, ad quam eorum bono se non demitteret; his deniq; de remedio tam corporis, quàm animæ summâ cum charitate providebat. Quæ quidem obsequia etiam alijs de trivio mendicis ita avide ac humiliter exhibebat; ut in quandam quasi confidentiam eorum aliqui cum illo devenisse iudicati fuerint, dum per alios mandarent, significandû Episcopo: se hîc aut ibi decumbere, hac aut illâ pressos necessitate, hoc aut illo remedio opus habere. Patuit hæc mendicorum confidentia ex literis eorundem datis ad P. Thomam jam religiosum, quibus petebatur; ut de vagis eorum



rum filijs inquireret, & de eorum apud  
opifices conversatione, alijsq; levissimi  
ponderis negotijs consulebatur. Et verò  
respondit vir humillimò tenerrimo affe-  
ctu, factà prius per se vel alios de com-  
missis inquisitione, ad singula quarum-  
vis literarum puncta, adjectis insuper  
verbis blandè compositis, humilique ali-  
orum mendicabulorum, quæ de nomi-  
ne singula exprimebat, salutatione, o-  
rationumq; ab ijs pro se peccatore, qui  
vicissim se memorem apud DEum eo-  
rum confitetur, postulatione. Et hac  
quidem erga egenos erat demissione:  
non minori erga domesticum famuli-  
tium ferebatur. Ægros mediastinos su-  
os frequens invisebat ipse, accitis soli-  
cite medicis curabat, solabatur, ac o-  
mni spe sublevabat, idq; tam constan-  
ter, ut non nemo aurigarum ejus Var-  
saviæ ab alijs ejusdem characteris in-  
questionem vocatus, quid ex servitio  
suo lucri haberet? id unum reposuerit;  
hoc se præter exactam in tempore ab  
optimo Domino solutionem, habere;  
quod certus sit, se si infirmitas, quan-

tumvis longissima sibi ingrueret, Patrē habiturum in Domino, sollicitum non minus de sua, quàm propria salute. Par erga vilissimos quoq; opifices erat affectus P. Thomæ; & illos enim omni reverentiæ significatione prosequebatur, honore præveniebat, humiliter colebat veneratione: eos quidem si in curia sua laborare contingeret, nullo modo ad lumen nocturnum laborare permittebat, sed sub crepusculum vespertinum accedens ipse, servandos monebat oculos uxori ac filiis alendis, sibi laborem eorum diurnum sufficere. Jam si demissionem, quàm erga Religiones sacras præsetulit, explicare voluero, oppidò difficile mihi creavero negotium. Meminēre plurimi temporis, quo adhuc Episcopus & Senator Regni, Brunsbergæ & Varsaviæ in triclinijs Soc: nostræ, postquā humi sedens esurialibus non nihil refectus esset cibis, omnium pedibus accidebat, dulciq; eos osculo svaviabatur non sine insigni nostrorum confusione, suos ante pedes prostratum videntium eum, qui  
omniū

omnium opinione vir sanctus habebatur, primisq; regni ac Ecclesiæ dignitatibus fulgebat. Scivit nimirū Ven. Præsul, quā verum sit illud D. Gregorij lib. 2. ep. 54 ad Joannem Ravennatem: *Nihil in Episcopali ceruice splendidius fulget quā humilitas: & illud Scripturæ: Quāto magnus es, humilia te in omnibus, & coram DEo inuenies gratiam.* Erga eos, quos, ut sibi essent a Confessionibus, impetraverat a Superioribus societatis, mirum quanto reverentis animi, ac submissionis arderet affectu; illorum nutu vivebat, illos ut DEi loco sibi datos venerabatur; illis, non modò cum intimos eis sinus ac recessus conscientiae panderet, sed in obvijs quibusquē occasionibus advolebatur, orans; permitti sibi tantulum etiam extimi obsequij, quod posset ac libentissimè vellet impendere conscientiae suae arbitris. Ab uno certè eorum acceperimus, quòd primis statim ab aditu ejus diebus provolutus in genua per amorem DEi, & quidquid charum haberet, manantibus ubertim lacrymis,

orârit; procederet secum, procul omni  
 reverentiâ, ut cum homine minus frugi;  
 ac salutis suæ incurio, verbis & moni-  
 tis, adhortationibus & increpationibus,  
 pœnitentijs quantumvis gravissimis:  
 velle se ut puerum ab ejus directione  
 pendere ac corrigi. Et hæc tanta erat  
 demissio Episcopi. Societatem ingressus  
 absolutum humilitatis exemplar fuit.  
 Neminem, etiam minimum, aut con-  
 veniebat, aut convenientem excipiebat:  
 quin illum detracto prior pileo, ple-  
 nâ reverentis animi significatione ve-  
 neraretur. Gratius ei nihil accidebat,  
 quàm cum ad oscula pedibus tyronum  
 figenda à superioribus admittebatur,  
 aut ad aliud genus religiosæ humilita-  
 tis: culinæ obsequijs, scutellarum ab-  
 lutionibus, alijsq; vilioribus actionibus,  
 cum intimo, animi gaudio se se applica-  
 bat; ac si quando illum superiores ab ijs  
 abstinere vitæ provectioris ac fractæ  
 ætatis respectu juberet; cū lacrymis tā  
 tandiu orabat, quo ad miserati ejus  
 copiam illi facerent sui deprimendi. Of-  
 fendit eum concubia nocte P. Andreas.

Doma-

Domaiewiez, tunc Minister domûs Probationis, fornacem calefactoris loco incendentem; offendit alter noctis pariter silentio, præ foribus prius Rectoris, tum & aliorum domesticorum in crucis modum prostratum; alter gradus per quos Novitiis ad commune suum asceteriû ascendendum erat, dulciter lambentem; Rector deniq; ipse, cûm relatu domestici coci didicisset; vasa culinaria, quæ cubitum concedens reliquijs esculentorum suffusa in postridianam lucem tyronû labori relinquere solitus fuerat, nocte concubia ab ignota manu frequenter mundari, ac summo manè ad nitorem expolita exhiberi: Rector, inquam, ipse rem subodoratus,prehendit navum in culina operarium egregiè circa ollas denigratum, verecundèq; erubescensem quòd prehensus esset. Auxit meritum & splendorem virtutis, cûm ad nutum Rectoris volentis laboriosis modum poni vigilijs, ac rationem valetudinis pensi haberi, promptissimam demissioni addidit obedientiam. Præpositum Profes-



forum agens, præ foribus domus toto puerorum grege cingebatur, quos rudimentis fidei constantissima humilitate ac zelo imbuebat. Ibidem, si quando iter aliquod arripiendum erat, quod pedibus conficere nequiret, vili illud curriculo, residens incommodum ad socij pedes, absolvebat; quem curriculū trahebat equus oppidō strigosus ac luridæ pellis, sessorem infuper habens rusticana è barbarie quempiam, non sine multo, supertali triumphali curuli, solatio suo. Mutavit tamen postliminio hunc sui triumphum in paulò commodiorem currum vir humilis, ubi Provincialis, sic mandantis, autoritas obedientiam requisivisset.

## CAPUT XLI.

*Studium & felicitas componendi partes dissidentes.*

**E** Piscopum debere esse velat Angelum pacis tutelarem: docet Christiana ascesis. Adeum enim pertinet cura impediendi schismatis, & litium dividantium ut hominem ab homine, sic & hominem a DEO. Quam quidē ob-

obligatioem ejus adeò gravem esse docet glossa *in cap. unum orarium*, verbo *quoties: dist. 24*, ut si in pace procuranda remissior fuerit, mortiferæ labis apud DEum reus habeatur. Quod ipsum videtur colligi ex illo Exod. 28, ubi Pontifici non aliam quàm mortis pœnam comminatur Dominus, si sanctuarium ingressus, ante conspectum Domini compareret, non indutus tunicâ, è qua malogranata & aurea tintinnabula (pæcis utrumq; symbolum) sonantia non penderent. Fuisse Ujeyscium in munere Episcopali bonum ejusmodi Angelum: innui suprâ. Scissas quippe inter se partes tanta dexteritate non rarò composuit, ut nulla ab inter necinis odijs cicatrix remanserit; ita conjuratas in prælia, & mutuas cædes composuit mentes, ut nullus amor conjunctior optari posset. Petebatur passim a partibus, quæ se læsas putabant, causarum discretor & arbiter, uniusq; illius sententiæ velut oraculo, & æquissimæ rectitudinis amissi deferebatur. Qua quidem sua æquitate partem bo-

ni Angeli, Angeli annunciantis pacem, annunciantis bona, consecutus videtur, & partem contrariam parti ejus: de quo Sapiens Prov. 17: *semper iurgia querit malus, Angelus crudelis mittetur contra eum*: factusq; est nuncius ante Dominum, per ejus manum delatum est ad sublime altare Domini in conspectu Divinae Majestatis non unum placitum DEO, sacrificium; illud inquam sacrificium, de quo Cyprianus: *Sacrificium*, ait, *DEO maius est pax nostra, & fraterna concordia, & de unitate Patris & Filii & Spiritus S. plebs adunata*. Quia, verò de compositione dissidiorum, facta per eum adhuc Præsulem jam diximus, judicamusq; superfluum, cramben recoquere; ea solum è cineribus reducere placet, quæ feliciter separatus à sæculo extinxit. Exarserant inter se occasione militis insolentius in bona Ecclesiæ sævientis Episcopus Vilnensis Nicolaus Pac, ac Palatinus Vilnensis, idemq; supremus Dux Exercituum Litvaniæ Michaël Pac; jamq; utrinq; fulmina non fatua

tua timebantur, quæ gravem ruinam  
 secum latura essent. Ut primum ta-  
 men mutuo partium consensu voca-  
 tus est in arbitrum controversiæ P.  
 Thomas, pacè felicissimè incensis con-  
 tra se animis per valâ, dissipavit hæc  
 omnia dexteritate sua, mirantibus  
 cunctis; tam facile extinctum pruden-  
 tiâ unius Jesuitæ nocivum ignem, quæ  
 tot in centores discordiarum summa  
 vi sufflamminassent. Longè difficilius  
 illi negotium facessivit causa contro-  
 versa Religiosorum Ordinis S. Basilij  
 Magni, quos Unitos vocant, cum sub  
 Metropolita: tam tamen, DEO adju-  
 tore, ad illum deduxit effectum, quæ  
 major DEI gloria requireret, Sancta  
 Sedes Apostolica optaret, bonum ipsi-  
 us Religionis exigeret. Prætendebat  
 sibi jus Proto-Archimandritæ, seu Ge-  
 neralis Ordinis, Metropolita, ac cum  
 hoc jure immediatam omnem subje-  
 ctionem, ac dispositionem circa quas-  
 vis personas, bona, monasteria; ne-  
 gabat hoc illi jus Ordo, dicens: agnosci  
 quidem ab Ordine supremum suæ Re-  
 ligionis

Religionis moderatorem Metropolitam,  
 Protoarchymandritam tamen juxta  
 statuta Ordinis eligi debere unum de  
 medio fratrum. Sic quippe haberi  
 in prima Congregatione celebrata in  
 Novogrodewice anno 1617 die 21 Ju-  
 lij, collatione 2da §. 3 sub Sanctæ me-  
 moriæ Metropolita Velamino Rutski,  
 unū è monachis eligendum, qui inter-  
 nē & immediatē administret religionē,  
 nullum aliud sustinens onus, quò com-  
 mōdius monasteria obeat, & ordini  
 tam in Præsidibus, quàm in fratribus  
 attendat; & hic vocandus Protoar-  
 chimandrita. Quamvis verò hoc  
 officium delatum aliquando fuisset Me-  
 tropolitis, ut Antonio Sielawa anno  
 1642 in Congregatione Vilnensi, Ga-  
 brieli Kolenda in Brestensi anno 1667,  
 Cypriano Zochowski in Zyroviciensi  
 anno 1675, & iterum ibidem anno 1679;  
 id tamen ut plurimū factum esse  
 cum præcautione, protestatione, ac  
 manus propriæ singulorum subscri-  
 ptione, ob graves causas, nec debere  
 liberæ electioni pro futuro unius è  
 Mo-



Monachis præjudicare, neq; ad similes  
 personas extendi. Ventilata sæpius  
 hæc causa fuit, jussu Sacræ Congrega-  
 tionis, Nuncijsq; per regnum Poloniæ  
 Apostolicis commissa in Generali eo-  
 rundem Religiosorū Capitulo compo-  
 nenda; effectum tamen nunquam ha-  
 ctenus sortiri potuit, quantumvis Ca-  
 pitulo præsiderent ipsi S. Sedis Lega-  
 ti, sicut inter cæteros præsedit uni  
 eorum Illustrissimus Pignatelli tunc  
 per Poloniam Nuncius Pontificis, po-  
 stea verò in Sancta Sede Petri Suc-  
 cessor, assumpto nomine Innocentij XII:  
 irrita ceciderant septem generalia co-  
 mitia in hunc finem ab his præsidibus  
 indicta; cùm iteratò jussu S. Congre-  
 gationis convocare jubetur Capitulum  
 Generale Opitius Pallavicinus Lega-  
 tus per Poloniam Sanctæ Sedis. Hic  
 vel quòd prævideret, se in tantis ani-  
 morum motibus, & prælatorum con-  
 tra inferiorem ordinem Vincensorum  
 dissidijs, actum acturum; vel quòd  
 legitimis alijs ad latus regium negoti-  
 is impeditus esset; Spartam Præsidis

ali-

aliquibus ex Poloniæ aut Magni Ducatus Litvaniæ Episcopis commendare statuit: verum propositos recusabant partes, palamq; jactabant perdendam operam & oleum; si faventiores uni parti quam alteri præessent. Stetit tandem judicio Nuncij, ac partium consensu; ut in præsidem Capituli diceretur Ven: Pater Thomas noster. Hunc, utpotè non ita pridem Episcopum, prælatorum partibus non contraventurum; nunc autemposito Episcopatu religiosum, acturum, quæ e bono religionis essent. Sed & iste datus ad Nuncium excusatorius, onus executiendum judicavit; spem, scribit ipse, etiamsi cæcus irrueret, in se homine indocto, causæ ignaro, auctoritate ac valetudine carente, ac ad iter prorsus inepto nullam esse; non profutura quæ tentaturus esset; haberi viros in clero tã sæculari, quam regulari melius hoc negotium ac personam sustentaturos, quam se, hominem nullius experientiæ ac dexteritatis, & cætera hujusmodi. Tentatus tamen

men iterū iterumq; a Nuncio, cum se sine consensu Patris Noſtri negotiū ſuſcipere poſſe negaret, accedente Pontificis Innocentij XI. authoritate, ac mandato Patris Generalis, viſtas manus dare coactus eſt. Partes igitur poſt indiſtam, de conſenſu controverſentium, Congregationem Generalem Novogrodecum, principio ſigillatim convenire, ac ad mutuam pacem, & animorum unionem adhortari; pēdere ab hac integritatem Ordinis ac exiſtimationem; tum perſaſionibus ac precibus agere apud ſingulos, qui remora poſituri credebantur; darent aliquid bono communitatis, ac voluntati Pontificis, nec ea prætenderent, à quibus certa everſio unionis ac ordinis penderent. Virum ſe exhibuit Cyprianus Zochowski Metropolita. Nam cum in publica ſeſſione P. Thomas exhibuiſſet, juſta petere religioſos, ſtareq; pro iis Sacram Congregationem, ſicut olim pro iis in eadem cauſa ſteterat Alexander VII. anno 1665 die 30 Maji irritam faciendō electionem in Proto-

T archi-

archimandritam Episcopi Chelmenfis, rursusq; anno 1666. 4. Junij electionem Metropolitæ in idem officium cum annullatione actorum Capituli sicut stetit Innocentius XI. tunc feliciter regnans decreto ad futuram rei memoriam emanato anno 1683 die 30 Octobris, excludenteq; Metropolitam ab eodem officio ob incompatibilitatem istius muneris cum dignitate Archiepiscopali, unâ cum invalidatione ac annullatione actuum Capituli Minscensis; cùm inquam hæc & similia, etiam à ratione petita, produxisset P. Thomas, Metropolita Zochowski integrè se nutui S. Sedis accommodare velle publico in confesso professus, sponteq; se electioni suæ passivæ in Protoarchimandritam renunciare, posteq; vota Electorum, cæteroqui in Personam suam inclinantium, converti ad mentem S. Sedis in monachum aliquem simplicè probatæ virtutis pietatis ac prudentiæ: sicut & factum est summo partium consensu ac plausu. Descensum deinde ad inspectionem regularū

larum, ac observantiae religiosae, statutaq; sunt ea, quae disciplinae regulari, ac bono sacrae Unionis congruerent. Scribit ipse P. Thomas de his suis gestis ad P. Andream Rybski Rectorem Collegij Brunsbergensis Soc: JESU die 31 Augusti, anno 1686 in haec verba.

„ Jam tandem, DEO sint laudes,  
 „ feliciter absoluta est mea Novogro-  
 „ deci in Generali Capitulo ( cui Illu-  
 „ strissimus Metropolitae, Episcopi, Ab-  
 „ bates, Consultores & alij Praelati ritus  
 „ Graeci à suis monasterijs Ordinis S.  
 „ Basilij Magni legati missi intererant )  
 „ praesidentia. Ipsi Illustrissimo Nuncio  
 „ functio haec à S. Sede commendata  
 „ erat: sed quia hic totius Christianita-  
 „ tis negotijs impeditus fuit, me sui lo-  
 „ co subdelegare volebat, quantumvis  
 „ renuerem, & absq; imperio A. R. P.  
 „ Nostri eam functionem admittere ne-  
 „ quirem. Sanctissimo tamen Domino,  
 „ ut mihi id demandaret, Patri nostro  
 „ imponente, coactus sum in spem con-  
 „ tra spem negotiationem tantae mo-



, lis aggredi, quæ à morte piæ mem.  
 , Ven. P. Rudzki in septem Generali-  
 , bus Capitulis ( quorum uni præsidebat  
 , Card. Pignatelli Nuncius Apostoli-  
 , cus ) desideratum finem habere non  
 , potuit, quæq; nec modò in tanta par-  
 , tium diffidentia, & superiorum con-  
 , tra inferiōres exacerbatione, feliciter  
 , terminanda credebatur; nemo certè  
 , fuit, qui præsentì etiam congregati-  
 , oni succēssum promitteret. Benedixit  
 , tamen simplicitati meæ Optimus Do-  
 , minus, quòd post undecim dierum  
 , labores ( non cōputo hic aliquot se-  
 , ptimanas prævias, quæ inlunì debu-  
 , erunt in dispositione agendorum, &  
 , aptatione cordium ) & animi inter par-  
 , tes optimè conciliati sint, & omnia  
 , ita ordinata, ut Rōnam contentan-  
 , dam putem, relictâ solis Agentibus in  
 , subsellijs Romanis displicentiâ; quòd  
 , ijs offa, in quam utrinq; millia fun-  
 , debantur, subtracta sit. Habui hujus  
 , meæ negotiationis Secretariū seu Soci-  
 , um laboris R. P. Joannem Berent op-  
 , portunissimè Exprovincialem, ejus  
 , pru-

, prudentiæ consummatæ & dexteritati  
 , hanc meam felicitatem adscribere de-  
 , beo & adseribo. Si particularia de  
 , his negotijs nostris & difficultates per-  
 , scriberem, iustissimum esse judicaret  
 , Vestra Reverentia, habere nos cau-  
 , sam gratias agendi Domino. Pro quib9  
 , omnib9 Sit nomen Domini benedictū  
 , in æternum. *Hactenus Pater Thomas.*  
 Porro Patres Basiliani consecuti, quod  
 sperare vix poterant, mirum quantum  
 virtutem Ven. P. Thomæ extollebant.  
 In datis ad Patrem nostrum Carolum  
 de Noyelle, concessum sibi ajunt An-  
 gelum divinitus, in hoc Apostolico Com-  
 missario; qui & pacem restituerit, & su-  
 am ordini integritatem; debere se omnes  
 P. Thomæ prudentiæ ac dexteritati,  
 quod molestis Prælatorum, minus di-  
 ligenter Religionis commodis studentium,  
 officijs liberati sint; futuram apud  
 posteritatem religiosam gratam Ujey-  
 scij memoriam, Societati deniq; perpe-  
 tuam laudem; quæ sicut olim in pri-  
 mordijs unionis per suos socios P. Ad-  
 albertum Pruski, & P. Stephanum Gru-

zewski, toto sexennio Novitiatum Ordinis sui formavit: ita nunc per P. Thomam Ujeyski effecerit; ut membra religiosa religioso Capiti respondeant. Addiderunt alia plura encomia, quæ idem P. Generalis in provinciam ad commendationem P. Thomæ rescripsit. Anno 1686. 2 Novembris. Ipse etiam Nuncius Pallavicinus mirè recreatus tam felici exitu, multas suo subdelegato referens gratias pro laboribus in tam intricata causa, appromittit: se minuta quæq; S. Congregationi ac summo Capiti perscripturum ad commendationem tanti operis & operantis; petitq;: ut adjiciat sanctè factis etiam hoc, & impetret ( sicut & impetravit ) ex eadem sacra Religione viros Apostolicos, à D. Metropolitana & Proto- Archimandrita; qui Leopolim ad dilatandam sacram unionem, ac convellendum schisma mitterentur.



## CAPUT XLII.

*Mors Ven. P. Thomæ.*

**C**Oncefferat, positâ præpositurâ domûs Professæ, de consensu Ad. R. Patris Nostri Thyrsi, ad domum Probationis Pater Thomas; ut dispositis animæ suæ rationibus, expeditior iniret viam æternitatis; atq; in nidulo suo, sic tyrociniû vocabat, moreretur. Exercitijs ibidẽ S. Patris Ignatij magna cû religione excultus, iterataq; frequenter de tota vita exomologesi, operiebatur, dum quassam senio navem suam aspirans ventus Divinior solvere juberet, seque de vitæ hujus periculis tolleret factor suus. Ne tamen interea, dum sponsum exspectat, se pars aliqua boni temporis præteriret; vigilem intendit oculum, ut quàm ornatissimam haberet lampadem suam. Solito ergo frequentius seipsum recolligere, & effundere coram Domino, cor suum per ferventissimos actus virtutum, ampliare pænitentias & mortificationes, tum inter-

nas passionum, tum externas carnis & sensuum, in satisfactionem, quæ fortè restarent, debitorum ante Dominum, avidius captare occasiones lucrandarum Indulgentiarum, deniq; per heroicam sui in Divinam voluntatem conignationem se aptare tempori, quod sibi ultimum statuisset DEus. Assueverat à puero dicendis orationibus de passione Dominica, quas S. Birgittæ vocant; has magno cum gustu quotidie orandas reassumpsit; ut quod sibi deesset, testaretur se sumere velle de vulneribus ac meritis Domini. Habebat & alias non paucas tum ad Virg. DEiparam, tum ad alios suæ mortis Patronos, quibus se in puncto hoc terribilium omnium terribilissimo tuendû commendabât. Juvat unam, quam exemplo S. Caroli Borromæi aliorumq; Sanctorum quotidie, imò sæpius per diem de genu dicebat, de verbo ad verbum transcribere.

Adoro te, inquebat, Summa Trinitas, Pater, Fili, & Spiritus Sancte, Trinitas Sancta, Trinitas incomprehen-



hensibilis, primum Principium, & ultimus Finis meus, eo affectu, quo adorari digna es, & vis adorari a me: simulq; gratias tibi ago pro infinitis miserationibus tuis indignissimo mihi ab ipso primo instanti vitæ meæ peccatricis collatis, ac tota æternitate confiterendis. Gloria Patri, gloria Filio, gloria Spiritui Sancto, quia fecit mecum magnam misericordiam suam.

Credo te DEum unum in essentia, & trinum in personis; credo ea omnia, quæ tu me credere vis, quæ Sancta Mater Ecclesia proponit credenda, paratumq; me profiteor ad profundendam millies vitam & sanguinem meum pro minimo ex articulis Sanctæ fidei, meq; ad ultimum momentum vivere velle in obedientia tua, ac Sanctæ Ecclesiæ tuæ.

Spero in te infinita bonitas; magna quidem & multiplicata sunt super arenam maris peccata mea, quibus iram merui; sed major est misericordia tua, & thesaurus passionis & sanguinis Domini mei, DEus miserationum tuarum.

T5 ~~et~~ es,

es, tibi proprium est misereri semper  
& parcere..

Amo te DEUS omni amore dignif-  
sime, & amo, quia DEUS es, quia bo-  
nus tibi es, quia omne & solum bonū  
es. Vellem te amare amore omnium  
electorum, amore Christi Salvatoris  
mei, amore quo ipse te amas: Hoc cū  
facere nequeam, saltem vilem amo-  
rem meum conjungo amoribus istis, ut  
guttam cum Oceano, ut arenam e-  
xiguam cum toto universo, ut nihil cum  
omnibus. Pereat dies quo non amavi  
te, & quo dictum est: hic homo non  
amat DEUM amorem suum..

Ex hoc amore super omnia doleo,  
doleo, doleo, quòd te incomprehen-  
sam bonitatem offenderim, non metu  
pœnæ, quæ mihi dulcis foret, si in ea  
te amare possem, non spe præmij, quod  
mihi amarum esset, si in eo te amare  
non possem; tua solius bonitas offensa  
doloris mei causa est; tu DEUS amor  
meus non amatus doloris mei causa es.  
Utinam redirent momenta, quibus non  
amavi te, toto me amarem te, quia bo-  
bo-

bonus tibi es; sicut toto me doleo, quia bonus tibi es, & a me offensus es.

Ex hoc amore volo quidquid vis, volo pœnitentiam in extremo vitæ, ac Sacramenta, quæ tu vis tunc suscipi à me; nolo quidquid non vis, & si unquam aliter volui aut nolui, quàm tu; annullo, retracto, invalido, voluntatemq; meam tibi in holocaustum dedico. Dominus es, quod bonum est in oculis tuis, fac mecum.

Ex hoc amore ratifico, quidquid ullo unquam momento vitæ meæ placitum erat in me Divinæ bonitatis tuæ; approbo omnes pios motus, sensus & actus meos; ratum habeo, heu serò nimis susceptum, statum meum in societate Unigeniti Filij tui, approbo omnia pia opera fratrum meorum, & omnium electorum, unioq; illa infinitudini meritorum Christi Salvatoris mei. DEus meus volui, & legem tuam in medio cordis mei. DEus meus amor meus, & Omnia.

His alijsq; pietatis operibus annum jam totum egerat in domo Probatio-

nis

nis P. Thomas, Rectore Patre Paulo Branicki viro solidæ, & ad societatis Spiritum limatissimæ virtutis; cùm Divinæ bonitati placuit Rectorem è statione & vita evocare. Nominaverat is in extremis suis, approbante Provinciali, dum de alio desuper provideretur, vice sui Rectorem domûs probationis P. Thomam; quod munus hic ea lege se admittere dicebat, ut, quando ita Divinæ bonitati placitum est, præcedat, & sibi locum paret, secuturum se è vestigio, cùm unâ non posset. Mortuo interin ad 29 Junij sacrû Divo tutelari ejus diem anni 1689, Rectore, curatoq; funere ejus, acciri jubet P. Thomas Domûs Ministrum, monetq; ut quando Rectori justa persoluta essent, sibi etiam de necessarijs in viam æternitatis provideri faciat. Mirari ille, ac polliceri in tempore omnia, nunc nullum adhuc propinquæ mortis extare indicium. Imò, subjungit Pater, sequar Rectorem, & sine mora sequar. Elapso modico dierum intervallo languere cæpit, accedentiquè eidem

dem Ministro, Quid putas Pater, languor iste non est indicium mortis? negantq; post hunc ait superatum, nullus me premet amplius. Interim quò propiorem se sentiebat diei suæ, eò ferventioribus dissolvi cupiebat votis actibusq; virtutum studebat intentionibus. Nullus ei sermo, nisi de itinere ad DEum ac Divinis; nulla actio, nisi quæ eum promoveret ad desideratum terminum beatitudinis. Aderat & familiaris illi medicus, qui cum conscius esset eorum, quæ patiebatur symptomaticum, de remedio sollicitus erat; cui Pater: non est, ait, quòd labores, paulò post nullâ opus erit medicinâ; cumq; infirmarius, oraturum se DEum, dicebat, ne solatio Societatis tam propere eriperetur. Adhuc, ait, vobiscum solennitatem S. mei Ignatii absolvam. Illuscescente die S. Patriarchæ, facta rursus de tota vita Confessione, Viatico ac extrema Unctione muniri postulavit, quibus summa cum pietate ac reverentia susceptis, solus relinqui voluit; ut tantò liberius cum DEo agere



gere posset: Accitum dein P. Ministrū  
petijt; commendaret Novitiis terrestri-  
bus illis Angelis agonem suum; cūq;  
hic se eodē convocaturum diceret,  
ut a morituro ultima salutis verba, ac  
monita salutaria accipiant, prohibuit P.  
Thomas prætendens, se non ita in Spi-  
ritu & Sanctitate fundatum; qui, ut  
Eliās Eliseo, quidquam de suo spiritu alijs  
communicare posset; scire se imperfe-  
ctum suum, hocq; unum relinquere;  
ut pro se peccatore, & morituro &  
mortuo, orent. Postridie diei S. Pa-  
tris, seu ipsis Calendis Augusti, quæ  
Sacrae Petri vinculis sunt, dirupit  
Dominus vincula ejus, transtulitq; e-  
um in libertatem illam filiorum, in  
qua non est amplius servitus, nec  
labor, nec dolor. Obtigit optata illi  
mors inter suavissimos amplexus Cru-  
cifixi, ac Sanctissima JESU & MA-  
RIÆ nomina, anno elapsi sæculi, seu  
post millesimum sexcentessimum, octo-  
gesimo nono, ætatis suæ septuagesimo  
sexto, initæ Societatis duodecimo, ab  
obitu Rectoris, quem se secuturum  
præ-

prædixerat, mense uno ac biduo. Mor-  
te ejus per urbem divulgatâ magno  
numero ad corpus demortui, venera-  
tionis ergo, accurritur, alijs quidem  
oscula sacro corpori figentib9, alijs autē  
attactu corollarum, imaginum, alia-  
rumq; rerum memoriæ tanti viri ser-  
vandarum demortui exuvias honoran-  
tibus; audiebaturq; communis vox o-  
mnium, Virum Sanctum mundo ere-  
ptum, novum in cælis se habituros in-  
tercessorem. Exequias, in confertissi-  
ma populi multitudine, accurrentes  
ex omnibus Sacris Ordinibus cleroq;  
sæculari, frequentes cum sacrificiis Sa-  
cerdotes decorabant, hac spe freti;  
quod ab eo in cælis habituri essent pa-  
trocinium, cujus animam Creatori sin-  
gulari pietatis sensu commendarent.  
Corpus ad viri venerationem ac me-  
moriâ, duplici inclusum est loculo,  
cui Domus Probationis, additâ deforis  
laminâ, sequenti parentavit epitaphio.

*D. O. M.*

P. Thomas Ujeyski Societatis JESU  
Professus, hac urna clauditur. Is ali-  
quando

quando Illustrissimus, ac Reverendissimus Chijoviae ac Czernihoviae Episcopus, tribus Serenissimis Poloniae Regibus Joanni Casimiro, Michaëli I, Joanni III. ob eximias virtutes, rectam sentiendi gravitatem, miram in difficillimis negotijs dexteritatem, Senator Charissimus, in iplis gratiarum, ac se se ultro ingerentium honorum occasionibus caducæ pertæsus, cupidus æternorum, magnis moliminibus, & multorum annorum apud Sanctissimam Apostolicam Sedem conatu, rarissimo exemplo, depositis infulis, Societatem JESU amplexus, altero probationis anno quatuor vota professus, paulò post Domui Professorum Vilnæ Præpositus, summâ prudentiæ ac pietatis laude illam quinquennio rexit. Sed cum tempus resolutionis instare persentisceret, quò expeditius æternis vacaret cogitationibus, ut etiam hanc ipsam præfecturam exueret, magna contentione impetravit. Obtentâ igitur à munere missione, in Domo Probationis totû se DEo, & componendis animæ rationibus

bus impendit: ubi demum, postquam  
unū exegit annum, cælo maturus obiit,  
anno MDCLXXXIX, die 1. Augusti, æ-  
tatis septuagesimo sexto, initæ Socie-  
tatis duodecimo.

## CAPUT XLIII.

### *Opinio Sanctitatis.*

**N**on est hic animus ea percensere,  
quæ speciem aliquam miraculi ha-  
bere videntur, & plurium sermone ce-  
lebrantur. Neq; enim sum nescius, ve-  
ræ solidæq; sanctitatis lucem his ra-  
dijs opus non habere. A P. Thoma scio  
repressum esse quendam confidentem,  
volentem ab eo signum videre. Lege-  
bat hic viam quandam cum eo adhuc  
Episcopo, cū medio in cursu axe ro-  
tæ fracto coguntur hærere. Instat er-  
go repetitis vicibus: signaret Episco-  
pus locum cruce; cujus iste molestiam  
hoc uno retudit: non miraculo hic sed  
fabro opus est. Demum fateor inge-  
nuè, consilium meum fuisse; hac vili  
opella annotare, quæ sanctæ æmula-  
tioni

tioni potius, quam admirationi opportuna essent. Iudicia igitur solum aliquorum, qui tam viventem, quam demortuū in opinionem non vulgaris sanctitatis vocarunt, in medium preferre placet. Ordior à voce populi, quæ non rarò vox DEI esse solet; hæc sicut illum adhuc Episcopum; ac dein per reliquā vitā Virum Sanctū, ita à morte dignissimum hoc nomine censuit. Eadem vox est Cleri tam sæcularis, quàm regularis, è quo permulti in parte felicitatis ponunt, quod à tam S. Viro Ordinibus Ecclesiasticis initiati fuerint, vel ejus contortio, patrocinio, beneficijs sibi frui licuerit. Eadem vox Provincia- rum Poloniæ ac Magni Ducatus Litvanix, quas exemplo suo ad omnem probitatem provocavit. Eadem deniq; ipsorum Ecclesiæ Capitem, Episcoporum, Regum, Principum, ac Pontificum Summorum.

Alexander certè VII, qui ut supra diximus, præter ordinem consuetum, concesserat Episcopo nostro Suffraganeum (quæ alias concessurus nō fuisset) in  
da-



datis ad eum subscribente Fr. Florentin. anno 1659. die 7. Julij, motum se ad eum concedendum fatetur spectata pietate ac zelo insigni ejus, quem etiam sperat collaturum omnia accuratè studiosèq; ad DEi gloriam, & Ecclesiæ afflictæ tam spirituales quàm temporales rationes. Rursus idem Pontifex in datis ad eum anno 1660. de die 29. Maji: vult ut fidem habeat his, quæ ipsi Antonius Episcopus Larissenus de amantissima Pontificis erga pietatem & virtutes ejus voluntate edisseret.

Clemens IX. mittendo Galeatium Archiepiscopum Corinthi anno 1668. die 5. Martij, commendat eundem Episcopo nostro; ut eum, cùm opus fuerit, auctoritate, consilio, studioq; prolixè juvet, & interim de singulari in ipsius Ujeysej virtutes charitate Pontificis disferentem benevolè audiat. Item eodem anno 25. Julij scribit, quòd cum dederit mandata eidem Archiepiscopo; ut dissidia obventura in comitijs pro Rege dicundo, conetur tollere, mandatū addiderit; ut eximiam erga Ujeysciū pa-

terni animi exponat significationem, optatq; summopere, si opus fuerit, auctoritatem Episcopi nostri interponi pro agendis à Nuncio.

Clemens X. mittendo Nuncium in Poloniam Extraordinarium Franciscum Bonvisium Archiepiscopum Thessalonicensem in negotio contra Turcã, hunc commendat Ujeyscio, ut ipsi consulat anno 1672. die 5. Novembr. Pontificatus anno tertio subscribente Mario Spinula. Rursus eodẽ anno scribit in eodẽ negotio, multam se de ejus virtutibus habere informationem, credereq; pauca nimis sibi dicta de ejus pietate, zelo ac in S. sedem animo; pergeret in omni sanctitate & justitia, cui ipse Pontifex uberem adjicit benedictionem. Deniq; quanti hic Pontifex fecerit virtutem Ujeyseij, patet ex eo; quod cõ, ut supra vidimus, manumissionem ab Episcopatu impetrare niteretur, vias omnes quæsiverit dimovendi à proposito tam spectatæ virtutis, ac tam utilem Ecclesiæ ac Patriæ virum; cumq; in iteratis instantijs Spiritum DEi vocan-

cantis agnovisset, non aliter eum ab hoc onere absolverit, quam ut pro se assiduus apud DEUM esset exorator.

Consimilis sensus erat S. R. E. Cardinalium de sanctitate Patris Thomæ: unum pono Michaëlem Stephanum tit. S. Mariæ de pace Cardinalem Presbyterum Radzieiowski, Archiepiscopum Gnesnensem, Legatum Natum, Regni Poloniæ ac Magni Ducatus Litvaniæ Primatem, primumq; Principem, qui paulò ab ingressu Episcopi nostri in Religionem, cum post consecrationem suam in Episcopum, Varmiensis Cathedralis suam primum ingredi deberet, offerretq; ei ad hunc actum Custos Ven. Capituli pretiosissimum, quem habebat Ecclesia, apparatus; amore & existimatione virtutis Ujeyscianæ, ut nuper Antonius in præcipuis anni festivitibus tunicâ Pauli primi Eremitæ; non alio uti voluit, in hac die solennitatis suæ, quam quem illi Ecclesiæ reliquisset, concedens ad solitudinem religiosam, Ujeyscius.

Addo Episcopos. Andreas Trzebicki Episcopus Cracoviensis, audito, quòd Episcopus noster Cœnotaphium sui Prædecessoris in Abbatia Plocensi (is erat Abbas Starczewski) effigie ac stemmate ejus ornârit proprijs impendijs ad id collatis. Viden, ajebat, quid rerum egerit Sanctus hic Episcopus; reliqui successores acta prædecessorum, ut lua commendatiora sint, obliterant, hic ad perennem ejus memoriam procurat esse quàm ornatissima: quæ quidem res insolita ita huic Episcopo placuit, ut datis ad Ujeyscium literis mirè ejus virtutem commendantibus illi pro tam raro tamq; insigni facto gratias retulerit ad annū 1673. Innui supra: ab Illmo. Joanne Stephano Wydzga Episcopo Varmieniensi, postea Gneznensi Archiepiscopo, non alio, quàm sancti Episcopi, suis necessitatibus supplendis divinitus dati nomine vocatum esse Ujeyscium. Alexander Kotowicz Episcopus Vिल्nësis sæpe nostris dicebat: habebitis brevi novum Sanctum Thomam Ujeyski, cui ego si superviverem, multa de eo ad ædifi-

ædificationem omnium, manifesta facerem: prius tamen morte præventus est, quam Pater Thomas decederet. Nicolaus Stupski Episcopus Gratianopolitanus æger dum P. Thomæ funebria persolveretur, cum receivisset, quam copiosus Sacerdos parentaturus adfuisset, ait: se si per senium & morbum lieuisset, non dicturum fuisse Missam pro defunctis dici solitam, sed vel de Confessore, vel si id propria autoritate non lieuisset, saltem de Ss. Trinitate gratiarum actionem: credere enim se, defunctum hunc non egere suffragijs, sed potius nos ejus intercessione.

Nec alia mens Regum erat & Principum. Joannes quidem Ill. Rex Polon. ubi è comitijs Grodnenlibus Vilnâ excurrisset, & P. Thomam regijs assumptum pedibus complexu excepisset, gaudere se, professus est, quod tam raræ sanctitatis vir se Rege, idq; è Senatu suo, ad DEi famulatum assumptus sit; neq; aliter Vilnâ abiit, quam in genua prociuus, ab Ujeyscio sibi, proli, ac Regno suo impetrasset benedictionem.



Opinionem Principum, aliorumq; primæ nobilitatis virorum facile collegeris ex eo, quòd à morte ejus certatim per literas accurrerint ad superiores domûs, in qua ultimum diem clausit Ven. P. Thomas, petentes aliquas ex utensilibus ejus privatæ suæ devotioni servituras reliquias: quod utiq; non fecissent, si fortem de sanctimonia ejus opinionem non habuissent.

Jam si mens nostra requiratur, qui eadem cum illo lege viximus, non fateri non possumus: suspexisse nos semper vivam in eo regulam Societatis, stupuisseq; non semel, quomodo homo annis gravis, ita regulari jugo assvescere potuerit: ut qui illud portavit ab adolescentia sua, nunquam libentiùs ei colla subditurus esset. Nemo illi in sui despicientia & actibus abnegationis propriæ palmam præripuit, nemo in obedientia promptior, in mortificando corpore suo ferventior, in virtutibus alijs accuratior fuit. Exemplar omnis recti nobis erat P. Thomas, ad quod respicientes operaremur salutem nostram in  
medio

medio terræ hujus benedictæ, qualis nobis semper est Religio sacra.

Claudo hætenus dicta iudicio pauperum, quibus cùm, oraculo Christi, potestas sit recipiendi in æterna tabernacula, in quæ nulli nisi sancto patet ingressus, necesse est talem esse quæ ij hac apotheosi dignam censent. Et quidem sole clarius est, non aliter quam ut sanctum semper ab ijs acceptum fuisse Ven. P. Thomam. Hunc illi non alio nomine, quam sancti Iui Eleemosynarij, misericordis Episcopi, Patris pauperum, appellabant. Unum certè eorum, quem a multis annis Frauenburgi, ubi frequens erat Ven. Episcopus noster, inmemoratum fuisse audiveram; cùm, an novisset Patrem Thomam adhuc Episcopũ, & quid de eo sentiret quæsissem: hæc omnino obortis lacrymis respondentem audiui. Mi Pater, quid de sancto hoc viro ex me quæris? non habebimus unquam tam sanctum virum, qui ita intelligat super egenum & pauperem, sicut ille; pridem sanctus iste Episcopus in cæ-

lis est, quos tam largis eleemosynis sibi emit in terris.


Et hæc sunt quæ primus omnium de vita hujus DEo dilecti Viri annotanda judicavi, confidens fore; quòd sicut in alijs quâ sanctorum, quâ illustrium aliorum virorum Vitis posterior priore plura invenit, & addidit: ita & hujus eximij servi DEI uberiora prodibunt decora, manifestabuntur virtutes, ubi rudis hæc & prima delineatio, per manus hominum sparsa fuerit. Desiderarunt hæctenus, non minus piè quàm ardenter, probi & docti omnis conditionis, Ecclesiastici, Religiosi & Sæculares; ut tandem lucidissima hæc lucerna emergeret è modio, & rursus super Ecclesiæ poneretur candelabrum: affundent igitur, quàm possunt largissimè, oleum uberius, quo in perpetuas luceat æternitates. Interim laudetur semper & ubiq; mirabilis & gloriosus in Sanctis suis DEUS.



## PROTESTATIO AUTHORIS

**C**onformiter ad decretum Sedis  
 Apostolicæ emanatum ab Ur-  
 bano VIII. anno 1625. 13 Martij,  
 declaratum anno 1631. 5 Julij, rur-  
 susq<sub>3</sub> confirmatum anno 1634. 5.  
 Julij, protestor: me omnia quæ in  
 hoc libro de virtutibus, sanctitate,  
 rebusq<sub>3</sub> gestis, Venerabilis P. Tho-  
 mæ Ujeyski ac alijs, qualemcunq<sub>3</sub>  
 miraculi speciem habentibus, conti-  
 nentur, alio sensu non accipere, nec  
 accipi velle; quàm quo solent accipi,  
 quæ humana duntaxat authorita-  
 te, non autem Divina, vel Catho-  
 licæ Ecclesiæ, aut Sedis Apo-  
 stolicæ nituntur.

IN-



# INDEX

## Capitulum.

CAPUT	Folio.
I. Natales Ven: P. Thoma. I.	
II. Ipso nato, Pater, & Fratres ejus. reconciliantur Eccl. 4.	
III. Prima literarum studia, & vocatio ad Soc: JESU. 10	
IV. Vita in aula innocenter & feliciter acta. 13	
V. Spiritualem statum suscipit, fitq; Canonicus, & Abbas 20	
VI. Familiaris supra se reflexio in vita seculari. 24.	
VII. Regis Vladislai morti, & Cosatica pacificationi inter- est. 35.	
VIII. Adoptatur in Coadjutorem	Cu-



# I N D E X

- Custodia Gnesnensis. Mors*  
*Ossolinij. 40.*
- IX. *Sepelit Parentem suum, ac*  
*Novercæ providet. 43.*
- X. *Fit Canonicus ac Præpositus*  
*Varmiensis. Ubi quadam*  
*de Alberto Rudnicki ejus*  
*temporis Canonico. 48.*
- XI. *Nominatur Episcopus Chis-*  
*joviensis & Czernihoviens-*  
*sis. 66.*
- XII. *De gestis ejus sub tempus*  
*belli in Polonia. 70.*
- XIII. *De gestis ejusdem sub tempus*  
*belli in Prussia. 73.*
- XIV. *Consecratur Episcopus, &*  
*Carolo Ferdinando testanti*  
*adeſt. 78.*
- XV. *Labores Ven: Episcopi. 82.*
- XVI. *Amor in Clerum. 87.*
- XVII. *Fundationes variæ, ac be-*  
*neſicia*

# I N D E X

- |        |  |      |
|--------|--|------|
|        | <i>nesicia in Ecclesiis.</i>   | 91.  |
| XVIII. | <i>Reip. bono studet.</i>  | 94.  |
| XIX.   | <i>Ad Confœderatos in Polonia milites fit Commissarius.</i>              | 101. |
| XX.    | <i>Beneficentia in pauperes.</i>   | 105. |
| XXI.   | <i>Munificentia erga erubescens.</i>                                     | 115. |
| XXII.  | <i>Liberalitas in Juventutem studiosam.</i>                              | 120. |
| XXIII. | <i>Attinguntur aliqua de vita P. Andrea Domajewicz ejus olim Alumno.</i> | 127. |
| XXIV.  | <i>Penetrare ad Cathedram suam laborat.</i>                              | 135. |
| XXV.   | <i>Suffraganeatum fundat, ac pro Unione Græca fortiter agit.</i>         | 143. |
| XXVI.  | <i>Hæreticorum extirpationi ac conversioni studet.</i>                   | 159. |
| XXVII. | <i>Amat Religiosos ordines.</i>  |      |

# I N D E X

- 167.
- XXVIII. *Amor in Societatem JESU.* 181.
- XXIX. *Trahetur Societatem contra famosos cujusdā libellos.* 186
- XXX. *Urget dimissionem ab Episcopatu, eamq; impetrat.* 196
- XXXI. *Resignat Episcopatum, & Abbatiam Plocensem* 215.
- XXXII. *Tyrociniū ejus in Societate JESU.* 226.
- XXXIII. *Professionem sollemnē quatuor votorum emittit.* 232.
- XXXIV. *Ejus paupertas.* 238.
- XXXV. *Castitas.* 243.
- XXXVI. *Obedientia Religiosa.* 247
- XXXVII. *Fit Præpositus domūs professæ.* 251.
- XXXVIII. *Studium Orationis.* 260
- XXXIX. *Studiū mortificationis* 267
- XL

# I N D E

- XL. *Studium humilitatis.* 275
- XLI. *Studium & felicitas componendi partes dissidentes.* 283.
- XLII. *Mors Venerab: P. Thoma.* 296.
- XLIII. *Opinio Sanctitatis.* 306.

## FINIS



